

*Auct. 46.x.*





SEN. DE MONZAMBANO  
DE STATV  
IMPERII GERMANICI  
LIBER

1111



SEVERINI DE MONZAMBANO  
VERONENSIS,

DE STATV  
IMPERII  
GERMANICI,


AD

*Gang*


LÆLIUM Fratrem,  
Dominum TREZOLANI,

LIBER UNUS.

*Editio novissima, additionibus  
necessariis aucta atque emendata.*



ANNO M DC LXXXIV.





# LÆLIO

DE

MONZAMBANO

TREZOLANI Domino,

SEVERINUS DE MONZAMBANO

S. P. D.

**Q**Uod plurimis  
me literis dudum  
flagitasti, LÆLI  
FRATRUM OPTIME,  
quo consilio, quidve ani-  
mo volvens tamdiu per  
Germaniam circumcurssi-  
taverim, vix tandem tuo  
pene convicio domum  
retractus, id nunc Tibi

a 2

pau-

## EPISTOLA.

paucis exponere lubet. Alias enim nationem nostram peregrinationibus non adeo deditam constat; quod credamus, ipsius ingenia naturali bonitate enitescere, haut quidquam exteræ limæ indiga. Et apud Transalpinos aliquam prudentiæ opinionem conciliat, vel de summis montibus Italiam conspexisse. Quomodo igitur negotium illud, cujus expediendi causa Alpes transcenderam, præter spem in aula Bavarica me detinuerit, ipse nosti. Heic dispellendo  
otii

## EPISTOLA.

otii tædio curatius evolve-  
 re cœpi, quæ unus atque  
 alter nostratum super  
 bello Germanico literis  
 prodidit. Quorum fidei  
 Germani ipsi plus, quam  
 civium suorum, tribuunt,  
 queis manifestum fere in  
 partes studium, aut verum  
 periculi metu infractum.  
 Et qui extat apud ipsos cir-  
 ca id bellum liber, in  
 complura diffusus volu-  
 mina, meliori, quam an-  
 tiquum chaos, jure dici  
 meretur, rudis indigesta-  
 que moles. Legentem  
 subiit admiratio, quanto  
 molimine res gesta fuerit;

## EPISTOLA.

quot præliis, quam atroci-  
bus decertatum; quomo-  
do tantis cladibus suffice-  
re potuerit Regio, ad  
quam perdendam non  
minus cives, quam exteri,  
per annos triginta incubu-  
erant. Invasit inde ani-  
mum cupido pressius ex-  
plorandi, quæ genti vires  
opesque, quæ populorum  
varietas, simul quali com-  
page tam vastum corpus  
conjungeretur. Dedit ta-  
men grande patientiæ do-  
cumentum, & quale vix à  
fastidio Italici genii pote-  
rat expectari. Præterquam  
enim, quod isti fini addi-  
scen-

## EPISTOLA.

scendam susceperam linguam Teutonicam, omnes Europæas difficultate superantem, etiam illa ab initio me tenebat persuasio, non posse penitus cognosci Statum Germaniæ, nisi quis à capite ad calcem evolverit omnes ejus nationis Scriptores, qui *Jus Publicum*, quod vocant, consignavere. Igitur non sine ambitione impetravi abs quodam Consiliario, qui bibliothecam possidebat in eo genere copiosissimam, suppeditaret Autores, quos desiderio meo maxime

## EPISTOLA.

idoneos putaret. Hic, ut omnes humanitatis numeros expleret : simul ostentandæ copiæ, per duos robustissimos famulos, sub onere gementes, repetitis aliquoties ferculis, conclave meum adeo compleri libris curat, ut vix mihi ipsi locus superesset. Adjecit, hisce interea velut in promulsidis vicem ventriculum meum præpararem, justas epulas mox secuturas. Heic ego, improvisum asperis veluti qui sentibus anguem præsit, obstupui, &, quanta mihi tormenta ultro arcessis-



## EPISTOLA.

cessissem, ingemui. Nam neq; decorum videbatur, cum tantum discendi ardorem ostentassem, solo intuitu defetiscere; neque tamen tantum crimen videbatur, circa alienam Remp. curiositatem exercere, ut tam sævo mortis genere perire mererer. Diu æstuanti commodum succurrebat, quod olim ab erudito apud nostrates viro audiveram, *Teutonicos homines insatiabile scribendi cacoëthes tenere*: verum paucissimis datum, aliquid procudere, quod inventionis acuminē,

## EPISTOLA.

ne, aut genii lepore politi,  
applausum seculi possit  
provocare. Ne tamen pe-  
rituræ parcatur chartæ,  
pleramque turbam petitas  
passim particulas in unam  
compingere massam, vix  
uspiam aspersa judicii mi-  
ca. Nec plagii apud ipsos  
habere crimen, aliorum  
opera paucis interpolata  
locis pro novis venditare.  
Aliquos deniq; sibi locum  
inter autores deberi crede-  
re, quod diffusius aliquod  
scriptum in compendi-  
um, aut, si Diis placet, in  
Tabellas, memoriæ an  
stupiditati juvandæ, rede-  
gerint.

# EPISTOLA.

gerint. Et vero hoc magis sperabam fore, ut cognito uno cunctos nossem, quod isti Scriptores ut plurimum inter Jurisperitos nomen suum profiteantur, apud quos sese mutuo bona fide exscribere in legem abiit. Obfirmato sic in ferream tolerantiam animo, unum ab initio evolvendum suscipio, mole præ cæteris, conspicuum, & quem à multis cum primis probari audiveram: & de quo non frustra credideram, ipsum non minus priores omnes compilasse, quam à sequentibus pari

## EPISTOLA.

ri modo tractatum. In isthoc Autore, quod cæteris indignationem movere poterat, mihi nescio quomodo levamenti instar visum est habere. Quo plura enim passim infarctæ erant, quæ ad rem nihil facerent, eo proniore vento ad portum rapi videbar. Cæterum uti exteriorem Imperii Germanici faciem sic satis inde licebat cognoscere; ita illud absurdum valde videbatur, quod, cum ubiq; febriculosam Juris Civilis notitiam ostentaret, ac, quicquid uspiam legisset audisset.

## EPISTOLA.

dissetque, eodem compingeret, nihil ibidem deprehenderetur, quod vel mediocrem Politices solidioris cognitionem saperet. Nam uti priora illa annotasse, mediocris est diligentiae & nullius ingenii; sic *asinus ad lyram* jure dixeris, qui ad tam irregularis Reipubl. structuram explicandam in publicum provolant, historiae patriae scientiaeque civilis rudissimi. Enimvero postquam tædiosa illa lectione defungi datum, simulq; deprehensum, plerosque chorda eadem oberrare, diversam mihi

## EPISTOLA:

mihi viam judicavi ineundam, & post habitis ineptorum libellorum quisquiliis, ex viris usu rerum spectatis potius exquirere institui, quæ dubitationis quid videbantur habere. Cujus quidem instituti fructus percepi non contemnendos. Præterquam enim quod plurima contigit didicisse, quæ in libris nequidquam quæsi veris; ea quoque curiositas magnopere mihi pigneravit humanitatem gentis, alias in externos non parum proclivis. Cum primis quippe placebat, quod in me non depre-

## EPISTOLA.

deprehenderent, nauscam  
 illam adversus res ipso-  
 rum, plerisque exterorum  
 familiarem. Et quo secu-  
 rius mecum ipsis, liberiuf-  
 que conspicerent agere;  
 eo benignius amplecte-  
 bantur, tanquam candoris  
 sui, quo maxime æstimari  
 gaudent, imitatore. Sic  
 ut demum decreverim, la-  
 tius tam exposita gentis  
 benevolentia frui. Igitur  
 confecto Monachii ex ani-  
 mi sententia negotio, Ra-  
 tisponam me contuli, quo  
 tempore recens terror bel-  
 li Turcici non paucos Prin-  
 cipes eodem contraxerat.

## EPISTOLA.

Heic vero facile erat, unò  
velut intuitu genium re-  
rum Germanicarum con-  
templari, & quam laxè ista  
compages cohæreret. Sed  
& aditum sternente ami-  
co illo Bavarico, innotuif-  
se datum viro, cui vix pa-  
rem in Germania ullum  
vidi, qui tunc temporis re-  
rum in aula Moguntina  
potiebatur, à plerisque Ger-  
manis maximi habitus.  
Hic summa me humani-  
tate excepit, & qualem ho-  
mo peregrinus & ignotus  
haut quidquam expectare  
poterat abs tali, cujus gra-  
tiæ literati passim per pu-  
blicas



# EPISTOLA.

blicas quoque adulationes adrepere honestum putabant. Et sane non Ratifponæ solum ejus Viri favor multos mihi amicos paravit; sed & cum ipsi significassem, mihi in animo esse, partem aliquam Germaniæ perlustrare, literis me suis ad diversas aulas instruxit, quæ gratiosissimæ instar tesseræ hospitalishabuerunt. Inde secundo Danubio Viennam descendi, ubi, ne peregrinus viderer, nonnulli ex popularibus meis effecerunt, qui fortunam ibi nimis quam propitiam fue-

## EPISTOLA:

rant experti. Commodum dein accidit, ut Minister quidam Cæsareus ad Electores, Saxonem & Brandenburgicum, ablegaretur, quicum jam amicitia erat contracta. Eo lubentius me ipsi, ultro invitanti, comitem adjunxi; præsertim cum cavisset, Italicæ sobrietatis opinionem mihi præsidio esse posse, ne per nimiam humanitatem vino suffocarer. Aliàs enim moribus gentis ignavum habetur, valetudinem suam supra solennes illas propinationes ducere. Berolino me digres-

## EPISTOLA.

digressum aula Ducis  
 Brunsvicensis excepit. U-  
 bi præter cætera gratissi-  
 mum fuit, sermones mi-  
 scere cum Professore ex vi-  
 cina Academia, quem jam  
 tum Ratisponæ à rerum  
 patriarum peritia insigni-  
 ter commendari audive-  
 ram. Nam & in plerisque  
 circa statum Germaniæ  
 mecum sentiebat, & sua  
 scripta, longe diversum à  
 reliqua turba genium præ-  
 se ferentia, promte com-  
 municabat. In quibus  
 etsi multa sat libere posita  
 erant, non obscure tamen  
 adparebat, non pauca

## EPISTOLA

ipsum dissimulasse, declinandis potentiorum offensis, aut ne insulforum hominum clamores in se irritaret. Ex illo tempore primum in mentem venit isthæc in chartam conjicere; quod sperarem, fortasse mollius profectam à peregrino veritatem iri exceptum, abs quo studium partium, aut suspicio captandæ gratiæ reponendæve vindictæ, abesset. Hucusque progressu ignavum videbatur, Belgium non adire. Quod diutius me tenuisset, ni imperio sæ tuæ literæ, simul res domesticæ,

## EPISTOLA.

sticæ, serio de patria repetenda cogitare subegissent. Adverso ergo Rheno adscendens, Dusseldorpii parem, quam quondam Neoburgi, humanitatem expertus fui. Nec minus hospitalem sese Bonna præbebat. Apud Moguntinos parum videbar acceptus, quod per imprudentiam tantopere prædicarem officia Ministri illius, quem interea ipsi nescio quibus de causis munere suo dimoverant. Heidelbergæ, festinantem licet, subsistere coëgit cupido videndi Electorem Pala-

## EPISTOLA.

tinum, cui parem ingenio  
 sapientiaque Principem in  
 Germania non dari, ex  
 multis dudum audive-  
 ram. Et sane, ut ut famam  
 in suas laudes non experia-  
 tur parcam, ejus tamen  
 præconia sic videbatur im-  
 plere, ut inter præcipuos  
 fructus Germanicæ pere-  
 grinationis reputem, istū  
 Principem salutasse, & do-  
 tes ejusdem cominus ad-  
 spexisse. Dulcedo heic  
 commorandi effecit, ut  
 Studgardia non nisi pau-  
 culos dies possem imperti-  
 ri; quam & ipsam tamen  
 adiisse non poenitebat.

Vides

## EPISTOLA.

Vides jam, FRATRUM  
 OPTIME, qua ratione  
 mihi tempus inter Teuto-  
 nes exactum : & quod  
 quantivis sit æstiman-  
 dum, tam effusam candi-  
 dissimæ gentis humanita-  
 tem non leviter degustas-  
 se. Cui nullam in præsens  
 gratiam referre potui,  
 quam ut faciem Imperii  
 ipsius ex vero depinge-  
 rem. Saltem popularibus  
 meis hoc opusculi non in-  
 gratum fore confido,  
 quod & pleraque sint ex-  
 posita, in quæ ipsi circa co-  
 gnoscendas exterorum  
 Resp. inquirere sueverunt;

## EPISTOLA.

& castigata brevitare fastidioforum fatietati occursum. Tibi autem, FRATRUM OPTIME, libellum huncce inscribere placuit, eam duntaxat ob causam, ut moram purgarem, quæ non parum molestiæ Tibi creavit in gerendis meis negotiis; simul ut constaret, fuisse in Germania, quod curiositatem meam exercuerit. Aliàs enim & merita in me tua, & mutuus inter nos affectus majora sunt, quam ut tam modico indicio aliqua eorundem pars exprimi debeat. Bene vale.

Ad



# Ad Lectorem.



*Liquoties jam à prima sui editione recusatus est Severini de Montambano, de Statu Imperij Germanici, Liber, sed toties fere aliena manu interpolatus; aliquando etiam, ut prætendebatur, notis & stricturis explicatus & restrictus. Præsens isthæc editio nativæ suæ ingenuitatis textum restituit, & quamvis ille à primæ Editionis tenore nonnunquam recedit, nihil aliud tamen, quam additiones emendationesq., ab ipso Autore adornatas, complectitur, cui puto tale quid agere integrum fuerit. Id autem quibus in locis factum sit, ex institutâ collatione facile apparebit. Ab Editore hoc saltem est præstitum, ut Capitulum lemmata, quod nonnulli desideraverant, præscri-*

scriberentur, & ad presentem statu paulo propius attemperarentur, qua Capite altero, eo quo concipiebantur tempore, circa familiarum Illustrium lineas partitionesque verissime tradita fuerant. Reliqua iis plane verbis, quibus novissime legi optavit Autor, sunt expressa. Quod latere nolumus illum, qui sua interesse, ut resciret ista, fuerit opinatus.



SEVERINI DE MONZAMBANO  
VERONENSIS  
DE STATU  
IMPERII GERMANICI

AD

LÆLIUM Fratrem,  
Dominum TREZOLANI,  
LIBER UNUS.

CAPUT I.

De origine Imperii  
Germanici.

- |  |   |
|--|---|
| I. Termini Germania<br>veteris.  | ponere possint.   |
| II. Populi illius quali<br>regimine sint usi.  | V. Incrementa Fran-<br>corum Imperij.   |
| III. Franci, ad Germa-<br>nos, an Gallos, pri-<br>mam referant ori-<br>ginem, argumenta<br>Gallorum. | VI. Carolus M. Ger-<br>manus fuerit ne an<br>Gallus.                            |
| IV. Quid Germani re-   | VII. Carolus diversas<br>possedit regiones di-<br>versa acquisitas ti-<br>tulo. |

A

IX.

- |  |   |
|--|---|
| <p><b>II.</b> <i>Germania quali statu fuerit sub Carolo M. &amp; Ludovico Pio.</i></p> <p><b>IX.</b> <i>Quali sub Ludovico Pij filia.</i></p> <p><b>X.</b> <i>Imperium Romanum quibus vicissitudinibus jactatum, donec à Gothis occuparetur.</i></p> <p><b>XI.</b> <i>Post Gothos, quomodo Orienti adhaeserit; &amp; quâ ratione inde avulsum sit.</i></p> | <p><b>XII.</b> <i>Carolus M. Imperatoris atq; Augusti titulo, quid accepit.</i></p> <p><b>XIII.</b> <i>Otto M. quomodo Imperium Romanum cum Germania conjunxerit.</i></p> <p><b>XIV.</b> <i>Cur Imperium Germanicum Romanum dicatur.</i></p> <p><b>XV.</b> <i>Quale incommensuratum ex ista appellatione in Germaniam redundaverit.</i></p> |
|--|---|



**GERMANIA**  
 Magna quondam ad Orientem Danubio, ad Meridiem Rheno finiebatur. Sarmatiam versus iidem ferè, qui hodiè, termini videntur fuisse, reliqua Oceanus ambibat. Sicut sub isto vocabulo tunc quoque veniret Dania, Norvvegia, & Suedia, usq; ad sinum Bodnicum; quas partes plerique antiquorum Scan-

Scandinaviæ aut Scandiæ nomine complectuntur, quod ipsum adhuc Scania Provincia repræsentat. Sed quæ trans istum sinum sita sunt, Germaniæ antiquæ parum recte accenseri crediderim. Nam modernos Finnos linguæ geniiq; diversitas separatam penitus à Suedis aliisque Germanicis populis nationem arguit. Ad quos ipsos tamen illa, quæ *Tacitus de moribus Germanorum* tradit, haud quidquam pertinere, sed ad Lappones, videntur, quorum hodieque par fere vivendi ratio. Veros autem Finnos sub Æsthis latere probabile est. Neq; vero mirum, Tacitum circa remotissimas illas gentes parum distincte tradidisse; quarum vix tenuis fama ad ipsum erat perlapsa. Enimvero hodie partes istæ Septentrionales scorsim regnantur. Igitur ex illo latere Germania Mari Baltico ter-

minatur; & magnam Chersonesi Cimbricæ partem sibi Dania vindicat. Sed velut in compensationem ultra Danubium ad Italiam usque & Illyricum fines ista protulit; & cis Rhenum non exiguus tractus, quondam ad Galliam Belgicam spectans, eidem adcrevit.

II. Tam vastum terrarum spatium complures quondam populi in sedere, numero cum primis & robore virorum validissimi. Quorum singuli tamen fere suam sibi seorsim civitatem constituebant, à reliquis distinctam, nisi qua linguæ morumque similitudo, communisq; origo jungebat. Et plerique quidem populari regimine gaudebant. Nonnullis Reges erant, sed fere suadendi magis auctoritate, quam jubendi potestate. Neque enim ista natio unquam totam servitutem potuit pati. Er-

go antiqua illa Germania nunquam unum Imperium constituit. Id quod commune habuit non solum cum Italia nostra, sed & cum Hispania, Gallia, Britannia & Græcia, antequam istæ à Romanis subigerentur. Qualis status ex primæva illa civitatum origine, qua segreges familiæ paulatim in unum corpus coaluere, magis expressa retinebat vestigia. Verum utut antiquis illis eximia quadam libertatis specie talis autonomia cum primis blandiretur: tamen tantam multitudinem Rerump. frequentissimis inter sese bellis collidi necessum erat. Et vel ideo exterorum invasionibus opportunæ reddebantur validissimæ cætera gentes, quod uno imperio vires ipsarum non connecterentur. Imo ne fœderibus quidem pleræq; se satis mature contra commune periculum

muniebant, sed tunc demum concordia bona sentiebant, postquam, dum singulae pugnarant, universae victas sese deprehenderunt.

III. Ab isto statu ut discederet Germania, primi causam praebere Franci. Quae natio ad Germanos, an ad Gallos, primam referat originem, non ita in expedito est. Nam utut concederemus, quicquid populorum Graecis quondam sub communi Celtarum vocabulo fuit comprehensum, puta Illyricos, Germanos, Gallos, Hispanos & Britannos, ex uno velut fonte promanasse: quin tamen isti deinceps moribus & linguis insigniter discreparint, nemo antiquitatis peritus inficias iverit. Occasionem disceptationi dedit ineptus quorundam Gallorum factus, qui obliti, non paucos quondam Galliae populos ultro circa  
origi-



originem Germanicam fuisse ambitiosos, Germanos Francorum generis autores agnoscere fastidiunt. Isti ergo contendunt, ex Gallia magnam hominum multitudinem sese quondam trans Rhenum in Germaniam effudisse, tractumq; circa Mœnum fluvium ad sylvam usque Hercyniam insedisse. Eam postea, transmissa aut occupata, quod ad dextram Rheni ripam ad ejus divergium jacet, Rhenum transgressam, antiquæ sedes patriæ postliminio velut recuperasse. Partem tamen circa Mœnum hæsisse, circumjectæque regioni de se nomen indidisse. Pro ea opinione firmanda testis excitatur *Livius* l.v. c.34. *Cæsar de Bello Gallico* l.vi. c.24. *Tacitus de Moribus Germanorum* c.28.

IV. Hisce tamen non absurde reponere possunt Germani, scriptorum Romanorum autorita-

tem non esse omni exceptione majorem ; quippe 'qui adseveratione satis languida de rebus longissime à sua memoria remotis tradidere ; & quidem circa populum exterum , cujus antiquitates nullis literarum monumentis conservabantur. Neq; vero probabile videri, cum Trebocci, Nemetes, Vangiones, Treveri, aliiq; Rheno propiores populi originem Germanicam jactaverint, oram hisce fere oppositam à Gallico fuisse populo occupatam. Et ut maxime detur, Francos ab initio fuisse coloniam Gallorum ; tamen qui per secula circiter octo in solo Germanico habitaverint, linguamque & mores à reliquis Gallis discrepantes, sed Germanis congruentes induerint, inter Germanos deinceps censendos manifestum est, saltem hætenus, ut posterii istorum Germanica stirpe  
eru-

erubescendi causam nullam habebant. Illud constat, ante seculum à Christo nato tertium vix ullam in historiis Francorum fieri mentionem. Inde diversa oritur opinio, dum alii credunt, illos, qui *Tacito* Chauci vocantur, antiquum nomen vocabulo Francorum mutasse: Non pauci, Sicambros & quicquid Vahalim inter & Isalam gentium erat, circa annum Christi CCC. novum Francorum vocabulum sibi adsumisse; atque inde prima regni Francici incunabula repetenda: Alii autem, plures Germaniæ populos, aut coalitam ex illis multitudinem, eo sibi nomine sumto, eximium libertatis studium ostentasse. Nam Francus Teutonice lingua liberum hominem notat. Adducuntur quoque testimonia Francisci I. & Heinrichi II. Regum Galliarum, qui in literis ad Ordines Germaniæ

manix, ex stirpe Germanica genus sese profitentur ducere. Etsi, quo fine ejusmodi cognationes exole-  
tæ interdum jaçentur, cordatio-  
ribus non difficulter subolet.

V. Quidquid hujus sit, isti Fran-  
ci, in Ubiis, ut vulgo traditur, Rhe-  
num transgressi, postquam maxi-  
mam Galliarum partem subegis-  
sent, flexo velut victoriarum cursu,  
Rhenoque iterum superato, Ale-  
manniam, & quicquid fere terra-  
rum inter Moenum & Danubium  
retro in Thuringos extenditur,  
subegerunt. Verum longè lateque  
Francicum Imperium per Germa-  
niam extendit Carolus Magnus,  
victis in primis Saxonibus & Tassi-  
lone Bavarix Rege. Sic ut iste  
ditione complecteretur non so-  
lum pleraque à Germanicis popu-  
lis in seffa, sed & quæ versus Mare  
Balticum & Poloniam ad Vistu-  
lam usque Slavi tunc obtinebant.

Nam

Nam & hos Carolo tributarios factos, aut saltem ejus majestatem comiter coluisse, historiæ testantur.

VI. Hunc Carolum suæ nationi vindicare Germani plerique anxie satagunt, quippe editum in lucem Ingelhemii, oppido prope Moguntiam, jam in ditione Electoris Palatini. Imo in antiquo Instrumento Abbatiae Fuldenfis, terra circa fluvium Unstrut, i. e. Thuringia, vocatur terra conceptionis ipsius. Eundem quoque lingua Germanica usum, evincunt nomina mensiû, Germanis adhuc usurpata, quæ ab ipso posita creduntur. Enimvero si me Germani tanquam hominem peregrinum in negotio suo paterentur sententiam dicere, utut aliàs in gratiam Gallorum de ipsorum rebus nihil temere largiri placet, suaderem, ut æquo animo prætensionî circa  
Caro-

Carolum renunciarent ; præsertim cum id præsentī ipsorum Imperio haud quidquam fraudi esse queat. Scilicet Francos sedem regni in Gallia statuissē, in confesso est. Nec minus, Caroli patrem Regem Franciæ fuisse, ejusque majores in eodem regno summis honoribus functos. Partes autem Germaniæ Transrhenanæ, quæ tunc ad regnum Francorum pertinebant, accessorii duntaxat instar habebant, velut provinciæ bello subactæ. Illius porro nationis quisque censetur, cujus ipsius pater est, & ubi sedem fortunarum à patre majoribusque traditam obtinet. Solus nativitatis locus diversæ à paterna nationi aliquem haut quidquam inserit. Nisi vero credamus, modernum Suediæ Regem, si contigisset ipsum in Borussia nasci, inter Borussos & non inter Suedos fuisse censendum.

Neq;

Neque Germania Transrhenana  
 sub Franciæ vocabulo venit, nisi  
 postquam ea sub Carolo Franco-  
 rum regno fuit adjuncta. Nam in-  
 primis, ubi ipsius posteritavitum  
 regnum divisissent, ab autoribus  
 quoque incipit frequentari distin-  
 ctio inter Franciam Latinam sive  
 Occidentalem, & Teutonicam  
 sive Orientalem; quæ ipsa est Ger-  
 mania magna, seu Transrhenana.  
 Et si post Ottonum tempora ea  
 Germaniæ appellatio paulatim  
 videatur exolevisse. Dubium,  
 quod ex lingua Caroli movetur,  
 commodissime hoc modo expe-  
 diri potest. Galli Romano jugo  
 subiecti paulatim dominantium  
 quoque linguam adscivere, sicut  
 demum vix ulla antiqui Celtici  
 sermonis superarent vestigia.  
 Francos porro, in Gallias ingres-  
 sos, Teutonicam suam linguam  
 non statim oblitos, extra dubium  
 est.

est. Enimvero Franci haut quidquam antiquos Gallos internecione deleverunt, aut sedibus ejece-  
runt, sed imperium duntaxat Gal-  
liæ sibi adseruere. Exinde tamen  
contigit, ut, qui Francici essent  
sanguinis, in Republica emine-  
rent, antiqui Galli, tanquam vi-  
cti, deterioris essent conditionis.  
Quemadmodum autem, quando  
duo flumina diversi coloris con-  
fluunt, aliquandiu solum colo-  
rem, quem alveo communi intu-  
lere, servant, donec tandem pau-  
latim majus in minori suum per-  
dat; ita ab initio aliquandiu reti-  
nuerunt suam linguam Galli,  
suam item Franci, donec successu  
temporis, ex utraq; mixta cinnus  
velut quidam emerſit, in quo ta-  
men Latina plurimum prædomi-  
naretur. Cujus rei ratio facile in-  
vestigari potest. Nam sine dubio  
multitudine excedebant Francos  
Galli;



Galli; & longe difficilior hisce erat addiscere linguam Teutonicam, quam illis Latinam. Nam quantum in ea lingua addiscenda exteri sese torquant, meo ipsius exemplo didici. Inde etiam apud antiquissimos rerum Francicarum scriptores, vulgaris lingua Latina, lingua rustica audit; scilicet quia nobiliores Teutonicam adhuc linguam retinerent, cum rustici & reliqua antiquorum Gallorum plebs nil nisi Latinum sonare sermonem nossent. Sic hodieque deprehendimus in Livonia & Curlandia, ubi per Germanos antiqui incolæ ad conditionem rusticorum redacti sunt, omnes fere nobiles oppidanosque callere linguam rusticam; rusticorum contra vix decimum quemque voculam Germanicam intelligere. Ergo Carolus potuit nosse linguam Teutonicam, tum quia illa  
inter

inter Franciæ stirpis homines  
nondum penitus usurpari desie-  
rat, tum quia magnam Germaniæ  
partem & antea Franci, & ipse uni-  
versam imperio complexus erat.  
Nec vero rudi illo seculo cum  
Germanis conversari erat, niver-  
nacula ipsis lingua sermocinari  
nosses. Cæterum accuratissime  
hanc litern composuerit, qui ob-  
servat, à plerisque diversas quæ-  
stiones hic confusas fuisse. Si  
enim quærat, ad Gallos, an ad  
Germanos, Carolus stirpis suæ  
originem referat? sine dubio re-  
spondendum erit, quod non sit  
stirpis Gallicæ, sed Germanicæ,  
seu Francicæ. Verum si quærat,  
qua patria censeri debeat? Gallia,  
non Germania, ipsi assignanda  
erit; adeoque hoc intuitu non  
Germanus, sed Gallus seu potius  
Francogallus, dicetur. Metuo, ne  
stuporis videar arguere lectorem,  
si rei

si rei tam planæ diutius immoratus fuero. Sed tamen hominibus Germanis notissimum exemplum addere non pigebit. Apud eos enim si incideris in nobilem Livonum, eumque interrogas, cujas sit? respondebit, se Livonum esse, non Germanum. Ubi ulterius instes, quali stirpe sit oriundus? dicet, se Germanum esse, non Lettonem.

VII. Cæterum Carolus hic diversas regiones imperio suo complexuserat, diverso adquisitas titulo. Franciam obtinebat tanquam paternum regnum, jure hæreditario ad se devolutum. Ut enim apud antiquissimos Francos aliqua quoque procerum populi-que in Rege constituendo intervenisse auctoritas legatur; putaverim tamen, eam magis habuisse instar solennis inaugurationis, obsequiique erga novum Regem

B

con-

contestationis, quam libera electionis. Nec temere ab ordine sanguinis discessum, nisi per factionem, aut quia heres sceptro penitus inhabilis. Regno Franciæ jam antea juncta erat pars Germaniæ; reliqua à Carolo armis subacta. An quidam ultro sub ipsius imperium concefferint veneratione magnitudinis, in obscuro est. Belli quoque jure subjecit sibi Regnum Longobardorum in Italia, prætextum suppeditante Pontifice Romano. Idem denique Imperator Romanorum Augustus, voluntate Pontificis populi-que Romani, est consalutatus: per quem titulum quid acceperit, paulo post monebimus.

IIIX. Sic igitur sub Carolo Germania portio fuit regni Francorum, sat absoluto ipsorum, ut videtur, imperio subiecta. Eam in complures provincias divisam præ-

Præfecti, originis plerique Francicæ, sub nomine Comitum aut Marchionum administrabant. Et si Saxonibus amplior quædam libertatis species relicta; quippe quos Carolus, diuturno demum bello fractos, in jura populi Francici adscivit, unamque velut gentem cum Francis esse jussit. Ut tamen ferocem nationem, servitii que impatientem, cò melius in officio contineret, adsumti in subsidium sacerdotes, qui populum religione Christiana imbuerent, simulq; sedulo inculcarent, quantum opere illis essent devincti, per quos viam adipiscendæ salutis æternæ didicissent. Inde complures Episcopatus & Abbatia per Germaniam Carolum fundatorem agnoscunt. Eadem conditione sub Ludovico Pio, Caroli filio, Germania fuit, nisi quod Præfectorum illorum autoritas &

potentia magis magisque coepit  
 adolescere, sacerdotibusque per  
 indulgentiam Principum gliscen-  
 te opulentia fastus non parum  
 augeri.

IX. Verum postea cum Ludo-  
 vici hujus filii paternum Imperi-  
 um inter se divisissent, (quæ præ-  
 cipua fuit causa convulsæ poten-  
 tiæ Francicæ, prostratæque fami-  
 liæ Carolinæ; ) avulsa fuit à reli-  
 quo corpore Imperii Francici Ger-  
 mania, & peculiarem sibi Regem  
 accepit, Ludovicum, Pii filium.  
 Cum Germania post coaluit ma-  
 gna Galliæ Belgicæ pars, ad Rhe-  
 num vergens, Teutonicis fere po-  
 pulis infessa, quæ à Lothario, iti-  
 dem Pii filio, Lotharingiæ nomen  
 est sortita; etsi hodie modica dun-  
 taxat regni Lotharii portio isthoc  
 vocabulo insigniatur. Cæterum  
 inter exitialia bella, quibus Caroli  
 posterius inter sese collidebantur,  
 non

non solum enormia sumsit incrementa procerum Germaniæ potentia, sed etiam ipsa stirps Carolina demum penitus fuit extincta, aut saltem regno Francorum dejecta, (nam hodieque & Comites Palatini ad Rhenum, & Duces Lotharingiæ, à Carolo stemma suum deducunt,) ac Germani ex suæ nationis proceribus sibi Reges legerunt. Ex quo tempore Germania suas sibi res seorsim habuit, nec cum Francia communi imperio est usa. Porro quia Germanorum Resp. populari usu nomine Sacri Romani Imperii solet denotari, operæ pretium puto erit, paucis inquirere, quo modo hunc titulum primum nata sit? quid per eum ipsi accesserit? & quo jure eundem hodie gerat? Ad quod solide intelligendum, necessum erit, paucis repetere, ad quam conditionem antiquum Imperium

Romanorum ante Carolum redactum fuerit.

X. Quemadmodum igitur populus Romanus, postquam nobilissimam orbis terrarum partem jugo suo subjecerat, demum ambitione paucorum præpotentium civium in bella civilia ruerit, & exinde sub unius dominatum pervenerit, in vulgus notum est. Cæterum Augustus, Monarchiæ Romanæ conditor, uti ope militum Imperium quæsiverat; ita per eosdem idem sibi servandum esse facile perspiciebat. Inde utut circa multa regni negotia nonnulla potestatis species Senatui relicta; curam tamen rei militaris sibi soli seposuit, eamque nomine Imperatorio non obscurè præ se tulit. Enimvero tanquam præcipuum regni arcanum, curatissimis simulacris involvendum, & à vulgi militaris intelligentia submo-  
dum



dum erat, penes milites esse, Imperatores solio admoveere & deturbare. Quod postquam evulgatum fuit, non minus misera ipsius Imperii, quam Imperatorum conditio extitit. Illud enim frequentibus bellis intestinis debilitatum, ex libidine avari aut turbidi vulgi sæpe pessimos homines cervicibus suis imponi sensit, sæpe optimos rectores immani scelere sibi immature cripi luxit. Neque his sat firma transmittendi ad posteros suos Imperii spes; & precarius semper spiritus inter venales trahendus. Ergo reveravis Imperatores constituendi erat penes milites; (id quod usu venire solet omnibus Monarchiis militaribus, seu ubi validus quispiam isque perpetuus exercitus uno in loco alitur.) Senatus populusque imbellia & vana nomina erant, illudendæ simplici plebeculæ re-

tenta, quasi universorum ultro-  
 neus consensus Imperium daret.  
 Superstructum istud militari li-  
 centiæ regnum, uti ad diuturnita-  
 tem erat ineptum; ita ejusdem  
 ruinam insigniter maturavit Con-  
 stantinus M. & Theodosius: ille  
 fixa Byzantii sede regni, & dimo-  
 tis à ripa Rheni ac Danubii in O-  
 rientem legionibus validissimis:  
 hic diviso inter filios ignavissimæ  
 indolis Imperio, quos prodito-  
 rum insuper improbitas non pa-  
 rum affligebat. Exin duo pro uno  
 regno extitere, nulli alii usui,  
 quam ut divisus orienti occidens  
 barbaris eo facilius succumberet.  
 Nec multo post Imperio Occi-  
 dentis finis impositus, capta &  
 vastata per Gothos Roma; quæ  
 & antea reliquis provinciis non  
 deteriore jure, quam quo partæ  
 fuerant, exciderat; & nunc pro-  
 priæ libertatis jacturam experie-  
 batur,

batur, regni Gothorum accessio facta.

XI. Post, Gothorum opibus collapsis, Roma & magna Italiæ pars imperio Græcorum adjuncta; et si ista ob antiqui venerationem fastigii, & quod Constantinopolis sese matrem ferret, ad sociæ potius aut comparis, quam subiectæ modum tractaretur. Revera tamen summa Imperii penes Imperatores Græcos erat, qui id Romæ ac per alia Italiæ loca sibi parentia, missis Exarchis, exercebant. Sed paulatim Pontifices cœperat hujus quoq; Græci Imperii tædere. Causam ipsi referunt in libidinem Exarchorum, & quod nonnulli Græcorum Imperatorum in statuas sævierant; quæ tamen utilissimum judicabantur instrumentum, superficialiis pietatis ritibus imbuendæ rudi plebeculæ; postquam illa fere ad ca-

B 5                      pien-

pienda solidiora inhabilis ; & per  
solam animi puritatem, vitamque  
honeste exactam, Numine posse  
uti propitio sacerdotibus parum  
quæstuosum. Fortasse etiam cre-  
debatur, multum splendoris acces-  
surum Ecclesiæ, si pedetentim se-  
culare sibi imperium stabiliret  
Pontifex, penes quem alias sacræ  
potestatis per orbem summa erat.  
Et sane ferendum non videbatur,  
mancipio Imp. Græci, interdum  
virilitate diminuto, obnoxium  
vivere illum, quem DEus tanta  
cum autoritate suum in terris Vi-  
carium statuerat, ut ipsi, à nego-  
tiis Ecclesiæ deinceps otioso, solis  
rebus civilibus invigilare vacaret ;  
has quoque eidem delegaturus, ni  
constaret, sanctissimas Præsulum  
animas, divinarum dulcedine re-  
rum delinitas, à profanis istis pe-  
nitus abhorrere. Enimvero utut  
non metueretur longe remotus  
Græ-

Græcorum Imperator, quem aliàs  
 sat distinebat ingruens per Orien-  
 tem Saracenorum vis : terrebat  
 tamen Longobardorum poten-  
 tia, toti sine dubio Italiæ immi-  
 nens, & jam ipsa Romæ suburbia  
 afflans. Huic cum par Pontifex  
 solus non esset, non occurrebant,  
 qui validius possent auxilium sedi  
 Romanæ ferre, quam Francorum  
 Reges. Quos ad id promptissimos  
 reddebat favor gloriæ, illum ab  
 aliorum injuriis vindicasse, per  
 quem quicquid Christianorum  
 animos divinæ gratiæ irrigat, vel-  
 ut ex inexhausto fonte dispensa-  
 tur. Ac optime de Pipino Caro-  
 loq; meritis fuerat Pontifex, dum  
 Chilperici tonsuram adprobat.  
 Quod factum quantivis ipsis esse  
 debebat; cum aliàs facile consci-  
 entias eorundem scrupulus potu-  
 issent urgere : an jure subditus in  
 Monachum radat Principem, qui  
 id

id tantum videbatur peccasse, quod ministro præpotenti plus, quam regno expediebat, potentia indulisset. Ac in eo cum primis favebant Francis fata, quod tam plausibilem nanciscerentur occasionem, Italiam nostram invadendi, quæ sui desiderio semper Transalpinos illos ussit.

XII. Postquam igitur Carolus per Italiam sibi subjecisset, quod ante Longobardorum fuerat, Pontifex, in quem ex præda non parum redundasset, ut gratum sese ostenderet, ac simul, in posterum de stabili defensore sibi prospiceret, Imperatorem atque Augustum, acclamante plebe, ipsum declarat, saltem tanquam primarius civis, & Sacerdotum ejus Urbis Princeps, quos circa auspican- da ejusmodi negotia intervenire solenne habetur. Per isthunc titulum quid Carolus acceperit, non

non ita in aperto est. Sane dudum defierat Roma esse sedes antiqui Imperii Romani, facta primum accessio Regni Gothorum, & inde Imperii Orientalis. Ergo non poterat à Romanis tunc in Carolum conferri, quod quondam ad Imperium Occidentale pertinebat; nam id jure belli, cessionibus, aut per derelictionem, dudum in alienam ditionem transierat. Quin ipsa Roma sui juris non erat, adeoque alteri se donare non poterat. Unde & Carolus illud vocabulum usurpare dubitavit, priusquam transactio super ea recum Impp. Græcis intercessisset. In qua hi quidem non adeo erant difficiles, deficientibus viribus, & quod Francos habere amicos expediret, ne Calabria quoque ipsos exuerent, & quæ alia adhuc ipsis oportuna loca Græci tenebant. Ergo vix restat aliud, quam ut dicamus,

camus, sub titulo splendidissimo Imperatoris, ex statu antiquæ Romanæ repetito, utut dispari sensu Carolum fuisse constitutum supremum defensorem & protectorem seu Advocatum sedis Romanæ, & bonorum, quæ ad ipsam ex usurpatione Pontificum aut aliorum liberalitate spectabant. Ista defensio aut protectio, an summi Imperii, prout à politicis illud definitur, vim habuerit, uti quidem plurimi Germanicorum scriptorum, Cæsaris magnitudini studentium, contendunt, mihi dubium videtur; neque enim verosimile est, pios illos Principes Imperium proprie dictum voluisse sumere in eum, de cujus sanctitate sibi tam ample persuaserant: aut in bona Ecclesiæ à se donata plus sibi juris tribuere, quam quod ad eadem conservanda aut defendenda pertinet, Igitur potius judicaverim,



verim, specie quadam duntaxat  
 foederis inæqualis, quod inter-  
 dum longius, interdum propius  
 à conditione veræ subjectionis ci-  
 vilis abit, sedem Romanam, ejus-  
 que bona Carolo fuisse adjuncta.  
 Leges huc potissimum redire vi-  
 dentur, ut Carolus quidem sedem  
 Romanam, ejusque bona contra  
 quoslibet invasores defendat, & si  
 quæ intrinsecæ turbæ oriantur, in  
 dedecus aut dampnum Ecclesiæ re-  
 dundaturæ, autoritate sua com-  
 ponat. Ex adverso sedes Romana  
 majestatem Caroli comiter colat,  
 nec sine autoritate ipsius quid-  
 quam suscipiat, quod ad sum-  
 mam rerum faciat; inter quæ  
 præcipuum est, ut ne quis invito  
 ipso sedi Romanæ præficeretur.  
 Ex quibus adparet, ab isto tempo-  
 re sedem Romanam peculiaris in-  
 star civitatis constituisse, neque  
 cum regno Francorum in unam  
 rem.

Rempubl. proprie loquendo coa-  
 luisse. Deinde Carolum sedem  
 Romanam, & quæ bona ad ean-  
 dem spectabant, in subditorum  
 numero non habuisse, aut in ean-  
 dem usurpasse vim imperii, quæ  
 sese exserit in ferendis legibus, in-  
 dicendis tributis, constituendis  
 magistratibus, jure dicundo, aliis-  
 que similibus. Nam id defensor-  
 ris aut Advocati jus non excedit,  
 per pravas artes Pontificatui im-  
 missos expellere, Ecclesiæ subver-  
 sionem aut dedecus insigni mo-  
 lientes in ordinem redigere, aut  
 Romanos aliosve in Pontificem  
 insurgentes compescere, qui jure  
 suo sumtus in eam rem factos, è  
 ditionibus Ecclesiæ repetit. Cæ-  
 terum Carolus, & nonnulli ex  
 ipsius posteris, uti Imperatoris &  
 Augusti vocabulo sic satis sibi vi-  
 dentur placuisse, & ob id inter re-  
 liquos Reges, haut quidquam re-  
 pugnan-

pugnantes, primum sibi locum  
 asseruisse: ita, quantum mihi con-  
 stat, sub stirpe Carolina regnum  
 Francorum titulo Romani Impe-  
 rii fuisse insignitum, nusquam le-  
 gitur.

XIII. Vergente Caroli prosa-  
 pia, & Germani suam rempubl. à  
 regno Francorum disjungere, &  
 Italiam gravissimæ exercuerunt  
 turbæ, dum ex veterum ruina  
 opum alii novas sibi extructum  
 eunt. Inter istas dum statui suo  
 nondum satis confidunt Pontifi-  
 ces, & vero Rex Germaniæ Otto  
 primus, devicto Berengario, re-  
 gnum sibi Italiæ subjecisset, Pon-  
 tifici consultissimum visum, Ot-  
 tonem sibi defensorem adsciscere,  
 eodem fere, quo antea Carolum,  
 jure, & quidem, ut deinceps pro-  
 tectio illa sedis Romanæ regno  
 Germaniæ ita conjuncta foret, ut  
 qui eo regno potiretur, ad hanc  
 C quoq;

quoque statim jus nancisceretur: Cæterum postquam non pauci ex antiquis illis Germanorum Regibus jus istud qualecunq; in sedem Romanam sat masculine exercerent, & vero interea non istius solum, sed & Episcoporum per Germaniam potentia immensum glisceret, Germanicæ quoq; protectionis fastidium Pontifices cœpit subire. In causa erat quibusvis nationibus infixæ adversus extraneam dominationem aversatio; & indignum erat, prudentia celebres Italos, (nam quod exteri nobis tribuunt, id non agnoscere ignavum foret;) crassorum istorum Germanorum ferocia imperia respicere. Urebat quoque Vicarium Christi, diutius velut sub tutela esse, qui jamdudum omnibus leges ferre pruriebat. Igitur excutiendo isti oneri hæc via initur, ut negotium Regibus Ger-

Germanorum facefferetur modo per Italiam, modo per ipsam Germaniam, operam strenuam navantibus Episcopis; subinde quoque in eisdem fulmina emitterentur, quorum istis seculis maximus terror. Sic tandem Teutonicos Reges Italiæ tædium paulatim cepit, iidemque contenti deinceps suo regno, sedem Romanam arbitrio Pontificum reliquerunt; id quod hi tot seculis per varias artes magnosque Europæ motus quæsierant. Quin & diu coronationem Romanam omisere. Retinetur tamen antiquus titulus Imperatorum Romanorum, & dum regnum ipsis defertur, primo loco defensio sedis Romanæ iungitur. Abs qua tamen cura Electores Protestantes otiosos ipsos esse jubent.

XIV. Ex quibus adparet, puerilem valde errare errorem, qui credunt,

dunt, regnum Germanorum in antiqui illius Romani Imperii vicem subiisse, & hoc in illo continuari; cum illud Imperium, cuius sedes Roma erat, dudum fuerit destructum, antequam Germania unius instar regni habere coepisset. Imperium autem illud Romanum, in Carolum & Ottonem collatum, (quod nihil aliud quam Advocatiam sive Protectionem sedis Romanæ notare videtur) successu temporis regno Germanorum nomen suum adfricuit, utut ditiones Ecclesiæ cum regno Germaniæ nunquam in unam civitatem coaluerint, multò minus Carolus aut Otto sua regna Romæ, velut sedi Imperii aut Metropoli, subjecerint. Scilicet cum crederetur, in vocabulo Imperatoris Romani, ob amplitudinem antiqui istius Imperii, eximii quid splendoris inesse, Reges

ges Germanorum isto solo nomine notari frequenserat. Cui consequens erat, ut Germania quoque, velut nobiliori nomine, Imperium Romanum inciperet vocari. Distinctionem tamen Romani Imperii à regno Germaniæ haut obscure arguit distincta coronatio & inauguratio. Et recentiores Cæsares à Maximiliano I. post nomen Imperatoris Romanorum expresse subjungunt Regis Germaniæ titulum. Quin & hodie Germanis suam Rempubl. solenne est vocare Imperium Romanorum Teutonicæ nationis. Quæ tamen formula contrarium sibi ipsi sensum videtur habere, postquam satis liquet, modernam Germanorum rempubl. cum antiquo Romanorum Imperio unum & idem non esse. Retinent tamen receptum semel vocabulum Reges Germaniæ, utut du-

dum & coronationem Romanam omiserint, & vix quidquam ex antiquæ illius Advocatiæ juri-  
bus usurpaverint, quia Principi-  
bus solenne est, re citius quam ti-  
tulo cedere. An ne illud quic-  
quid est juris, lapsu temporum ex-  
piret, sed solo tituli usu conserve-  
tur, per occasionem aliam iterum  
exercendum.

XV. Cæterum ex titulo Impe-  
rii Romani non modo nihil emo-  
lumentum, sed & plurimum damni  
& incommodi in Germaniam re-  
dundasse, in aprico est. Habent  
hoc omnes Sacerdotes, ut manus  
semper paratas gerant ad accipi-  
endum, nunquam ad dandum.  
Et cum alii clientes patronos suos  
muneribus demulceant, Sacerdos  
cliens, ni ultro donis deliniatur,  
ringitur, suamq; benedictionem  
in immensum imputat. Et judi-  
caverim, priscos illos Principes, ut  
tantas



tantas opes in Clerum per Germaniam cumularent, non parum fuisse motos, quod sibi potissimum à Deo inunctum crederent providere, ut isti ordini quam laudatissime esset prospectum. Sic quantas opes prodegit Germania in profectioes ad capeſſendam coronam Romanam? Quantum auri & virorum absumserunt expeditiones in Italiam, compeſcendis turbis à Pontifice motis, aut ad eundem contra refractarios protegendum? Nec enim unquam extranei valde gavisi sunt Italiam tentavisse; nisi quod Hispanos, tamdiu visceribus nostris inhærentes, depellere hætenus nequivimus. Denique nemo unquam Principum sæpius anathemate fuit perstrictus, nemo crebrioribus Sacerdotum seditionibus agitatus, quam Germanorum Imperatores. Cujus rei præcipuæ

causæ fuisse videntur, vel quod crederetur, ad Sedem Romanam rationes suas potissimum referre debere istos, qui eo titulo præ cæteris superbirent; vel ut alieni Imperii impatiens ordo abs matre sua invisam secularium auctoritatem amoliretur. Quanquam hæc, salva sanctissimæ Sedis reverentia, velim intelligi, cujus iudicio hæc omnia devotissime submitto.

## CAPUT II.

De Membris, ex quibus jam Imperium Germanicum componitur.

- |  |  |
|--|--|
| <p>I. Status Imperij quinam dicantur, &amp; qualiter suffragia ferant.</p> <p>II. Statum esse aliquem, quomodo probetur.</p> <p>III. Familia Austriaca Origines atq; incrementa.</p> | <p>IV. Itemque privilegia qualia sint.</p> <p>V. Familia Comitum Palatinorum Rhæni &amp; Ducum Bavaria, quas terras possideant, &amp; in quas lineas dividantur.</p> <p>VI. Ad Duces Saxonia</p> |
|--|--|

ia quam provin-  
cia pertineant,  
& quibus ramis illi  
secerantur.

. Marchiones Bran-  
denburgici quam  
late imperent: &  
in quas lineas eo-  
rum familia dispe-  
scatur.

X. Familia Princi-  
pum reliqua qua-  
nam sint, & in  
quas lineas abie-  
rint.

IX. De novis Principi-  
bus Imperij à Ferdi-  
nando II. creatis.

X. De Episcoporum &  
Abbatum in Germa-  
nia statu ac condi-  
tione.

XI. ArchiEpiscopi, E-  
piscopi, & Abbates

sive Pralati, qui  
Principum dignita-  
te fulgent, recensentur.  
Reliqui pralati  
quomodo divi-  
dantur.

XII. Comitum ac Ba-  
ronum conditio, di-  
visio ac suffragio-  
rum numerus.

XIII. De Civitatibus  
Imperij Liberis, ea-  
rumque conditione  
vel certa vel dubia.

XIV. De Equestri Or-  
dinis distinctione,  
ejusq; libertate ac  
juribus.

XV. Divisio Imperij in  
decem Circulos quo-  
modo coeperit, &  
quale ejus institu-  
tum.

POSTquam igitur semel ope  
Francorum coaluere populi  
Germaniæ, validissimum semper  
inter Europæos corpus constitue-  
re visi sunt; quod nec hodie mole  
sua conspicuum esse desiit, utut

non modicæ partes in aliorum ditionem concesserint, aut in separatas sese civitates segregaverint. Quanto angustius jam, quam olim, à Germanis imperitetur, luculenter exsecutus est *Hermannus Conringius*, Vir rerum patriarum peritissimus, peculiari libro de *Finibus Imperij Germanici*. Nobis præsentia duntaxat observasse propositum fuit. Ergo qui inter primaria ejus Imperii membra censentur, *Statuum Imperij* vocabulo designantur; qui scil. sessionem, ut loquuntur, seu jus suffragii ferendi in Comitibus obtinent. Quanquam sunt non pauci, qui ab aliis eximuntur, seu quorum jus, quo immediatos sese Status ferunt, alii, potentiores Status, in dubium vocant, & eorum in Comitibus personam referunt. Id quod eo tendit, ut hi istos inter Status suos provinciales revocare velint.

elint. Sed & circa Principes possimum observandum, regulariter domui alicui Principali in Comitibus certum suffragiorum numerum competere. Aliæ enim domus seu familiæ unum duntaxat suffragium obtinent, aliæ duo, aliæ tria, aliæ quatuor, aliæ quinque. In quibusdam porro Principatibus primogenitus totam ditionem sortitur, reliqui apenagio coguntur esse contenti; in aliis omnes fratres ad aliquam, utut non semper æqualem, cum primogenito, portionem admittuntur. Ubi prius obtinet, primogenitus reliquorum fratrum personam solus refert; vel potius nulla eorum habetur ratio: ubi posterius, singuli quidem venire ad Comitibus possunt, sed suffragium duntaxat unum ferent, de quo inter ipsos est conveniendum.

II. Cæterum ut quis probet, se  
 Statum

Statum esse Imperii, duo judican-  
 tur vulgo sufficere; ut sit inscri-  
 ptus matriculæ sive albo Ordī-  
 num, & ut, quæ Imperio sunt sol-  
 vendæ collectæ, eas in publicum,  
 non autem in alterius Status æra-  
 rium inferat. Etsi planissimum  
 heic est ad possessionem provoca-  
 re. Nam aliqui contendunt, se  
 per errorem in alterius ærarium  
 suam portionem intulisse; alii  
 contra, nonnullos per meram  
 usurpationem, præterito ærario  
 provinciali, ad publicum provo-  
 lasse; prout quisque inter Ordines  
 referri, aut alterum inde excludere  
 laborat. Nec vero ulla adhuc ex-  
 tat matricula, in qua nihil deficiat  
 aut redundet, & circa quam non  
 aliqui quid controversiæ soleant  
 movere. Etsi pro authentica vi-  
 deatur declarata illa, quæ anno  
 superioris seculi LI. LVI. & LXVI.  
 promulgata fuit. Ego judicave-  
 rim,

rim, antiquissimas illas matriculas, quæ plurimos inter Ordines Imperii referunt, qui dudum à Comitibus exularunt, esse potius recensiones eorum, qui in Comitibus tunc præsentibus fuerunt, quam instrumenta, publicâ autoritate confecta, ex quibus in utramque partem indubia argumenta possint deduci. Sed & ex varietate ista matricularum videor liquido colligere, antiquissimis temporibus non fuisse certum Ordinum numerum, sed comitia adire licuisse, quicumque aliquod in Republ. momentum, opibus aut prudentia, se putabat facere. Postea paulatim tenuiores, quos privatarum rerum cura publico vocare non permittebat, ultro emanasse; alios per potentiores exclusos, donec ad eum, qui nunc est, numerum fuit perventum. Nobis matriculam aliquam integram huc tran-

transcribere tædio est. Præcipuos tamen Ordinum recensere necessum fuerit, ut exinde de magnitudine totius corporis judicari queat.

III. Inter Principes seculares primum locum deferimus familiæ Austriacæ, non tam ob antiquitatem, quam ob ditionum amplitudinem opulentiamque, & quod fastigium Imperatorium per aliquot jam secula infederit. Hanc inusitata quædam fati clementia extenuibus initiis ad invidendam magnitudinem provexit. Rudolphus erat Habsburgi Comes, modicas opes, nec supra dignitatis suæ mensuram, in Helvetia & vicino tractu possidens, sed bello strenuus. Fuerat eo tempore perlustra fere quatuor, durante Interregno, perturbatissimus Germaniæ status. Conveniunt ergo primarii Principes, malis istis, creato

Impe,



Imperatore, medicinam facturi. Mentionem de Rudolpho injicit Wernerus Moguntinus, quem Romam euntē antea Rudolphus comiter ab Argentina ad Alpes usque deduxerat, sapientiamque & magnanimitatem ejus multis extollit. Mox in suam quoque sententiam pertrahit Coloniensem & Trevirensē. Quid isthoc in Rudolphum studio spectaverit Moguntinus, non difficulter conjectabit, qui paulo profundius Sacerdotum ingenia inspexit. Scilicet obnoxium sibi fore sperabat, quem eminentior prosapia ad rem suo arbitrio gerendam nondum animabat, quique ipsi tantum beneficium erat debiturus. Sed quare ex reliquis Principibus eam dignitatem nemo affectaverit, mirum videri possit; ni quosdam dicamus absterruisse confusam Germaniæ faciem, quam abs se componi

poni posse diffidebant. Fortasse etiam nonnulli ob ætatem nondum satis confirmatam tantæ molis incapaces iudicati. Episcopis ergo assensu sunt etiam Principes seculares, ita tamen, ut Dux Bavarix, idemque Comes Palatinus, & Saxo & Marchio Brandeburgicus filias sibi Rudolphi in uxores stipularentur. Hoc modo Rudolphus statim primariis familiis per affinitates est innexus, novis suis rebus in decus simul atque subsidium. Parando dein familiæ suæ peculiari patrimonio sat facultatis præbuit dignitas Imperatoria. Vacante feudo aliquo, quis propior erat, quam filius, in quem id denuo conferretur? Sibi ipsi enim dare, valde invidiosum fuerat. Hoc modo parta Austria, Stiria, Carniola, Vindorum Marchia, & aliæ quædam ditiones. His plura accessere aliorum Imperatorum indul-

indulgentia; prout opulenti frequentius donis quam tenues coluntur. Tam opimo patrimonio instructos facile erat divitum nuptiarum facultatem nancisci. Et quia puellas in amorem sponzorum non opes tantum, sed & præfulgens dignitas inflammare solent; abs duro quoque Patre filius impetrare poterat, ut præ reliquis Ducibus sibi aliquid eximii tituli adponeret. Et tamen laude digna Austriacorum hinc solertia. Nam ut recens familia priorem præ antiquis locum in Comitibus occuparet, invidiosum nimis erat; neque tamen illis cedere placebat. Igitur sibi primum locum inter Principes Ecclesiasticos cepere, qui separato à Principibus secularibus scamno sedent. Hi enim, cum ex inferiori, ut plurimum, prosapia ad fastigium principale ascendant, non adeo pertinaciter

D

super

super loco cum ipsis erant certaturi. Quamquam ista modestia illis non sine præmio fuit. Nam eo modo in Senatu Principum directorium, quod vocant, alternis vicibus cum Archiepiscopo Salisburgensi exercendum, obtinuerunt. Ista tamen tantum abest ut abs quoquam cordato vitio ipsis verti queant, ut potius summæ stupiditatis deberent argui, si occasione sese præbente in commodum suum non solerter fuissent usi. Sic ergo Austriaci ditione sua complectuntur pleramque Germaniæ partem, qua illa ad Orientem vergit. Accedit regnum Hungariæ paulo minus quam hereditario jure ad eandem spectans; quod inter alia huic quoque fini hætenus inserviit, ut propugnaculi instar reliquis ditionibus Austriacis contra irruptiones Turcarum prætexeretur; & ut terrore belli

belli Turcici pecunia Germani emungerentur.

IV. Probe autem observandum, Austriacos in sua familia dignitatem Cæsaream tamdiu continuasse, non solum quod vix ulla sit præter ipsam per Germaniam domus, quæ ejus fastigii splendorem propriis redditibus tolerare queat: sed etiam quod opes suas ita disposuerint, ut nullo negotio peculiarem Rempubl. constituere possent, si contingat, alium ad Cæsareum munus vocari. De talibus enim sibi prospexere privilegiis, ut, ubi alterius Imperatoris auctoritatem agnoscere displiceat, statim dicere queant, sibi cum Germanico Imperio nihil negotii esse, suas ditiones separatam efficere civitatem, aut saltem se non precario & quantum ipsis arrideat, Majestatem Imperatoris agnoscere. Id quod non solum corpus

Imperii insigniter esset mutilaturum, avulsa tam insigni parte; sed etiam ad similia molienda invitaturum, qui propriis sese opibus subsistere posse confiderent. Imo exemplo semel introducto, etiam tenuiores dispari esse conditione fastidient. Sic demum ad faciem nostræ Italiæ redigeretur Germania; quæ tamen an eodem modo sese sit conservatura, mihi valde dubium videtur. Ist hæc autem non temere fingi, facile agnoscer, qui noverit, regno Bohemiæ cum reliqua Germania nihil fere esse negotii, nisi in electione Imperatoris; aut qui pleraque privilegia domus Austriacæ paulo attentius consideravit. Pauca capita ex privilegio Caroli V. excerpisse sufficiet; in cujus exordio non dissimulat communem hominibus affectum, ut suis familiis quam optime cupiant. Jubet Austriam esse

esse feudum perpetuum, quod nulli Imperatorum ab ea familia tollere liceat. Jubet Austriæ Duxem esse Consiliarium Imperii, ita ut ipso inscio nihil decerni queat. Et tamen ipsum ejusque ditiones ab omnibus Imperii oneribus immunes declarat, utur Imperium istis tutelam præstare debeat. Ergo in favorabilibus est membrum Imperii, in odiosis non item. Dux Austriæ non tenetur investituram petere extra suas ditiones, sed illa ipsi intra easdem debet offerri. Scilicet quia ob nudam recognitionem feudalem inferiorem se Imperio agnoscere non vult: quasi ultro rogandus sit, ut Imperii Vasallus audire velit. Et insignia, quibus dum feudum accipit utitur, satis arguunt, agendum cum ipso tanquam æquali, non tanquam subiecto. Potest quoque ad Comitatus

comparere, si velit; si nolit, non tenetur. Quæ gesserit in sua ditione, Imperatori corrigere non licet. Imperio in Austria feudum obtinere non conceditur. Subditi ipsius ad extranea judicia non trahuntur; à sententiis ejusdem provocatio non datur. Licet ipsi citra periculum receptare banno notatum, ut tamen auctori requirenti justitiam administrari curet. Sed ab Austriaco proscriptus, ab alio, aut alibi quam in Austria, non absolvitur. Tributa nova in ditionibus suis pro arbitrio indicit. In ditionibus itidem suis Comites, Barones & Nobiles creat; id quod in Germania aliàs summi Imperii esse creditur. Denique ne obscurum sit, ipsum nihil juris Imperio in suas ditiones concedere, deficientibus masculis, ad foeminas devolvi easdem cautum est, aut si ne foeminæ quidem supersint,



sint, licebit easdem ultimo possessori transferre aut alienare, quocunque placuerit. Plura addere nihil attinet. Nam ista etiam modice sapientibus sufficere possunt, quibus satis constat, quam facile eludantur speciosa juris vocabula, hominibus scholasticis tanto cum fervore jactata, ubi quis aliorum vires tuto contemnere valet. Sic simplices valde oportuit esse, qui non animadverterint ludibrium Caroli V. Belgium suum partem Imperii declarantis, magnifica cum pollicitatione, ut illud Imperio tantundem penderet, quam duo Electores. Nam ista omnia insumebantur in bellum Turcicum, adeoque ad conservationem ditionum Austriacarum. Et cum rationes tributum ad bellum Turcicum in manu Austriacorum fuerint, non valde rigidos habituri erant exactores Belgæ, si

in portione sua conferenda essent paulo segniores. Sicut facile fuisset Italo alicui credere, pollicitatione sua Carolum V. Germanis duntaxat voluisse animum addere, ut eo promptius pro alienis rebus servandis sua erogarent, cum videant ipsos dominos in patrimonii sui commodum aliquam oneris partem non defugere, etsi negotium istud effectu caruit, Ordinibus Belgii tributa conferre abnudentibus. Quamquam & alia fortasse ratio fuit, ut scilicet Philippo filio, ad Imperium adspiranti, objici non posset, ipsum nullas in Germania habere ditiones, postquam Austriacorum in Germania patrimonium Ferdinando cesserat. An, ut eo nomine Germani obstrictos sese crederent ad mittenda auxilia, si quando Belgium à Rege Galliarum impeteretur. Hodie mascula stirps

stirps ejus domus ad duos tantum redacta est, Leopoldum Cæsarem, & Carolum Hispaniæ Regem; & de hujus quidem vivacitate pauci sibi ampliter pollicitantur: Illi autem ut fœcundum mascula prole matrimonium contingat, multos Germanorum optare audivi; quod metus sit, ne tam gloriøsæ stirpis ultimus sumtuosis nimis certaminibus sepulcralibus sibi parentari postulet.

V. Familia Comitum Palatinorum Rheni & Ducum Bavarix circa antiquitatem nulli concesserit. Amplissimum quoq; tractum ab Alpibus ad Mosellam usque, duosque insuper Ducatus in confinibus Belgii ditione amplectitur. In duas lineas dividitur, Rudolphinam & Wilhelminam. Hæc jam olim Ducatum Bavarix obtinuit, divitiarum opinione semper celebris, Proximo bello prædæ

nomine accessit dignitas Electoralis, & ereptus cognato Palatinatus superior. Sed & per integrum fere seculum Bavari obtinuerunt Electoratum Coloniensem, præter quem modernus possidet Episcopatum Leodiensem & Hildesensem. Linea Rudolphina in complures sese ramos scindit. Capiti familiæ, Electori Palatino, Palatinatus inferior mansit, fertilissima regio, & amœnitate nulli Germaniæ parti cedens. Palatinus Neuburgicus, præter ditionem ad Danubium, Ducatus Juliaci & Montium jam tenet. Sunt præterea Palatini Sultzbacenses, Simmerenses, Bipontini, Birckenfeldenses, Lautrecenses, modicarum ditionum Domini. Dedit quoque familia Bipontina Suediæ Regem, Carolum Gustavum, à quo prognatus Carolus, hodie rerum potitur, ad quem

quem post pacem Osnabrugensem spectant in Germania Ducatus Bremenſis, Verdenſis, & Pomerania anterior, cum Stetino, nec non Principatus Rugiæ & Dominium Wiſmaria. Floret quoque hæc familia hodie Principibus inſigni laude celebribus. Nam uti Bavaros eximia pietas commendat; ita Electorem Palatinum, præter alias virtutes; rariſſima ſapientia inter ornamenta ſuæ nationis collocat. Nec minus inter prudentiſſimos Germaniæ Principes numeratur Neoburgicus: cui nonnulli Coronam Polonicam augurabantur; non tam quod familiæ regiæ in Polonia per affinitatem ſit innexus, quam quia digniſſimus habetur. Sed & Princeps Rupertus merito Neptuni terror cluebat.

VI. Duces Saxoniæ medullium fere Germaniæ inſident. Ad ipſos jam pertinet Miſnia, Thuringia,

ringia, & modica ad Albim regio, superioris Saxoniae nomine, superior quoque & inferior Lusatia, nec non in Franconia Ducatus Coburgicus & Comitatus Hennebergicus: Regio alibi ubere agro, alibi metallis foecundissima. Ista familia in duas lineas dividitur, Albertinam & Ernestinam. Ex illa erat novissime defunctus Elector cum tribus Fratribus; inter quos secundo genitus ad vitam obtinebat Archiepiscopatum Magdeburgicum. Ex hac erat Dux Altenburgicus, atque nunc sunt Duces Gothani, & qui ex quatuor Fratribus Wimarensibus supersunt. Nec ulli ex omnibus puto sterile matrimonium contigit.

VII. Subeunt inde Marchiones Brandeburgici. Caput familiae Elector latissimarum ditionum Dominus est. Præter Borussiam, quæ extra Imperium Romanum jam collocatur, quamque nupera  
cum.

cum Polonis transactione tanquam supremus Princeps obtinet, subiectam habet Marchiam, Pomeraniam ulteriorem, in Silesia Ducatum Crofnensem & Carnoviensem, Ducatum Clivensem, ditionem Marcæ & Ravensburgii. Pro parte quoque Pomeraniæ, quæ Succis concessa, & aliàs ad ipsum post extinctam familiam Ducum Pomeraniæ erat devoluta, tanquam æquipollens accepit Episcopatus Halberstadiensem, Mindensem & Caminensem, & nunc post obitum Augusti Saxoni Ducatum Magdeburgicum; ditiones amplas juxta & fertiles; & tamen credunt nonnulli, maluisse cum pro hisce Pomeraniam integram retinere. Memini, cum nuper ex Germania reversus Patavii in conventu quodam, cui aliquot Marchiones ex Italia & Gallia intererant, narrarem, laudatum

datum Principem ducenta millia-  
 ria Germanica in longitudinem  
 posse conficere per suam ditio-  
 nem, ut noctu in alieno territorio  
 diversari necessum non haberet;  
 (nam ea uno & altero in loco per  
 intermedia territoria interrumpi-  
 tur,) plerosque præsentium com-  
 mune peregrinantibus vitium mi-  
 hi impingere. Et periclitabatur  
 fides mea apud nostrates, quos  
 nescio quam ægre natale solum  
 abs se dimittit, ni veteranus ali-  
 quis militum tribunus, qui diu in  
 Germania stipendia fecerat, &  
 quem in istius Principis aula  
 quondam agnoveram, subsidio  
 dictis meis venisset. Nam erube-  
 scebant nonnulli, apud nos & in  
 Gallia multos Marchionum titu-  
 lo superbos incedere, qui vix du-  
 centa jugera agri possiderent. U-  
 que adeo ignorabant, toto coelo  
 Germanos Marggravios à nostra-  
 tibus



tibus Marchesis differre. Sunt & alii Marchiones Brandenburgici in Franconia, & in Culmbacenses atque Onolzbacenses dispescuntur.

**IIIX.** Familiis Electoralibus succedunt aliæ Principales adhuc superstites. Quorum cum nonnullas inter sese super præcedentia contendere norim, ita recensio- nis hujus ordinem velim accipi, ut ne quod inanibus istis litigiis præjudicium creetur. Duces Brunsvicenses & Luneburgenses validissimam in Saxonia inferiori ditionem possident. In duos sunt divisi ramos, Wolfenbuttelanum & Cellensem. Ad unum pertinet Ducatus Brunsvicensis, quem jam regit Princeps ætate provecta. Ducatum Luneburgensem duo fratres inter se divisere; quorum unus Cellis residet, alter Hannoveræ. Ex quibus hic jam Episcopatum Osnabrugensem etiam tenet.

Mechel-

Mechelburgensibus Ducibus me-  
 diocri à mari Baltico ad Albim  
 tractus possidetur. In duas hodie  
 lineas discesserunt, Suerinensem  
 & GUSTROVIENSEM. Dux WÜRTEN-  
 BERGICUS in Suevia ampla nec in-  
 valida regione gaudet. Ejus agna-  
 tus in extrema Germaniæ ora Co-  
 mitatum Mumpelgardensem ob-  
 tinet. Landgraviis quoque HASSIÆ  
 latum territorium subjicitur. In  
 duas lineas distinguuntur, Cassel-  
 lanam atque Darmstadiensem.  
 Marchiones Badenses longum di-  
 strictum ad dextram Rheni ripam  
 possident; qui itidem in duas li-  
 neas separantur, Durlacensem &  
 Badensem, seu quæ Badenis præ-  
 cipuam sedem habet. Duces HOL-  
 SATIÆ partem Chersonesi Cimbri-  
 cæ tenent, ob commoditatem  
 maris utrinque alluentis opulen-  
 tam. Quantum Holsatiæ ad Im-  
 perium Germanicum pertinet, à  
 Rege

Rege Daniæ & Duce Gottorpiensi gubernatur, qui posterior etiam Episcopatu Lubecensi fruitur. Nam Ducatus Slesvicensis à Germania non dependet. Ad Ducem Saxo-Lauenburgicum modica in Saxonia inferiori ditio, & par fere ad Principes Anhaltinos in superiori Saxonia spectat.

IX. Et isti sunt antiqui Principes. Nam Duces Sabaudia & Lotharingia, utut feuda quædam ab Imperio Germanico recognoscant, & eo nomine in Comitibus sessionem obtineant, rationes suas, ob situm ditionum, fere à Germania separatas habent. Cæterum Ferdinandus II. cui, ut nonnulli crediderunt, in animo erat, redacta in ordinem Principum potentia, absolutum sibi Imperium adstruere, inter alia isti fini hoc quoque adhibere instituit, ut in Ordinem Principum nonnul-

los eveheret sibi potissimum obnoxios. Nam horum opera credebatur sese adæquaturum aut superaturum suffragia antiquorum Principum, si fortè Comititia universalialia forent cogenda; à quibus aliàs iste vehementer abhorrebat. An ut ostentaret, non esse, quare antiqui Principes tantopere fastigio suo superbirent; cum in proclivi ipsi foret, quantumvis numerum in parem cum istis locum provehere. Et periclitabatur sine dubio antiquarum familiarum eminentia, si Cæsari tam facile foret, novum territorium creare, quam titulos largiri. Ex his, qui in Comititiis sessionem, utut fastidiosè, obtinuerunt, quantum mihi constat, sunt Principes ab Hohenzollern, Eggenberg, Nassau Hadamar, & Nassau Dillenburg, Lobkovvitz, Salm, Dietrichstein, Auersberg, Piccolomini.

Verum

Verum quia Ferdinandi consilia  
 successus destituit, nec istorum  
 opes cum antiquorum Principum  
 potentia ullo modo comparan-  
 dæ; parum quoque momenti con-  
 tra eosdem fecisse hætenus depre-  
 henfi sunt. Quin & istorum dica-  
 citatem quandoque experti sunt,  
 (prout semper novitas aliorum  
 antiquis nobilibus est fastidio,)  
 ipsos nihil aliud esse lucratos,  
 quam quod ex opulentis Comiti-  
 bus facti sint pauperes Principes.  
 Quasi vero non omnis nobilitas  
 aliquando nova fuerit; aut his  
 successu temporis majores opes  
 non possint obvenire. Etsi facil-  
 lima ad easdem via sit interclusa,  
 dum Imperatori non licet feuda  
 vacantia Imperii, quæ alicujus  
 sint momenti, in quemcunque  
 placuerit, conferre.

X. Alteram classẽ Principum  
 per Germaniam constituunt Epi-  
 scopi

scopi & Abbates. Hos etsi ex vulgari sæpe nobilitate, aut Baronum Comitumve dignatione, electio Canonorum ad istud fastigium provehat; in Comitibus tamen aliisque actibus priori fere præ Secularibus loco potiuntur. Scilicet postquam recentiorum fortuna Sacerdotum immane quantum à tenuibus antiquissimorum rebus discessit, absurdum fuerit, illos amplius adstringere velle obsoletis legibus, super modestia ejus ordinis hominum à Salvatore promulgatis. Et fortasse istæ leges ad primæva illa tempora duntaxat debebant valere. Nam id revera ridiculum erat, homines piscatores aut textores ambitiose priorem locum affectare, quibus in diem victus labore manuum aut stipibus collatis quærebat. Etsi autem per totum orbem Christianum, qua Catholici ritus vigent,

vigent, magna sit Sacerdotum auctoritas, & fortuna lautissima; nusquam tamen, quam in Germania, tantæ sunt ipsorum opes, tanta potentia. Ac multos eorum à Principibus secularibus haut differre videas ditiorum amplitudine, aut adparatus domestici splendore. Par quoque in subiectos jurisdictio & potestas. Nonnullis quin etiam acrior galearum, quam tiaræ, amor, & non paulo efficacior vis in accendendo Marte, turbisque patriam suam & vicinos involvendo, quam in propaganda pietate. Frequenti prestamen hodie, quam olim, sunt, quos non pudet sacris ordinibus initiari, & semel aut bis per annum specimen edere, quàm solerter calleant exprimere augustissimi sacrificii gestus. Cæterum cum quondam ipsorum opes secularium Principum ditiones superarent,

aut saltem æquarent, non exiguum eadem detrimentum passæ sunt occasione reformatæ per magnam Germaniæ partem religionis, & per pacem Westphalicam. Nam per circulum Saxonicum superiorem & inferiorem paucissima Sacerdotibus remansere. Principibus superioris Germaniæ, si Ducem Würtembergicum excipias, parcior præda. Causam assignaveris, quod Saxonibus minor ex Carolo V. Cæsare metus, quam istis, quos vicinia suarum ditionum, aut præsentia premebat. Quin & dispersæ magis in isto tractu Sacerdotum ditiones, & validiorum intercurfu Principum debilitatæ. Per superiorem Germaniam contiguas magis posuere sedes, & ad auxilia invicem ferenda magis accommodas. Et inprimis totum Rhenum, qua parte lætissima est Germania, ob-

fede-



ſederant, niſi tam decoram ſeriem  
Electoris Palatini terræ interrump-  
perent; quem, credo, vel ob ſo-  
lam hanc cauſam iſti parum blan-  
do oculo adſpiciunt.

XI. Principatus igitur Eccleſia-  
ſtici, qui nondum in Proteſtan-  
tium ditionem pervenere, hi fere  
ſunt. Tres Archiepiſcopatus, Mo-  
guntinus, Trevirenſis, & Coloni-  
enſis, quibus dignitas Electoralis  
annexa. Archiepiſcopatus præ-  
terea Salisburgenſis, & Veſonti-  
nus in Burgundia. Nam Magde-  
burgenſis jam merum ſeculum  
olet. Simples Episcopatus ſunt  
Bambergeniſis, Würtzburgeniſis,  
Wormatieniſis, Spireniſis, Aich-  
ſtetenſis, Argentoratenſis, Con-  
ſtantiſis, Auguſtanus, Hildeſi-  
eniſis, Paderborniſis, Friſin-  
genſis, Ratiſboneniſis, Paſſavi-  
eniſis, Tridentinus, Brixienſis, Baſi-  
leeniſis, Leodiſis, Oſnabrugeni-  
ſis,

sis, Monasteriensis, Curienſis. Inter Episcopos primum locum obtinet Magister Ordinis Teutonici Equitum. Observandum tamen, hodie quosdam duos pluresve Episcopatus conjunxiſſe; vel quia unius redditus parum ſufficere videbantur ad ſuſtinendum ſplendorem aulæ principalis, vel ut æmulis ſuis magis eſſent formidabiles. Episcopatus Lubecenſis, præterquam quod religionem Proteſtantium induit, paulo minus quam in patrimonio Ducum Holſatiæ cenſeri poteſt. Inter Abbates ſive Prælatos, qui Principum dignitate fulgent, ſunt Fuldenſis, Kemptenſis, Elvvangenſis, Murbacenſis, Luderinus, Magiſter Equitum Ordinis S. Johannis, Abbas Berchteſgadenſis, Weiſſenburgicus, Prumiſenſis, Stabulenſis, Corveianus. Reliqui Prælati, qui Principes non ſunt, in duas claſſes

classeſ dividuntur, Suevicam & Rhenanam, quarum utraque unum in Comitiiſ ſuffragium fert. Iſti dignitate Comitibus pares habentur.

XII. Comitum quoque & Barōnum per Germaniam longe ſplendidior conditio, quam in aliis Regnis. Nam iiſdem fere juribus, quibus Principes, fruuntur, & antiqui Comitatus ſat ampla pleriq; territoria complectuntur; cum alibi ſæpe modici domini prædii titulo Comitis ſuperbum videas incedere. Etſi quibuſdam familiis non parum nocuit ditionis in plures fratres diviſio, magnum illuſtribus domibus malum, & non niſi inſter plebejos æquitatis aut pietatis homine excuſatum. Nonnullos etiam ſupina patrimoni cura, ſumtumque luxuria non parum adfligit. Hodie Comites iſti in Comitiiſ quatuor ferunt

E s ſuffra-

suffragia; unum Wetteravici, alterum Suevici, tertium Franconici, quartum Westphalici. Qui mihi innotuere, hi fere sunt. Comites de Nassau, Oldenburg, Fürstenberg, Hohenlohe, Hanau, Sain & Witgenstein, Leiningen, Solms, Waldeck, Isenburg, Stolberg, Wied, Mansfeld, Reussen, Ottingen, Montfort, Königseck, Fugger, Sultz, Cronberg, Sintzendorf, Wallenstein, Pappenheim, Castell, Levvenstein, Erbach, Limburg, Schvartzzenburg, Bentheim, Ostfrisland, (qui hodie Princeps audit,) Lippe, Rheni & Sylvarum, Rantzovv, & plures fortasse, quorum splendori ut nostrum silentium non obstabit; ita illos, quos nominavi, in justum disponere ordinem, meum non fuit. Sunt præterea non pauci Comites & Barones in ditionibus Cæsaris hæreditariis, aut recens

cens in eum Ordinem evecti, qui cum aliis Statibus subsint, in Comitibus locum non inveniunt. Eos recensere, nostræ non est operæ.

XIII. Est præterea non exiguus per Germaniam numerus liberarum Urbium, quæ, quod nulli Statuum, sed Imperatori & Imperio, immediate subsunt, Imperiales vocantur. In Comitibus peculiare collegium constituunt, ubi in duas classes, (vulgo scamna vocant) separantur, Rhenanam & Suevicam. Præcipuæ inter istas sunt Noriberga, Augusta Vindelicorum, Colonia, Lubeca, Ulma, Argentoratum, Francofurtum, Ratisbona, Aquisgranum. Mediocres, Wormatia, Spira, Colmaria, Memminga, Eslinga, Halæ-Suevorum, Heilbronna, Lindavia, Goslaria, Mulhusium, Northusium. Reliquæ libertatem magis suam, quam opes, possunt jactare.

Etate. Harum urbium ante seculum unum atque alterum magna erat potentia, & ipsis Principibus formidabilis. Hodie plerarumque opes accisæ; nec frustra aliqui augurantur, fore, ut aliquando penitus sub jugum mittantur. Saltem Episcopi non obscure minantur illis, in quibus cathedrales ipsorum Ecclesiæ extant. Sed & sunt quædam validissimæ urbes, quæ libertatem non ita liquido jure usurpant. In Hamburgum enim, opulentissimam totius Germaniæ, jus prætendunt Duces Holsatiæ. Etsi vicinorum æmulatio nunquam videatur concessura, ut Rex Daniæ tam opimo bolo potiatur. Cum Brema Suedis negotium est, qui citra istam Ducatui suo nunquam satis cautum credunt. Et fortasse non absurde suspicantur, in suam fraudem eam inter liberas Civitates in Comitibus  
anno

anno 1641. receptam, cum jam  
 tum suboleret, illum Ducatum in  
 ipsorum manus perventurum.  
 Brunsviga Ducum Brunsvicen-  
 sium & Luneburgensium territo-  
 rium valde deformavit, interjectu  
 suo bene cohærentem compa-  
 gem interfecando. Quanquam, ut  
 Hildesiam Episcopus suus oppri-  
 mat, iidem Duces non facile vi-  
 dentur concessuri. Electorem  
 Brandenburgicum nimis urbium  
 suæ ditionis libertati non favere,  
 in aperto est. Unde Magdebur-  
 go fortasse aliqua mutatio post  
 obitum Augusti Saxonis immi-  
 net. Ambiguam non ita pridem  
 conditionem deseruere Erfordi-  
 enses; qui uti propter stolidita-  
 tem & ignaviam libertate indigni  
 adparuerunt; ita, cur Saxones arcem  
 Thuringiæ non suam potius fieri  
 maluerint, cordatiores nondum  
 satis digerere possunt. Nam Bata-  
 yos

vos quidem satis puto poenituit, quod Monasteriensibus contra Episcopum suum suppetias non tulerint; præsertim cum speciosum foret, qui libertatem suam armis in Principem sumptis deberent, similia molientes non deserre.

XIV. Equestris Ordinis in Germania duplex est conditio; pars enim immediate Imperatori & Imperio subest, pars alios Status Dominos agnoscit. Qui ad priorem classem pertinent, vocare sese sueverunt Liberos Imperii Nobiles, & conjunctim Immediatam & Liberam Imperii Nobilitatem. Iidem pro districtibus, in quibus prædia possident, dividuntur in classem Franconicam, Suevicam & Rhenanam, quarum singulæ iterum in minores particulas dispescuntur. Iidem ex suo ordine certos habent Directores & Asses-

sors,



fores, quibus negotia ipsorum rem communem spectantia curæ sunt. Interdum etiam, si quid majoris momenti inciderit, conventus agitant. Ad Comitia tamen Imperii non vocantur; quod ipsi in favorem sui interpretantur, ut sumtibus ibi requisitis possint superfedere. Et sane parum iisdem profuturum erat, unum atque alterum suffragium in tanta multitudine ferre posse. De cætero paribus fere cum reliquis Statibus libertate & juribus gaudent, ut ad Principum fortunam nihil ipsis desit, præter opes. Insigne quoque in eisdem redundat emolumentum ex Canonicatibus & beneficiis Ecclesiasticis, per quæ facillimus est ad fastigium Principale adscensus. Eo proventus familiaribus suis laute ipsos posse prospicere, vel sanctissimi Patris nostri exemplo potuerant discere. Præterquam

terquam quod nescio quam jucundum sit, optimos redditus citra ullum laborem per otium posse consumere. Nam etiam per Vicarios templa clamoribus complent, ut nullus raucedinis metus nisi ex crapula immincat. Cœlibatus incommodis facile venales puellæ medentur; nam qui se propter Regnum cœlorum castraverit, nondum videre contigit. Continentiæ autem donum in homine nobili æquè turpe, quam canibus & equis non gaudere. Cæterum non paucos querentes audiui, Principes quosdam suæ libertati non obscure imminere, seque ab iisdem parum propitio vultu adspici, quod, cum in mediis ipsorum territoriis sedes habeant, tanta libertate gaudeant. Quinimo à nonnullis jactari, tantam multitudinem minutorum regulorum parum facere ad validita-

ditatem magnorum Imperiorum:  
 Quod si externum bellum ingruat, ipsos utrique parti in prædam cedere. Enimvero neque Nobiles propter incertum periculum certam libertatem projicient; nec temere reliqui sunt passuri, tantam accessionem paucis Principibus accrescere, ni magna aliqua rerum conversio occasionem pandat, aut lento temporum lapsu, & per subriles artes attritæ Nobilium opes corruant.

XV. Paucis heic quoque monendum, vastum istud Imperium dividi in decem regiones, seu circulos, uti vulgo vocant, ex instituto Maximiliani I. anno 1512. quorum nomina ista sunt: Austriacus, quatuor Electorum ad Rhenum, Rhenanus superior, Suevicus, Bavaricus, Franconicus, Saxonicus superior, Saxonicus inferior, Westphalicus, & Burgundicus.

cus. Regnum Bohemiæ cum adjuncta Silesia & Moravia ad nulum circulum pertinet, neque peculiarem constituit; liquido argumento, foedere id magis Germaniæ innecti, quam in eandem cum ipsa civitatem coaluisse. Quæ cujusque circuli membra sint, passim in vulgaribus libellis expositum invenias. Spectat ea divisio potissimum ad commodiorem defensionem pacis publicæ, & executionem justitiæ contra Status contumaces. Cui fini etiam singuli sibi possunt eligere Ducem, penes quem summa sit militiæ, & conventus agitare, convocari solitos per primarium Circuli Principem unum alterumve; in quibus cum de aliis ad defensionem circuli spectantibus, tum etiam de re monetaria tractatur. Quanquam an non & eadem divisio ad distractionem Germaniæ

niæ faciat, dum, quæ unum circum-  
lum adfligunt mala, reliquos  
segnius afficiunt, non immerito  
dubites. Hæc de partibus Ger-  
manici Imperii.

## CAPUT III.

De Origine Statuum Im-  
perii, & quibus gradi-  
bus ad istam potentiam  
adscenderint.

I. Principes Germania  
seculares quibus ti-  
tulis distinguun-  
tur.

II. Ducum atq; Comi-  
zum quale apud  
veteres Germanos  
fuerit officium: &  
quâ ratione dein-  
ceps mutaverit.

III. Conditio horum,  
& distinctio quo-  
modo sub Carolo M.  
fuerit: & quibus  
gradibus potentia  
eorum creverit.

IV. Provincias suas  
feudi jure unde  
possideant, quæque  
nexus istius feuda-  
lis ratio.

V. Nonnullorum Prin-  
cipum vires quare  
imminute.

VI. Episcopos consue-  
endi modus qualis  
primo fuerit, &  
quomodo postea mu-  
tatus sit.

VII. Opes suas quibus  
debeant, quibusque  
gradibus in Statum

F 2

pra-

*presentem deven-  
rint.*

*Origine ac incre-  
mentis.*

II. Exemptio eorum  
à potestate Impera-  
toris an & quate-  
nus facta sit.

X. Earum regimen  
quo modo olim se  
habuerit, & quibus  
viis liberius reddi-  
tum.

IX. De liberarum Ur-  
bium in Germania

**A**D accuratam Imperii Germa-  
nici notitiam comparandam  
cum primis necessarium est inqui-  
rere, qua via illi, qui Status Im-  
perii vocantur, ad tantas opes per-  
venerint. Citra hoc enim haut  
quidquam perspiciemus causam,  
quare ista Resp. tam irregularem  
formam induerit. Cum autem  
Status isti sint vel Principes secu-  
lares & Comites, vel Episcopi, vel  
Urbes; igitur de singularum ha-  
rum classiam origine paucis inve-  
stigabimus. Principes Germaniæ  
seculares gerunt titulum vel Du-  
cum, vel Comitum cum aliqua  
adjectione in ipsorum lingua, qua  
audiunt Pfalzgravi, Landgravi,  
Marg-

Marggravii, & Burggravii. Nam quantum memini, præter novitios illos Principes, soli Anhaltini nudo vocabulo Principum utuntur; nisi quod nonnulli aliis suis titulis eundem interjectum habent. Sic Austriaci vocant se Principes Sueviæ; Duces Pomeraniæ, & nunc Reges Sueciæ, Principes Rugiæ; Landgravii Hassiæ, Hirsfeldiæ, &c.

II. Inter priscos ergo Germanos ante Imperium Francorum, militare erat officium Ducum, arguente id satis Teutonico vocabulo Heerzog, qui ut plurimum ex opinione virtutis legebantur, quando necessitas bellandi ingruerat. In pace qui civitates gubernabant, & per pagos vicosque jus dicebant, ex nobilitate fere electi, Greven sive Graven vocabantur; Latine Præsidem rectius diceret, etsi pro eo vocabulum Comitum

suffragia; unum Wetteravici, alterum Suevici, tertium Franconici, quartum Westphalici. Qui mihi innotuere, hi fere sunt. Comites de Nassau, Oldenburg, Fürstenberg, Hohenlohe, Hanau, Sain & Witgenstein, Leiningen, Solms, Waldeck, Isenburg, Stolberg, Wied, Mansfeld, Reussen, Ottingen, Montfort, Königseck, Fugger, Sultz, Cronberg, Sintzendorf, Wallenstein, Pappenheim, Castell, Levvenstein, Erbach, Limburg, Schwartzzenburg, Bentheim, Ostfrisland, (qui hodie Princeps audit,) Lippe, Rheni & Sylvarum, Rantzovv, & plures fortasse, quorum splendori ut nostrum silentium non obstabit; ita illos, quos nominavi, in justum disponere ordinem, meum non fuit. Sunt præterea non pauci Comites & Barones in ditionibus Cæsaris hæreditariis, aut recens



cens in eum Ordinem evecti, qui cum aliis Statibus subsint, in Comititiis locum non inveniunt. Eos recensere, nostræ non est operæ.

XIII. Est præterea non exiguus per Germaniam numerus liberarum Urbium, quæ, quod nulli Statuum, sed Imperatori & Imperio, immediate subsunt, Imperiales vocantur. In Comititiis peculiare collegium constituunt, ubi in duas classes, (vulgo scamna vocant) separantur, Rhenanam & Suevicam. Præcipuæ inter istas sunt Noriberga, Augusta Vindelicorum, Colonia, Lubeca, Ulma, Argentoratum, Francofurtum, Ratisbona, Aquisgranum. Mediocres, Wormatia, Spira, Colmaria, Memminga, Eslinga, Halæ-Suevorum, Heilbronna, Lindavia, Goslaria, Mulhusium, Northusium. Reliquæ libertatem magis suam, quam opes, possunt jactare.

Etate. Harum urbium ante seculum unum atque alterum magna erat potentia, & ipsis Principibus formidabilis. Hodie plerarumque opes accisæ; nec frustra aliqui augurantur, fore, ut aliquando penitus sub jugum mittantur. Saltem Episcopi non obscure minantur illis, in quibus cathedrales ipsorum Ecclesiæ extant. Sed & sunt quædam validissimæ urbes, quæ libertatem non ita liquido jure usurpant. In Hamburgum enim, opulentissimam totius Germaniæ, jus prætendunt Duces Holsatiæ. Etsi vicinorum æmulatio nunquam videatur concessura, ut Rex Daniæ tam opimo bolo potiatur. Cum Brema Suedis negotium est, qui citra istam Ducatui suo nunquam satis cautum credunt. Et fortasse non absurde suspicantur, in suam fraudem eam inter liberas Civitates in Comitibus  
 anno

anno 1641. receptam, cum jam  
 tum suboleret, illum Ducatum in  
 ipsorum manus perventurum.  
 Brunsviga Ducum Brunsvicen-  
 sium & Luneburgensium territo-  
 rium valde deformavit, interjectu  
 suo bene cohærentem compa-  
 gem interfecando. Quanquam, ut  
 Hildesiam Episcopus suus oppri-  
 mat, iidem Duces non facile vi-  
 dentur concessuri. Electorem  
 Brandenburgicum nimis urbium  
 suæ ditionis libertati non favere,  
 in aperto est. Unde Magdebur-  
 go fortasse aliqua mutatio post  
 obitum Augusti Saxonis immi-  
 net. Ambiguam non ita pridem  
 conditionem deseruere Erfordi-  
 enses ; qui uti propter stolidita-  
 tem & ignaviam libertate indigni  
 adparuere ; ita, cur Saxones arcem  
 Thuringiæ non suam potius fieri  
 maluerint, cordatiores nondum  
 satis digerere possunt. Nam Bata-  
 yos

vos quidem satis puto poenituit, quod Monasteriensibus contra Episcopum suum suppetias non tulerint; præsertim cum speciosum foret, qui libertatem suam armis in Principem sumptis deberent, similia molientes non deserre.

XIV. Equestris Ordinis in Germania duplex est conditio; pars enim immediate Imperatori & Imperio subest, pars alios Status Dominos agnoscit. Qui ad priorem classem pertinent, vocare sese sueverunt Liberos Imperii Nobiles, & conjunctim Immediatam & Liberam Imperii Nobilitatem. Iidem pro districtibus, in quibus prædia possident, dividuntur in classem Franconicam, Suevicam & Rhenanam, quarum singulæ iterum in minores particulas dispescuntur. Iidem ex suo ordine certos habent Directores & Asses-  
sores,

lores, quibus negotia ipsorum rem communem spectantia curæ sunt. Interdum etiam, si quid majoris momenti inciderit, conventus agitant. Ad Comitia tamen Imperii non vocantur; quod ipsi in favorem sui interpretantur, ut sumtibus ibi requisitis possint superfedere. Et sane parum iisdem profuturum erat, unum atque alterum suffragium in tanta multitudine ferre posse. De cætero paribus fere cum reliquis Statibus libertate & juribus gaudent, ut ad Principum fortunam nihil ipsis desit, præter opes. Insigne quoque in eisdem redundat emolumentum ex Canonicatibus & beneficiis Ecclesiasticis, per quæ facillimus est ad fastigium Principale adscensus. Eo proventus familiis suis laute ipsos posse prospicere, vel sanctissimi Patris nostri exemplo potuerant discere. Præterquam

terquam quod nescio quam jucundum sit, optimos redditus citra ullum laborem per otium posse consumere. Nam etiam per Vicarios templa clamoribus complent, ut nullus raucedinis metus nisi ex crapula immineat. Cœlibatus incommodis facile venales puellæ medentur; nam qui se propter Regnum cœlorum castraverit, nondum videre contigit. Continentiæ autem donum in homine nobili æquè turpe, quam canibus & equis non gaudere. Cæterum non paucos querentes audiui, Principes quosdam suæ libertati non obscure imminere, seque ab iisdem parum propitio vultu adspici, quod, cum in mediis ipsorum territoriis sedes habeant, tanta libertate gaudeant. Quinimo à nonnullis jactari, tantam multitudinem minorum regulorum parum facere ad validata-

ditatem magnorum Imperiorum:  
 Quod si externum bellum ingruat, ipsos utrique parti in prædam cedere. Enimvero neque Nobiles propter incertum periculum certam libertatem projicient; nec temere reliqui sunt passuri, tantam accessionem paucis Principibus accrescere, ni magna aliqua rerum conversio occasionem pandat, aut lento temporum lapsu, & per subtiles artes attritæ Nobilium opes corruant.

XV. Paucis heic quoque monendum, vastum istud Imperium dividi in decem regiones, seu circulos, uti vulgo vocant, ex instituto Maximiliani I. anno 1512. quorum nomina ista sunt: Austriacus, quatuor Electorum ad Rhenum, Rhenanus superior, Suevicus, Bavaricus, Franconicus, Saxonius superior, Saxonius inferior, Westphalicus, & Burgundicus.

cus. Regnum Bohemiæ cum adjuncta Silesia & Moravia ad nullum circulum pertinet, neque peculiarem constituit; liquido argumento, foedere id magis Germaniæ innecti, quam in eandem cum ipsa civitatem coaluisse. Quæ cujusque circuli membra sint, passim in vulgaribus libellis expositum invenias. Spectat ea divisio potissimum ad commodiorem defensionem pacis publicæ, & executionem justitiæ contra Status contumaces. Cui fini etiam singuli sibi possunt eligere Ducem, penes quem summa sit militiæ, & conventus agitare, convocari solitos per primarium Circuli Principem unum alterumve; in quibus cum de aliis ad defensionem circuli spectantibus, tum etiam de re monetaria tractatur. Quanquam an non & eadem divisio ad distractionem Germaniæ



nix faciat, dum, quæ unum circum-  
lum adfligunt mala, reliquos  
segniùs afficiunt, non immerito  
dubites. Hæc de partibus Ger-  
manici Imperii.

## CAPUT III.

De Origine Statuum Im-  
perii, & quibus gradi-  
bus ad istam potentiam  
adscenderint.

I. Principes Germania  
seculares quibus ti-  
tulis distinguan-  
tur.

II. Ducum atq; Comi-  
zum quale apud  
veteres Germanos  
fuerit officium: &  
quâ ratione dein-  
ceps mutaverit.

III. Condicio horum,  
& distinctio quo-  
modo sub Carolo M.  
fuerit: & quibus  
gradibus potentia  
eorum creverit.

IV. Provincias suas  
feudi jure unde  
possideant, quaque  
nexus istius feuda-  
lis ratio.

V. Nonnullorum Prin-  
cipum vires quare  
imminutz.

VI. Episcopos consue-  
endi modus qualis  
primo fuerit. &  
quomodo postea mu-  
tatus sit.

VII. Opes suas quibus  
debeant, quibusque  
gradibus in Statum

*presentem deven-  
rint.*

II. Exemptio eorum  
à potestate Impera-  
toris an & quate-  
nus facta sit.

IX. De liberarum Ur-  
bium in Germania

*Origine ac incre-  
mentis.*

X. Earum regimen  
quo modo olim se  
habuerit, & quibus  
viis liberius reddi-  
tum.

**A**D accuratam Imperii Germa-  
nici notitiam comparandam  
cum primis necessarium est inqui-  
rere, qua via illi, qui Status Im-  
perii vocantur, ad tantas opes per-  
venerint. Citra hoc enim haut  
quidquam perspicimus causam,  
quare ista Resp. tam irregularem  
formam induerit. Cum autem  
Status isti sint vel Principes secu-  
lares & Comites, vel Episcopi, vel  
Urbès; igitur de singularum ha-  
rum classiam origine paucis inve-  
stigabimus. Principes Germaniæ  
seculares gerunt titulum vel Du-  
cum, vel Comitum cum aliqua  
adjectione in ipsorum lingua, qua  
audiunt Pfalzgravii, Landgravii,  
Marg-

Marggravii, & Burggravii. Nam quantum memini, præter novitios illos Principes, soli Anhaltini nudo vocabulo Principum utuntur; nisi quod nonnulli aliis suis titulis eundem interjectum habent. Sic Austriaci vocant se Principes Sueviæ; Duces Pomeraniæ, & nunc Reges Sueciæ, Principes Rugiæ; Landgravii Hassiæ, Hirsfeldiæ, &c.

II. Inter priscos ergo Germanos ante Imperium Francorum, militare erat officium Ducum, arguente id satis Teutonico vocabulo Heerzog, qui ut plurimum ex opinione virtutis legebantur, quando necessitas bellandi ingruerat. In pace qui civitates gubernabant, & per pagos vicosque jus dicebant, ex nobilitate ferè electi, Greven sive Graven vocabantur; Latine Præsidem rectius diceres, etsi pro eo vocabulum Comitis

magis arrisit. Nam ex usu seculorum à Constantino M. Comites audiebant, qui ministeriis aulicis præerant, aut qui in provinciis milites regebant, jure dicendo operam dabant. Franci postea, cum Alemanniam & alia Germaniæ loca sibi subjecissent, ad morem Romanorum, devictis provinciis, Duces imposuerunt, id est, Præsides, administrandis militiæ pacisque negotiis; quibus interdum Comites adjuncti dicendo juri. Quædam etiam provinciæ Comitibus solis sine Ducibus regendæ tradebantur. Omnis tamen horum potestas non alia erat, quam Magistratus propriè dicti. Successu tamen temporis factum, postquam isti Duces ad vitam constituerentur, & patribus plerumque filii surrogarentur, ut nacti tam egregiam occasionem proprias opes stabiliendi, paulatim

tim Regum suorum autoritatem  
 leviozem habere, & provincias si-  
 bi concreditas velut in patrimo-  
 nio suo coeperint numerare. Ne-  
 que vero magis exitiabilis Mo-  
 narchiis error accidere potest,  
 quam si ejusmodi administratio-  
 nes fiant hereditariæ, ubi inpri-  
 mis eadem rem quoq; militarem  
 complectuntur. Sic ut risum vix  
 tenere possem, cum legerem apud  
 quosdam Scriptores Germanicos,  
 istud quasi laudabiliter & pruden-  
 ter factum defendi. Nam est qui-  
 dem regia laus, bene meritos ma-  
 gnificis mactare præmiis; verum  
 si dominus omnes servos suos li-  
 bertate velit donare, ipse deinceps  
 sibi puto calceos purgabit. Et  
 magis quidem obstringitur bono  
 aliquo pater, quod in filium se  
 transmissurum novit: sed quo ar-  
 dentius filium amat, eo magis da-  
 bit operam, ut in bonum istud

alteri quam minimum juris sit. Sic majori cura solemus prosequi res nostras, quam alienas. Sed non ideo bonus paterfamilias statim fundum suum colono donat. Ut rebellionibus Præsidum obviam eatur, minus sumptuosa dantur remedia, quam ut provinciarum administratio hæreditario jure ipsis concedatur. Illud vero insigniter stultum, imperantis majestatem inde æstimare, quod multos in sua ditione habet, qui ipsius imperium impune possint spernere. Plura addere putidum foret. Nam ad hominum istorum stuporem convincendum sufficere illud unicum potest, quod Italicis, Gallicis, Hispanicisque Scriptoribus non erubescant opponere Juris sui Publici Consultos: quorum plerosque civilis prudentiæ rudimenta non intellexisse, abortivi ipsorum libelli testantur.

III. Cæ.

III. Cæterum Carolus M. animadverso majorum errore, Ducatus, lata nimis spatia complexos, sustulit, & provincias ampliores in plures divisit partes, easque Comitibus regendas tradidit. Horum aliqui simplex Comitum nomen retinuerunt. Aliqui dicti Pfaltzgraven seu Pallentzgraven, Comites Palatini, præfecti palatii regii, quique adeo in aula regia jus dicerent. Aliqui Landgravii, q. d. Comites provinciæ integræ impositi. Aliqui Marggravii, præfecti limitaneis locis, ad repellendas hostium incursiones, simulq; dicundo juri. Aliqui deniq; Burggravii, q. d. præfecti arcis alicui regiæ. Et isthæc quidem munia ac dignitates Carolus haud quidquam in perpetuum aut jure hæreditario viris strenuis concedebat; sed ut revocandi & in alios conferendi libera potestas foret.

Post Carolum tamen ad antiquum errorem reditum, & præterquam quod in istis magistratibus filii fere patribus surrogati, etiam ex coalitione plurium Comitatum, aut voluntate posterorum Caroli, aliquot Ducatus instituti, magna terrarum spatia amplexi. His præfecti, genio ambitionis humanæ, ignavum ducebant, occasione proprias stabilienti opes non solerter uti, dum Francorum Imperatorum auctoritas magis magisque evilesceret, intestinis discordiis convulsa potentia. Cum primis Dux Saxoniae Otto, Henrici Aucupis pater, validissimam sub se habens nationem, eo usque se confirmavit, ut ad regium imperium nil præter nomen ipsi deesse videretur. Inde cum Conradus I. in ordinem redigere ejusdem filium Henricum frustra agitasset, tandem moriturus

rus



rus autor fuit Proceribus, ut in istum regiam dignitatem conferrent; consultius credens, ultro dare, quod per vim ipse sibi sumere poterat, aut ne iste à reliquo sese corpore Germaniæ separaret. Sunt tamen etiam Principes, qui opes suas liberalitati Imperatorum in acceptis referunt; cujus rei exempla imprimis in historia Ottonum occurrunt. Quæ tamen an ad leges Monarchiæ fuerit attemperata, jam inquirere non vacat. Incrementa porro poteniæ suæ Principes debent donationibus Imperatorum, emtionibus, hereditatibus, non solum jure sanguinis, sed etiam per pacta de mutua successione (Germani Confraternitates hereditarias vocant,) delatis. Quale pactum adhuc existat inter potentissimas domus, Saxonicam, Brandenburgicam & Hasslicam. Ex tali pacto etiam ad Saxones

nes devolutus Comitatus Hennebergicus ; ad Brandenburgicum Pomerania, etsi istud non plane fuerit reciprocum. Quia tamen potestatem Imperatoris, quam in ditiones Principum, tanquam Dominus feudi, obtinet, ejusmodi conventionibus hactenus eludi, in aprico est, ut consolidatio in infinitum extrahi queat: inde neque tales citra ratificationem Imperatoris valebunt, neque tranquillis Reipubl. temporibus in easdem Imperator aut reliqui Ordines consentient. Quædam denique à nonnullis per vim occupata inter turbas Reipubl.

IV. Cæterum cum sine convulsione totius Germaniæ, & fortasse non sine exitio convellentium, parta semel Principum potentia destrui non posset, satius visum Regibus, præsertim postquam alia conditione in regnum ipsos  
non

non essent adscituri Principes, possessionem eorundem confirmare: ita ut deinceps ditiones suas tanquam feuda ab Imperatore recognoscerent, & fidem eidem atque Imperio jurarent. Et exinde factum, ut quocunque modo partæ intra complexum Imperii Germanici opes Principum, feudi titulo possideri dicerentur. Non tamen multum potentia & fastigio ipsis per vocabulum Vasallorum decessit. Equidem cui de meo in feudum aliquid concedo, eundem & in plenum, utut honoratiorem, subditum mihi adsciscere possum, &, quas placeat leges, ipsius possessioni præscribere. Sed qui bona jam antea parta, ab altero tanquam feuda deinceps vult recognoscere, ille nihil aliud agere est intelligendus, quam ut isti, quem Dominum feudi salutatur, sese tanquam inæqualiter fœderatum

tum adjungat, & ad istius Majestatem comiter colendam sese obligare, sub oneribus ei conventioni adjunctis, teneatur. Atqui extincta stirpe Carolina in plenam libertatem evaserat Germania, & jam tum complures Proceres amplas sibi ditiones quæsierant. Postquam igitur placebat, regium nomen alicui ex Proceribus deferre, ne in antiquam iterum faciem Germania, in modicas civitates divulsa, rediret, haud quidquam credere licet, istos opes suas voluisse projicere, aut absoluto alterius dominio subjicere; sed potius validum sibi earundem protectorem quærere. Introducto semel & confirmato Principum Statu, in parem cum antiquis fortunam evchi conveniens erat, si quos deinceps ultro Imperatores eo titulo, in locum extinctarum familiarum, dignabantur. Nexum ist-

hunc

hunc feudalem, quo Principes Imperatori adstringuntur, nil aliud fere efficere, quam conditionem inæqualiter foederati, facile agnosceret, cui scientiæ civilis solidior intellectus. Nam id quidem cum persona subditi consistere non potest; in ditionis suæ cives jus vitæ & necis habere, in eadem magistratus pro lubitu constituere, foedera inire, omnis generis reditus non fisco regio inferre, sed sibi retinere, denique nihil præstare, nisi in quod ultro consenseris: Coërceri autem per reliquos socium enormiter in leges foederis peccantem posse, compluribus antiquis & recentibus exemplis constat. Sed solum Imperatorem cognoscere super causis, quibus Princeps sua ditione ejici mereatur, uti fundamenta potentiæ Principum Germaniæ erat convulsurum; ita talia tentanti-

tantibus Imperatoribus qui acriter contradixere, per ignavam reverentiam sua jura prodere turpe judicarunt.

V. Quod ergo in omnibus imperiis accidit, in quibus subjectorum potentia imperantibus est formidabilis, id multo manifestius ex eo tempore in Germania usu venit; ut, si quis Imperator propriis opibus, aut eximia opinione virtutis polleret, Principibus etiam uteretur obsequentibus; debiles aut ignavi fere precario regnarent. Et qui tam profunde radicatam potentiam convellere, & sub leges veræ Monarchiæ Germaniam revocare conati sunt Imperatores, interdum sibi ipsis exitium invenerunt; semper spe sua exciderunt, & præter molestias sibi aliisque conciliatas nihil sunt lucrati. Nec, qui astu grassati sunt, multum profecere; cum  
altera

altera ex parte semper fuerit reperi-  
tum, quo machinationes illæ elu-  
derentur; & si quid ablatum, alia  
id via pensatum fuit. Sic quam in-  
feliciter ceciderint superiori secu-  
lo Caroli V. & hoc nostro Ferdi-  
nandi II. conatus, notissimum est.  
Nonnullorum tamen Principum  
vires insigniter imminuit ipso-  
rum luxuria, socordia & prodiga-  
litas, & quod rei augendæ aut ter-  
vandæ nullam omnino curam ha-  
berent. Nec paucæ familiæ ideo  
debilitatæ, quod ditiones suas in  
plures particulas inter cognatos  
diviserint. Aliquos etiam præter  
suam culpam bellorum civilium  
calamitas afflixit.

VI. De Episcopis nunc quoque  
aliquid addendum. Constat igitur,  
ab initio rei Christianæ eos,  
qui Episcopi vocantur, à reliquo  
Clero & populo fidelium fuisse  
electos & constitutos. Post, circa

G

secul-

seculum quartum, cum etiam Principes Christo nomina dare inciperent, passim invaluit consuetudo, ut, qui Reipubl. summa cum autoritate præessent, non temere paterentur aliquem ad Episcopatum adspirare, nisi accedente suo consensu. Scilicet cum intelligerent, quantum ad tranquillitatem Reipubl. faceret, bonos & pacificos viros sacra tractare. Atque idem jus etiam exercuere Reges Francorum, ut ii in suo Regno essent Episcopi, quos ipsi suo suffragio constituissent. Et eandem potestatem usurparunt Imperatores Germanici usque ad Henricum IV. quem Gregorius VII. & successores ob eam causam miris modis exagitarunt. Donec tandem tot turbis fessus ipsius filius Henricus V. anno 1122. in Comitibus Wormatiensibus renunciavit juri Episcopos constituendi, & investien-



vestiendi; id quod olim fiebat tradito annulo & baculo. Imperatori remansit potestas electo Episcopo conferendi regalia & feuda Imperii, adhibito ritu tradendi sceptri. Quo ipso quantum detrimenti res Imperatoris ceperint, nemo non perspicit. Nam utut in seculares Principes parum fuisset potestatis; horum tamen vires æquare aut superare facile erat, obnoxiiis Imperatori Sacerdotibus. Cæterum etsi in conventionne Henrici V. cum Pontifice expressum foret, ut deinceps electio Episcoporum esset penes Clerum & populum; tamen Canonici siue Capitulares Ecclesiarum Cathedralium electionem sibi solis vindicare cœperunt; connivente sine dubio Pontifice, è cujus re videbatur penes paucos potius, quam integras ecclesias, electionem esse. Demum coctes deve-

nit, ut à Capitulo electorum Episcoporum confirmatio Roma peteretur; cum antea illa, uti & consecratio, ad Metropolitanos spectaret. Per provisionem constitutorum à Pontifice Episcoporum rariora apud Germanos exempla. Nec crediderim taliter submissum à Capitulis agnitum iri, nisi per tumultus intestinos reluctari non liceat.

VII. Debent autem Episcopi Germaniæ opes suas amplissimas liberalitati potissimum primorum Imperatorum. Scilicet fervens eo tempore Principum animos infidebat pietas; & quò quis plura in Sacerdotes profudisset, eo arctiore sibi nexu Numen obstringi credebatur. Quæ tamen opinio jam apud multos exolevit, qui, nescio quam recte, autumant, studium excolendæ pietatis apud Sacerdotes per nimiam opulen-

opulentiam suffocari potius, quam ali. Videtur quoque non paucis Sacerdotibus sat constantiæ fuisse, ut apud probos istos homines parum trepide procarentur, quibus professionis suæ asperitatem molliiri posse apparebat. Donati ergo Episcopis & Ecclesiis non solum fundi, decimæ, aliique redditus, sed etiam integra dominia, Comitatus & Ducatus; imo & regalia jura addita; sic ut demum Secularibus exæquarentur. Et si ad fastigium Principale plerique tempore Ottonum & deinceps evecti; nec jura regalia omnes simul & semel acceperunt, sed paulatim & diversis temporibus. Unde factum, ut quidam adhuc aliqua parte istorum jurium destituantur; aliqui cum certa restrictione eadem possideant. Ad tantam dignitatem ut ascenderent, illud quoque non parum

momenti attulit, quod nobilissimi quoque homines ad munia sacra adspirarent; quodque barbaris istis seculis soli fere qualemcunq; literarum cognitionem haberent, qui sacris sese addixissent. Inde mature Episcopi ad consilia in aulis adsciti, illisque officiis præfecti, quæ sine adminiculo literarum obiri nequeunt. Inde adhuc Cancellariorum dignitate primores Præsulum fulgent. Crediderim quoque, Episcoporum bona non parum aucta, quod multi Principes atque Nobiles bona sua, aut partem eorundem, ab Episcopis ultro tanquam feuda voluerint agnoscere, ut eo curatius ipsorum salus per Clericos Deo commendaretur. Eorum familiis extinctis, bona Episcopatibus accrescebant. Denique quantum per donationes, & testamenta Procerum juxta ac plebejorum in Clericos divi-

divi-

divitiarum sit collatum, quis ignorat? cum quantovis pretio redimendas judicarent Purgatorii ustulationes, quas sitis alioquin, & æstus impatiens natio miris modis formidabat.

IIIX. Poterat jam Sacerdotes suæ fortunæ non poenitere, utut vel maxime ambitionem & avaritiam non penitus ejurassent. Enimvero prout id genus hominum Imperii in alios avidissimum, cæterorum in se potestatem ægerri-me suevit ferre; ita hoc unum ad perfectam felicitatem deesse videbatur, quod in Imperatoris manu foret, tam luculenta beneficia distribuere, cui eam ob causam peculiariter obstricti cogebantur vivere. Ni sanctissimi ordinis reverentia obstaret, improbissimos mortaliū dicerem, qui munificentia Imperatorum, uti eventus ostendit, valde inconsulta ad de-

struendum fastigium Imperato-  
 rium sunt abusi. Nec libertate  
 dignum putaverim, qui manu-  
 missorem in patroni loco colere  
 adspernatur. Ut igitur Laicorum  
 imperio sese penitus subduceret  
 Sacerdotum natio, fulmina Pon-  
 tificis & turbæ per Præsules Ger-  
 manos strenue excitatæ demum  
 effecerunt. Neque prius nego-  
 tium facessere Imperatoribus de-  
 sierunt, antesignano ut plurimum  
 Moguntino, quem reliquus grex  
 fideliter sequebatur, donec abs so-  
 lo Pontifice ipsis pendere liceret.  
 Quo ipso gravissimum contraxisse  
 morbum Resp. Germanorum à  
 plurimis creditur, quod magna  
 pars eorum, qui cives ejusdem  
 audiunt, superiorem agnoscant,  
 qui extra ipsorum rempubl. est  
 constitutus. Ni forte credere ve-  
 limus, tam efflictim deperire eam  
 nationem Pontificis, ut ipsius sa-  
 lute

Iute nihil antiquius ducant, meliusque Romæ perspici, quid Germaniæ ex usu sit, quam in ipsa Germania.

IX. Superest, ut de liberis quoque Urbibus aliquid addamus. Ad seculum ergo à Christo nato quintum Germania trans-Rhenana vicis duntaxat mœnibus carentes, aut dispersa habebat ædificia. Imo ad seculum usque nonum unius tantum aut alterius apud Vencdos urbis mentio fit. Etsi mature urbes extiterint in partibus cis-Rhenanis, Romanorum ditioni quondam subjectis; uti & in tractu Danubio atq; Alpibus interjecto, qui deinceps Germaniæ adcrevit. Nullæ autem antiquis istis urbes, partim propter inscitiam ædificandi, quam adhuc plurima Germaniæ loca præ se ferunt; partim propter ferociam gentis, quæ ista velut claustra averfabatur, & quod

summam fere voluptatum venatione nobilissimi quique metirentur. Neque vero commoda urbium satis intelligebant, aut valde desiderabant, quæis simplex agrestisque victus, vilis suppellex, adparatus tenuis, superfluarum opum aut deliciarum nulla notitia aut cura. At vero postea per religionem Christianam mitigati animi cultiorem vitam patientius ferre didicerunt. Subiit paulatim habendi amor, & exquisitior luxuria aliunde inuenta; quorum utrique ex urbibus multa accedunt alimenta. Principes quoque ad tantas opes proventi, ostentatione divitiarum struendis sese urbibus dare, rusticosque aut extraneos, ut eo concederent, multis immunitatibus invitare. Inprimis cum post introductam religionem Christianam multis in locis servitus exolesceret, aut laxior redderetur,



tur, liberti, quibus nulli agri, in urbes agminatim convolarent, opificiis aut mercaturæ sese addicentes. Sed & propter irruptionem Hungarorum complures urbes in Saxonia ab Henrico Aucupe extractæ aut munitæ; qui nonum quemque ingenuorum ex agro in urbes jussit migrare. Incrementa porro urbibus addidere præcipue foedera mutuæ defensionis gratia, aut ob commercia inita. Ex istis nobile præprimis est id, quod Anno 1255. contraxere urbes Rheno adsitæ, cui etiam Principes quidam adscribi voluerunt. Ob commercia potissimum maritima institutum foedus Hanseaticum, cujus quondam tantæ fuere vires, ut ipsis Regibus Sueciæ, Angliæ, & Daniæ forent formidabiles. Et si post Annum 1500. ea societas tantum non penitus corruit; tum quod minores urbes, cum lucrum

vide-

viderent in solas majores redundare, passim desciscerent; tum quod Hanficorum exemplo aliæ quoque gentes, Oceanum aut Mare Balticum accolentes, commercia cœperunt frequentare, Flandri præcipue & Batavi. Sic monopolio istorum expirante vires quoque conciderunt.

X. Cæterum etsi ab initio urbes molliori conditione habitæ, quam vici; Regum tamen atque Imperatorum potestatem non minus quam hi agnoscebant, itq; in istis jus dici curabant per Comites, aut Missos Regios, quos vocabant. Post enormi Imperatorum liberalitate multæ in Episcoporum concessere potestatem, multæ Ducum & Comitum factæ, reliquæ solis Imperatoribus immediatè subjectæ remanserunt. Circa seculum autem xii. nonnullæ earundem; prout quæque  
 opu-

opulentiæ suæ confidebat, laxiorem libertatem usurpare coeperunt; quod turbis intestinis agitati Imperatores, aut recens ad id fastigium eVecti, in ordinem eas redigere non possent, aut ultro earundem favorem & subsidium privilegiis & immunitatibus concessis ambirent, in refractarios Episcopos & Principes firmando. Advocatos quoq; & Præfectos Imperiales paulatim excutere, proximum fuit. Sed & sequentes Imperatores, cum viderent, Episcopos opibus suis contra ipsos abuti, effecerunt datis privilegiis, ut primariae urbes istorum potestati subducerentur. Extincta etiam Ducum Sueviæ prosapia complures ejus Ducatus urbes, aliàs sat modicæ, libertatis usurpandæ occasionem impigre arripuerunt. Hanc tamen libertatem istæ urbes non simul obtinuerunt, sed

sed singulæ, prout occasio aut favor Imperatorum arridebat. Inde est, quod non omnes æqualibus perfruantur juribus; quædam parte Jurium Regalium omnino adhuc destituantur. Non paucæ denique quod juris, in ipsas compete-  
 bat Imperatori, à Ducibus aut Episcopis emtione, permutatione, aut alio titulo redemere; aliis per vim jugum excussum, cujus tituli iniquitatem post subsequuta transactio purgavit. Nam infirmitate aut inopia pecuniæ conflictati complures inter ultima subsidia habebant, opulentis subjectorum libertatem venalem exponere; aut cum cernerent, eripi non posse, quod isti sibi usurpant, modico accepto adquiescere in lucro duxerunt.

## CAPUT IV.

## De Capite Imperii Germanici, Imperatore, ubi de Electione &amp; Electoribus.

- |  |   |
|--|---|
| <p>I. Imperium Romanum quomodo in Carolum collatum, &amp; qua tum in antiquo Regno Francorum, tum in Regno Germania ad Imperium perveniendi modus fuerit.</p> <p>II. Origo Principum Electorum qualis sit, diversimode scriptores tradunt.</p> <p>III. Sententia super ista re Auctori probata.</p> <p>IV. Electores Ecclesiastici quomodo constituantur: apud Se-</p> | <p>culares qualis successionis species valeat.</p> <p>V. Modus electionis ex Aurea Bulla describitur.</p> <p>VI. Jus deponendi Imperatorem an Electoribus competat.</p> <p>VII. Jura principum Electorum pra reliquis Principibus quam sint.</p> <p>VIII. De Vicariis Imperatoris tempore Interregni.</p> <p>IX. De Rege Romanorum.</p> |
|--|---|

**G**ermania, utut ex tam multis componatur membris, quorum plura iustarum & validarum instar

instar civitatum habent; à Caroli  
tamen temporibus uni Capiti,  
(quod antiqui simplicius Regem,  
sequentes ambitiosius Romano-  
rum Imperatorem, aut Cæsarem  
nuncupavere,) subiecta fuit, nisi  
qua Interregna intercurrere; &  
ob istud Caput plerisque una &  
simplex Resp. fuit visa. Illud quo-  
modo constituatur, deinceps di-  
spiciendum erit. Operæ pretium  
autem fuerit, rem paulo altius re-  
petere, ut simul adpareat, quan-  
tum vetus electio à recentiore dis-  
crepaverit, & quæ genuina sit  
Principum Electorum origo. Cir-  
ca Carolum ergo M. ejusq; poste-  
ros distincte considerandum est  
Imperium Romanorum, & Re-  
gnum Francorum. Illud in Ca-  
rolum collatum est consensu po-  
puli Romani, & Pontificis, tan-  
quam præcipui ejus membri, vel  
potius, qui Imperium in eundem  
jam

jam non obscure moliebatur; & quidem jure, uti adparet, hæreditario. Sic ut successorum ipsius coronatio non habuerit vim novæ & liberæ electionis, sed solennis duntaxat inaugurationis. Sane enim Carolus filium Ludovicum, & hic Lotharium in consortium Imperii adsumsisse legitur, nec tamen de requisito prius novo Pontificis & Romanorum consensu mentio extat. Antiquum autem Regnum Francorum neque mere hæreditarium, neque electitium dixeris, sed quod mixto quodam successionis modo fuerit delatum. Sane enim Reges Francorum consensu & acclamatione Procerum, & totius populi constitutos legimus. Sed ita, ut nisi gravissimas ob rationes à sanguine defuncti Regis haut quidquam discederetur. Quale genus successionis hætenus fere

H in

in Polonia observatum novimus. Accuratus tamen inspicienti patet, ex successivo plus quam electione genere traxisse Regnum Francorum; quippe cum in autorem stirpis hac cum conditione videatur Regnum collatum, ut idem etiam in posteros transmitteret, nisi eo valde indigni populo adparuerint. Adeoque per approbationem illam Procerum, & populi filiis Regum defunctorum non tam novum jus ad regnum fuit quæsitum, quam declaratum, filium juris ex prima collatione quæsitum non esse incapacem. Dejecta deinceps solio Francorum stirpe Carolina, Regnum Germaniæ, seu, uti tunc vocabant, Regnum Francorum Orientale, liberrima Procerum electione delatum fuit Ottoni Saxoni. Quo senium excusante, ejusdem consilio electus fuit Rex Germaniæ

Con-



Conradus, Franconiæ Dux, quem aliqui ex Caroli posteris esse putant. Hujus itidem consilio per liberam electionem in Regnum erectus fuit Ottonis Saxonis filius, Henricus Auceps, qui sola contentus Germania, ne invitante quidem Pontifice, Imperatorium nomen voluit recipere. Enimvero hujus filius Otto M. subacta Italia, Romam & ditionem Ecclesiæ ita cum Germania connexuit, ut citra novam electionem Romanorum Imperator esset, qui Regno Germaniæ fuisset potitus, coronatione Pontificis non nisi sollemnis ritus vim habente; etsi quondam ante eandem non temere Imperatorium nomen Reges Germaniæ usurpaverint. In ipso autem Germaniæ Regno idem fere succedendi modus obtinuit, qui in antiquo Francorum Regno, ut scilicet Procerum & po-

puli consensus ab ordine sanguinis non facile discederet. Idque duravit usq; ad Henricum IV. cuius pueritiâ, & fors pravâ etiam Regni administratione, moti Proceres Germaniæ, frigidam suffundente Pontifice, in Imperatorem insurgunt, eumque demum regno deiciunt, edita Constitutione, ut deinceps filius Regis, et si dignus, per spontaneam electionem, non per successionis lineam, (verba sunt Constitutionis) proveniret. Et ex illo tempore hæreditaria successio paulatim exolevit.

II. Factâ autem fuit antiqua illa adprobatio & electio ab universo populo; etsi Procerum, Principum scilicet, Episcoporum & Nobilium, plurimum hęc valuisse autoritatem, extra dubium sit. Ab aliquot tamen jam seculis, cæteris omnibus exclusis, Imperatorem eligunt septem, & post Pacificationem

ficationem Osnabrugensem octo  
 primarii Principes, ab isthoc offi-  
 cio Electores dicti: tres Ecclesia-  
 stici, Moguntinus, Trevirensis, &  
 Coloniensis, Archiepiscopi; &  
 quinque Seculares, Rex Bohemiæ,  
 Duces Baviaræ & Saxoniar, Mar-  
 chio Brandenburgicus, & Comes  
 Palatinus Rheni. Hoc jus quan-  
 do isti Principes nacti sint, non ita  
 liquido constat. : Equidem per  
 duo amplius secula, ab Anno cir-  
 citer 1250. ad Annum 1500. recepta  
 fuit opinio, Ottonem III. Impera-  
 torem, & Gregorium V. Pontifi-  
 cem septem Electores instituisse;  
 nisi quod alii autores heic primas  
 partes Imperatori, alii Pontifici  
 tribuant, prout quisque hujus aut  
 illius studio ducitur. Hanc opi-  
 nionem primus, quod novi, pe-  
 culiari libello, qui inscribitur *de*  
*Comitiis Imperatoris*, oppugnavit  
 civis noster *Onuphrius Panvinus*,

quem hodie cordatissimi quique Germanorum sequuntur. Palmarium argumentum est, quod illa Constitutio, sive Ottoniana, sive Gregoriana, à nemine hætenus reperiri potuerit; & de eadem omnes scriptores ad Friderici usque II. tempora per Annos 240. ab Ottone III. sileant. Nam primus Electorum mentionem facit Martinus Polonus, qui vixit sub Friderico II. annos circiter 250. post Ottonem III. cujusque adeo fides omni exceptione non est major in re tam longe ab ipsius memoria remota, cum liquidioribus testimoniis destituatur. Neque tamen ipse Constitutionis alicujus meminit, neque tempore Ottonis cœpisse Electores dicit, sed hoc tantum affirmat, post Ottonis tempora cœpisse Officiales Imperii eligere. Quod duplici sensu admitti potest, vel quia ditiones amplif-

amplissimas eo tempore sortiti sunt, qui antea præcipua munia in aula obibant: vel quia munia ista in amplissimarum ditionum Principes tunc in perpetuum sunt collata. Qui tamen uti fortasse insigni autoritate inter cæteros fuerunt conspicui; ita præter septem illos aliis quoque Principibus in Regum electione locum fuisse, nemo antiquitatum Germaniæ peritus negabit. Alii Electorum institutionem Friderico II. adscribunt. Sed nullius in eam rem sanctionis monumentum uspiamprehenditur; nec probabile est, reliquos Principes tam subito & libenter jure suo decessisse.

III. Igitur apud peritissimos rerum patriarum Germanos hæc ferre sententia obtinet, jam ante Friderici II. tempora septem illos Principes, tanquam Imperii Officiales, & opum magnitudine

pollentes in electionibus Imperatorum autoritate reliquos paulatim eminere coepisse. Post Frederici autem tempora, rebus per Germaniam mirum in modum turbatis, cum reliquis publica negotia parum curæ essent, hos sibi solis id jus eligendi vindicasse. Hoc ubi in consuetudinem, per aliquot actus confirmatam, abiisset, Aureæ Bullæ, quam vocant, publica & solemnis sanctio accessit, in qua tota eligendi ratio, & omnis Electorum potestas continetur. Et ex isto tempore Principes illi nomini suo titulum Electorum adjicere, ampliorique quam reliqui dignatione æstimari coeperunt.

IV. Ut ut ergo ab initio eligendi munus isti sibi Principes videntur sumsisse, quatenus Imperii Officiales erant; postea tamen per legem Aureæ Bullæ non minus officia

officia ista quam electoria dignitas certis ditionibus est annexa, ut, qui illas legitimo modo possideat, eo ipso sit Elector. Et quidem Ecclesiastici Electores, uti alii Episcopi Germaniæ, constituuntur electione, vel collatione. Ubi observandum, etsi aliàs Episcopi, ut omnes muneris sui partes rite queant obire, opus habeant Pontificis confirmatione, & pallio non gratis redimendo: tamen ad electionem Imperatoriam eosdem admitti, etiam ante confirmationem Pontificiam; cum seculares dignitates sine characterē consent. Verum sede vacante, vicem Electoris haut quidquam subire potest Capitulum. In Electoratibus secularibus obtinet illa species successionis linearis, quam agnaticam vocant, & ita quidem, ut neque dignitas Electoralis, neque terræ peculiariter

Electoratibus adsignatæ divisionem recipiant. Quod si autem novus sit Electoratus instituendus, aut ob delictum aliquis ea dignitate exuendus, sine dubio reliquis Imperii legibus & consuetudinibus conforme fuerit, Imperatorem solum propria autoritate, citra consensum reliquorum Ordinum, aut saltem Electorum, nihil heic disponere. Etsi superiori nostroque hoc seculo in contrarium extet exemplum; contra quod tamen unus atq; alter nequidquam est protestatus, facili ad spernanda verba Cæsare, cui Mars supra modum tunc videbatur favere. Astute tamen idem, quod dignitatem Electoralem uni ablatam in agnatum ex eadem familia contulit. Id enim non modo invidiam facti insigniter erat molliturum; ne dominandi magis libidine, aut aliena rapiendi, quam necessitate

mune-



muneris, & ut sua vindicaret, in bellum ruisse videretur: sed & potentissimas familias æmulatione distracturum, obnoxiiis Cæsari illis partibus, quas ipse validiores reddiderat. Addendum & hoc, Electoribus minorennibus, in electione Imperatorum tutores ipsorum subire locum. Minorennēs autem desinunt esse completo ætatis anno octavo decimo.

V. Modus Electionis hic fere est. Moguntinus intra mensem à primo die, quo de morte Imperatoris rescivit, Collegis id significat, eosque ad futuram Electionem vocat: qui ipsi, aut per Legatos suos, comparere tenentur. Francofurtum ingressuris certus equitum numerus, nempe ducentorum, est præscriptus; qui tamen hodie non ita accurate observatur. Dum electio fit, omnes peregrini urbe ista jubentur exesse.

Actum

Actum electionis, quæ fit in sacra-  
rio templi S. Bartholomæi, auspi-  
catur ceremonia Missæ. Inde ad  
altare accedunt juraturi, quod  
idoneum sint electuri Imperato-  
rem, absque omni pacto, stipen-  
dio, pretio vel promisso. Mogun-  
tinus tanquam Decanus Collegii  
suffragia colligit, primo loco Tre-  
virenses interrogat, inde Colo-  
nienses & reliquos: ipse ultimo  
loco sententiam dicit. Plura suf-  
fragia pro universis valent. Cum  
tamen hodie octo sint, nondum  
certi quid est constitutum, quid  
agendum, si fors suffragia esse æ-  
qualia contingat. Suffragio suo  
Electores seipsum quoque nominare  
non prohibetur. Electio facta in  
litteras solet referri, & Sigillis Ele-  
ctorum confirmari. Postea hi ad  
altare accedunt; ubi Moguntinus  
convocatam apud multitudinem  
Imperatorem electum pronun-  
ciat.

ciat. Ei mox certis sub legibus Imperium committitur, ita tamen, ut omnibus & singulis Electoribus sua jura & privilegia statim teneatur confirmare. Coronationi quidem lege Aureæ Bullæ destinata urbs Aquisgranum; etsi hætenus plerumque, ubi electio facta, inauguratio quoque fuerit celebrata. Et quia ista urbs in diocesi Colonienſi ſita, ideo ab Electore Colonienſi jam olim hæc frequenter peracta. Cui tamen Moguntinus ſuper eo jure litem intendit; quæ nuper ita compoſita eſt, ut coronatio in diocesi Colonienſi ab Archiepiſcopo Colonienſi, in diocesi Moguntinâ à Moguntino, extra utramque ab utroq; alternatim peragatur. Alia ceremoniarum ſolennia paſſim in Scriptoribus Germanicis invenias.

VI. Electoribus uti jus eligendi  
Impe-

Imperatorem, ita potestatem quoque, eundem, si mereatur, deponendi, competere, publica & expressa lege sanciri, durum fortasse nimis & invidiæ plenum erat futurum. Eandem tamen ipsos exercuisse constat in Wenceslao, filio ipsius Caroli IV, quem, ut filio suo aliquando Imperium pararet, & Auream Bullam condidisse, & maximis largitionibus Electores mastrasse, non obscure fremunt, qui eminentiam Electorum ægris oculis adspiciunt. Ad Henricum IV. Imperio deijciendum alii quoque Principes operam contulerunt. Sane Moguntinus uni atque alteri Imperatorum, ipsi quædam parum grata molientium, jus illud deponendi Imperatores non timide occinuisse legitur.

VII. Habent & alia quædam præ reliquis præcipua jura Electores.

Præ-

Præterquam enim, quod exclusis reliquis Ordinibus possint conventus agitare, ac de summa rerum consilia conferre; ipsi quoque sunt summi Officiales Imperii. Archicancellarii quidem sunt Moguntinus per Germaniam, Treverensis per Galliam & Regnum Arlatense; (quibus vocabulis tamen juxta peritissimos autores non integra Gallia, sed quicquid ejus ad Regnum Burgundicum pertinet, quod seculo XI. Germaniæ jungi cœpit, intelligitur;) Coloniensis per Italiam: Etsi hodie penes priorem res, penes posteriores inane fere nomen remansit. Rex Bohemiæ est Archipincerna, & in celebratione solemnisi Curiae Imperatori primum poculum porrigit. Bavarus hodie est Archidapifer, & in solemnii processione gestat pomum Imperiale. Saxo Archimarschallus præfert, Imperato-

ratori gladium evaginatum. Brandenburgicus Archicamerarius Imperatori aquam porrigit, & in processione sceptrum præfert. Comes Palatinus Rheni Archithesaurarius in solemni deductione Regis coronati ad palatium in circumstantem populum nummos aureos atque argenteos spargit. Secularium singuli in istis officiis suos habent Vicarios, Bohemus Pincernam de Limburg, Bavarus Dapiferum de Walburg, Saxo Marschallum de Pappenheim, Brandenburgicus Comitem de Hohenzollern, Palatinus Comitem de Sintzendorf. Sunt quoque alia privilegia Electorum in Aurea Bulla expressa, quorum tamen pleraque aliis quoque Principibus hodie competunt; præterquam quod ab ipsorum judiciis non appellatur, & quod in renovatione feudo-

feudorum suorum sunt immunes, & si quæ forte sunt alia.

IIIX. Interregno existente Vicariam in gubernando Imperio potestatem gerunt Palatinus & Saxo; ille quidem in partibus Rheni & Sueviæ, & ubi jus Franconicum in usu; hic, ubi jura Saxonica vigent. Interdictum tamen iisdem, feuda Principum, & quæ per vexillum conferri moris, cuiquam attribuere; nec minus, res Imperii alienare aut oppignorare. Cæterum quæ gessere, abs recens creato Imperatore confirmari solent. Nupero Interregno post mortem Ferdinandi III. Electori Palatino super Vicariatu controversiam movebat Bavarus. In quod imprimis calide à Bavaro observatum, ut, quid moliretur, altissima dissimulatione premeret, ne mature ipsius destinata possent eludi. Et cum

I per

per dispositos cursores ipsi de obitu Imperatoris nunciatum esset, idem quaquaversum confestim literas dimittit, susceptionem Vicariatus indicantes; ad quas plerique Statuum, re non satis perpensa, cum præpropera gratulatione responderunt, priusquam Palatino de morte Imperatoris fere innotesceret. Nec jus suum involari segniter tulit Palatinus, sed & ipse passim denunciavit, potestatem sese vicariam deinceps exerciturum, non sine querela super injuria Bavarica. Et satis constat, non paucos Principum doluisse, literas sese ad Bavarum retractare non posse. Verum uti fit, alienam litem in sese nemo derivare voluit. Res postea inter partes per scripta publica agitata. Ubi quamquam nemini mirum videbatur, Bavarum isthanc dignitatem ad sese conari pertrahere; quippe



quippe qui jam tum florentibus Palatini rebus, Electoratum sibi deberi contendere non dubitaverat, ac jam potentia propria & favore Austriacorum fidebat: plerisque tamen à partium studio remotis Palatini Scriptores sat manifeste judicabantur ostendisse, Vicariatus dignitatem haut quidquam partem aut appendicem esse Archidapiferatus, sed peculiare jus Palatinatui ad Rhenum perpetuo annexum. Prout etiam Saxo, non qua Elector, sed qua Palatinus Saxonix, Vicarii munere gaudeat. Enimvero cum non pauci in Bavarum favore propenderent, cæteri eundem aperte offendere nollent; neque Principibus mos sit, facile de injuria sua confiteri, lis indecisa huc usque permanfit.

IX. Imperatori quandoque extra ordinem adjungitur Rex Ro-

manorum, verbo quidem, ut tanquam generalis ipsius Vicarius, eodem absente aut impedito, Rempubl. moderetur, & defuncto demum sine ulteriori electione succedat; Verum necessitatem aut utilitatem Reipubl. semper prætextui sumi, tralatitium est. Genuina causa fuit, saltem circa plerosque, ut se vivis filios, fratres, proximove agnatos facilius negotio ad Imperium proveherent, prensante eo, penes quem summa rerum. Et arctioribus possunt legibus adstringi, qui vacante folio libere adsciscuntur.

## CAPUT V.

De Potestate Imperatoris,  
limitata per Capitula-  
tionem, Leges atque  
Consuetudines Impe-  
rii, & Jura Ordinum.

- |  |  |
|--|--|
| <p>I. Capitulationes quo tempore &amp; quâ de causa condi cœperint.</p>  | <p>V. Jus constituendi Magistratus in Imperio, penes quem sit.</p>   |
| <p>II. Jus præscribendi Capitulationem an solis Electoribus competat; &amp; quid inde à pace Westphalica eâ de re disceptatum sit.</p> | <p>VI Dignationem Principis alicui adimere; aut quempiam Ordinum ex ditionibus suis expellers quis possit.</p> |
| <p>III. Quanam utilitas ex hoc instituto commendandarum Capitulationum in Imperium redundet.</p>                                       | <p>VII. De Jure Imperatoris in bona Statuum.</p>   |
| <p>IV. De effectu Capitulationum, &amp; an ea summa potestati Imperatoris derogent, nec ne,</p>  | <p>VIII. Jus Belli &amp; Pacis in Imperio quomodo se habeat.</p>   |
|  | <p>IX. Indoles juris circa sacra in Imperio quomodo mutari cœperit à tempore Reformata Religio- nis.</p>       |

- X. Qualiter circa bona Ecclesiastica litigatum sit, donec Pax Religiosa condere-  
tur.
- XI. De clausula Pacis Religiosa, quam Re-  
servatum Ecclesia-  
sticum appellant.
- XII. De dissidiis ex Pa-  
ce Religiosa ortis,  
& qua ratione per  
Pacem Westphali-  
cam eadem sint  
composita.
- XIII. De potestate le-  
gislatoria, & quali  
jure Germania olim  
atq; hodie sit usa.
- XIV. Judiciorum Ger-  
mania ratio qua  
sub Carolo M. obti-  
nuerit.
- XV. Quomodo successu  
temporum mutata  
sit, tum circa can-  
sas Regias atq; Prin-  
cipum.
- XVI. Tum circa causas  
Clericorum.
- XVII. Ac denique ple-  
beiorum,
- XVIII. Moderna Ger-  
mania iudicia qua-  
modo se habeant, &  
quam ejus sum-  
ma Tribunalia.
- XIX. De Austrega-  
rum origine, disse-  
rentia, potestate.
- XX. De Camera Impe-  
rialis Spirensis ori-  
gine & constitu-  
tione, personis, or-  
dinatione, defecti-  
bus.
- XXI. Judicij Aulici  
quam sit condi-  
tio.
- XXII. Quomodo circa  
executionem sen-  
tentiarum in sum-  
mis hisce Tribunali-  
bus dictarum pro-  
cedatur.
- XXIII. Comitata Uni-  
versalia à quo &  
quomodo indicen-  
tur.
- XXIV. De Tempore &  
loco Comitiorum.
- XXV. Quinam ad Co-  
mitia vocentur.
- XXVI. Quomodo in  
Comitiis deliberan-  
da & constituenda  
expediantur.
- XXVII. De Reserva-  
tis

*tis Imperatoris.*

XXIIX. Concluditur

*& indicatur, quid-**nam Ordinibus ad  
summum Imperium  
desit.*

**Q**ua occasione Proceres Ger-  
maniae enormia incrementa,  
& ad leges Monarchiae haut quid-  
quam quadrantia ceperint, jam  
supra traditum fuit. Nec minus  
quod, libera Regum electione ad  
iplos devoluta, opes semel partas  
omnino conservare iisdem cordi  
fuerit. Quo ipso Regibus ad em-  
ptum de summa rerum pro lubi-  
tu disponere; sed necessitas im-  
posita circa praecipua negotiorum  
consensum Procerum exquirere,  
& plura apud eosdem autoritate,  
quam Imperio moliri. Quin pro-  
babile est, juramento, quod ab  
omnibus fere Regibus Christia-  
nis praestari solenne habetur, ma-  
ture per Proceres Germaniae hanc  
quoque clausulam fuisse insertam,  
quod Rex velit jura omnium &

singulorum Germaniæ civium  
tueri, & laudabiles atque receptas  
in Imperio consuetudines obser-  
vare. An vero successu tempo-  
rum peculiare quædam leges ad-  
ditæ, & scripto quidem compre-  
hensæ, non satis liquet. Neque  
enim ante Carolum V. ejusmodi  
Capitulationis exemplar lucem  
adspexit; & si qua producuntur,  
sublestæ habentur fidei. Et quod  
in Aurea Bulla electus Imperator  
statim jubetur confirmare omnia  
jura, privilegia, & immunitates  
Principum Electorum per literas  
& sigilla, illud ad hos peculiariter  
videtur pertinere, adeoque diver-  
sum quid notare à Capitulatione,  
qua totius Imperii libertati pro-  
spicitur. Cur autem Carolus V.  
expressis istis, & prolixis legibus  
vellent adstringere Electores, in  
causa erat istius Principis poten-  
tia, ætas juvenilis, atque spiritus,  
quos

quos suum illud *plus ultra* satis arguebant; & ne patrimonii sui amplitudine abuteretur ad Germanos in ordinem redigendos; utque nosser, alio sibi modo gubernandam Germaniam, quam reliquas ditiones. Semel receptum institutum, etsi fortasse hæ rationes non æque urgerent, retinere visum, ne ampliora sibi indulta crederent successores.

II. Hæ porro Capitulationes hætenus à solis Electoribus Imperatori fuerunt præscriptæ, inconsultis reliquis Ordinibus. Quare tamen hi aliquoties sunt questi, & in ipsa Pace Westphalica mentio facta, ut proximis Comitibus deliberaretur de concipienda Capitulatione perpetua. Qua formula stylo Germanorum notatur, rem in infinitum iri extratum. Audiebam tamen, cum Ratisbonæ hærerem, jam istud se-

rio agitari, & non spernendam vim chartæ consumtam. Sed peritiores judicabant, non esse quod Electores sibi metuerent. Ex re Imperatoris esse, ut Electores cæteros Principes emineant. Hos enim, utpote paucos, facilius se sibi posse conciliare, quam universos Ordines; quibus vicissim aliquid abs se indulgeri æquum fuerit. Ex ipso Principum Senatu non valde adversari, qui familiis Electoralibus sint prognati. Reliquorum petita facile posse eludi. Nec congruere moribus Germaniæ, jure aliquem suo utcunque quæsito per vim aut coitionem exturbare. Addebant, utut non inique postulent reliqui Ordines, ut in Capitulatione æque sui, quam Electorum habeatur ratio; tamen vix concipi posse formulam, quæ deinceps non aliqua correctione opus sit habitura, mutata



tata temporum ratione. Et in prioribus Capitulationibus pleraque adparere adjecta, aut interpolata, prout ex usu præsentium temporum visum, & obstruendis rimis, per quas Cæsares elabi erant conati. Electores porro non difficiles futuros, ut admonitu reliquorum Ordinum Capitulationi inferant, quæ ipsorum libertati tuendæ videbuntur inservire. Denique valde absurdos esse, qui Electoribus vitio velint vertere, quod emolumentis suis plus quam cæterorum velificari sint visi; quasi isti soli communem hominum inclinationem teneantur exuere, quâ quilibet sibi proximus esse gaudet. Alii tamen susceptæ circa Capitulationem tractationis aliam suspicabantur causam: Cæsarem nimirum de cætero à Comitibus abhorrentem, ut Ordines convocaret, per bellum Turcicum

cum fuisse motum, quod speraret, eo prætextu magnam se pecuniæ vim ab Ordinibus obtenturum. Sed istos loco pecuniæ milites obtulisse. Id cum Consiliariis Cæsaris parum videretur quæstuosum, pacem destinato citius cum Turcis coivisse. Nunc hæsitare ipsos, qualis Recessus Imperii sit conscribendus. Nam materiam de conferendis auxiliis ad bellum Turcicum, quæ in compluribus antiquis utramque paginam facit, jam periisse. Et tamen curiosos homines scire velle, quidnam tanta multitudo Legatorum per tot annos egerit, & cui bono horis quidem antemeridianis vinum Hispanicum, pomeridianis vero Rhenanum aut Mosellanium fuerit bibitum. Objectam igitur illis esse materiam inextricabilem, ut, cum circa eandem diu incassum laborarint, demum liquido possint

possint jurare, se otiosos non fuisse; simulque repetitionem vanorum litigiorum cum rejectione decisionis eorundem ad alia Comitia, posse quaecumque instar Recessus Imperii præbere.

III. Quicquid tamen hujus sit, saluberrimo videtur more introductum, potestatis Imperatoris leges expresso & distincto scripto comprehendendi. Nam omnino ad existimationem Ordinum facit, ut, cum imperari sibi ad modum cæterorum Monarchis subiectorum non patiantur, non credantur ex contumacia, aut per meram usurpationem id facere, sed quia in tales leges Imperatorem adsciverunt. Eorundem quoque libertati consulitur, præfixis terminis, quos Cæsari transilire nefas. Præscinditur quoque hoc modo Cæsari querelarum causa, quod non ad reliquorum exemplar Monarcharum

charum uti possit iis, qui se ipsi  
 subjectissimos multo cum verbo-  
 rum honore vocant. Nam ab ini-  
 tio Capitulationis profitetur, sese  
 in has leges Imperium suscepisse,  
 inque easdem cum Electoribus  
 pro se & reliquis Ordinibus per  
 modum pacti convenisse. Atqui  
 si istæ conditiones displicebant,  
 licebat dignitatem illam recusare,  
 aut Electoribus ostendere, dictas  
 leges iniqui aliquid aut absurdi  
 continere; qui talia sine dubio  
 lubenter correcturi erant. Ubi  
 semel limitatam potestatem acce-  
 ptare placuit, Imperatori nefas,  
 plenam & Regiam potestatem in  
 Ordines affectare; aut si tale quid  
 ausus fuerit, his impune non pa-  
 rere licebit. Nam quin Regia po-  
 testas certis includi limitibus que-  
 at, cordatiores Germani non du-  
 bitant. Imo & dari potestatem,  
 quæ capiti corporis alicujus fœ-  
 derato-

deratorum comperat, quæque specie à regio & pleno imperio differat, acutiores Politici puto non negabunt.

IV. Cæterum in plerisque Germanicis scriptoribus, quando de Capitulatione agunt, observare licet foedam adulandi libidinem, aut insignem doctrinæ civilis inscitiam. Imprudenter non nemo asserere ausus est, per Capitulationem potestati Imperatoriæ terminos non poni, sed id tantum agi, ne Imperii vires per alienationes, oppignorationes, & similia flaccescant. Plerique agnoscunt per eandem certis quidem limitibus circumscribi potestatem Imperatoriam, adeoque absolutam esse desinere, non tamen summam; seu, uti quidam loqui amant, eandem plenitudini potestatis aliquid detrahere, non tamen summitati. Quod uti sequenti Capite curatius

rius erit examinandum, ita illud heic obiter duntaxat monendum, fallicos, qui putant, controversiam hanc solide expediri distinctione prolata inter leges, quæ obligant ex præscripto superioris, & quæ ob placiti fidem & ex conventionione stringunt. Ad quod posterius genus Capitulationem referunt. Nam ex eo tantum probatur, Imperatorem non esse subiectum Ordinibus; non autem, ipsum in eisdem obtinere imperium proprie dictum. Ut enim aliquis summum obtineat imperium, non sufficit, superiorem non habere; sed requiritur, ut iussibus ipsius citra tergiversationem aut provocationem cæteri teneantur obedire. Multo minus sufficit, ut quis sit summus in ordine ad suam Rempublicam. Quasi vero in nostra Republica Dux Venetus non foret summus, cui tamen ne-

mo

mo summum imperium tribuere  
 ausus est. Nam præterquam quod  
 & in Republ. Optimatum & in  
 Democratiis dentur Principes  
 proprie dicti, quos recte Summos  
 in sua Republ. vocaveris; etiam  
 in systematibus sociorum dari  
 potest aliquis eminentior, & cui  
 communis cura rei peculiariter  
 sit commissa, qui in isto quidem  
 corpore rectè Summus & Caput  
 audiat, ut ut imperio proprie dicto  
 in socios destituatur, seu iisdem  
 ad modum subditorum uti ne-  
 queat. Verum satius opinor fue-  
 rit, in rem velut præsentem venire,  
 & sigillatim considerare, quid-  
 nam circa summi imperii partes  
 Imperatori liceat. Niquis enim  
 ista norit, ineptè ac temerè de  
 Germanorum Republ. judicare  
 instituit. Erit autem nobis heic  
 sequendus ordo, magis qui ge-  
 nio ejus Imperii, quam regu-  
 lis

lis scientiæ civilis examumssim congruat.

V. Initium ergo capiemus à constitutione Magistratum, quæ in qualibet civitate est penes summum imperium. In quod si ultimo demum redundare debet imputatio eorum, quæ ab istis recte aut secus gesta fuerunt, necessum est, ut summo imperio competat facultas eorundem gesta examinandi, & si quid deliquerint, officio eosdem dejiciendi, aut alio modo plectendi. Isthæc potestas quin Cæsari in ditionibus suis hæreditariis illibata competat, dubium non est. Sed de reliquo Imperio controvertitur. Equidem ab initio Duces Comitesque Germaniæ Magistratus proprie dictos fuisse, supra asseruimus. Id hodie vocabulum pro summa injuria iidem accipient. Nec ullus Principum Germaniæ concedet, quod Cæsar



Cæsar per ipsum ditioni suæ sub-  
 jectum populum gubernet, aut  
 quod ipsius subditi Cæsaris sint,  
 saltem hætenus, ut plus Cæsare in  
 ipsos juris, quam sibi competere  
 agnoscant; ut ut multo cum ver-  
 borum honore de humilimo ad-  
 versus eundem obsequio subinde  
 restentur. Et licet hæreditarium  
 in Regno Magistratum existere  
 non repugnet: saluum tamen, ut  
 in ministrum suum, summo im-  
 perio semper jus manebit. Ex iis,  
 quæ subjiciemus, res tota fiet cla-  
 rior. Potest igitur Imperator con-  
 ferre alicui titulum S. R. Imperii  
 Principis, aut Comitis, verum  
 jus suffragii ferendi in Comitibus  
 dare non potest citra reliquorum  
 Ordinum consensum. *conf. artic.*  
*44. Capitul. Leopoldina.* Et cum  
 frustra Principum titulo super-  
 biant, quibus ditiones sustinendo  
 ejus dignitatis splendori defunt,

ne novitios istos per feuda vacantia locupletare queat Cæsar, *art. 30. cap. Leopold.* cautum est. Ubi talia bona in patrimonium Imperii jubentur redigi. *add. art. 29. capit. Leopold.* Ejus constitutionis duplex potissimum ratio, tum ne omnia feuda vacantia per domum Austriacam absorbeantur, quæ, relicta facultate ista denuo in alios conferendi, sui aut sibi obnoxiorum haut videbatur oblitura: tum ut tandem aliquando præter titulum tribuere quid possit Germania suo Cæsari, ex quo tanti fastigii sumtus toleret; ne in electione opum eligendi potissima sit habenda ratio. Ex propriis autem ditionibus recens creato Principi dignum isto titulo patrimonium assignare, & ad conditionem cæterorum Germaniæ Principatuum idem provehere, supra mensuram puto sobriæ libera-

liberalitatis fuerit. Extraneum,  
 ac abs nemine superiore penden-  
 tem Principem in reliquorum  
 Germaniæ Principum ordinem  
 adsciscere Imperatori fors conces-  
 sum. Sed si vel maxime alicui  
 conditionem suam deteriore  
 facere in mentem veniret, quem  
 locum iste in Comitibus occupa-  
 bit? Nam & hunc ultimi subsellii  
 pudebit, & antiqui Germaniæ  
 Principes, nisi Regi, haut quid-  
 quam loco cesserint. Circa urbes  
 extraneas in censum Imperialium  
 Germaniæ urbium recipiendas  
 minor videtur difficultas futura.  
 Nam nec ista tanta ambitio, uti  
 Principes, titillat; & facili nego-  
 tio obtineri posset à Buchhornio,  
 similisque splendoris oppido, ut  
 præfracta loci sui defensione Im-  
 perii Germanici incrementa ne  
 impediret. Sed ut libera urbs Ger-  
 manis sese velit adungere, vix vi-

detur prius eventurum, quam una aut altera vicinarum Rerum publ. dissolvatur. Ex urbibus autem Germaniæ, quæ jam alicui Ordinum subsunt, nullam in conditionem civitatum Imperialium Cæsari conceditur evehere.

VI. Multo minus autem in arbitrio Imperatoris solius est, alicui dignationem Principis adimere, aut quempiam Ordinum suis ditionibus expellere, ne quidem ob crimen aliquod in Rempubl. admissum; sed in notorio etiam facto saltem Electorum consensu opus habet, priusquam proscriptionem delinquenti intenter. *vid. art. 28. capitul. Leopold.* Scilicet cavere placuit, ne, qui fors in rem privatam Imperatoris quid deliquisset, tanquam hostis Reip. statim plecteretur. Imo & circa eundem articul. 28. dum capitulatio Francofurti concipitur, quidam

dam Ordinum non imprudenter monebant, ut expresse infereretur, executionem sententiæ in proscriptos debere fieri ex legibus receptis per membra Circuli, in quo isti sunt siti. Nam si Cæsar ipse sententiam exequeretur, fieri poterat, ut proscriptorum ditio- nes ad se traheret sub prætextu sumtuum in eam rem factorum. Et fortasse jucundum erat futu- rum, tam atroces ferre sententias, si istæ in emolumentum judicis cederent. De cætero, Imperatori parum curæ est, quomodo quisq; Ordinum suos subjectos tractet; & tondeat an deglubat suas ovi- culas. Nam inter præcipua, quæ ipse jurato promittit, est, quod cuique Ordinum sua jura ac privi- legia velit conservare, atque in co- rundem exercitio neminem tur- bare. Atqui hoc jure cum primis sese efferunt Ordines Germaniæ,

quod sibi subditos vel proprio ex arbitrio, vel prout cum ipsis pacti sunt, possint regere. *vid. art. 3. 7. 8. 9. capitul. Leopold.* Paucissima quoque sunt, quæ Imperator subiectis Ordinum immediate possit imperare. Imo ne id quidem plerique concedere volunt, ut evocare eosdem queat testimonii aut litis causa, absque omni subsidio juris, in citationibus, quas suo nomine emittit. Præmiis tamen & privilegiis subiectos Ordinum afficere non prohibetur Imperator; ita tamen, ut juri Ordinum in eosdem nihil detrahatur. Etsi fere intra titulos Cæsarea liberalitas adversus istos subsistat.

VII. Videamus porro, quidnam juris sit Imperatori in bona Statuum, quatenus ex illis sunt contribuenda, quibus Resp. pacis bellicque tempore sumtus tolerat. Quantum mihi constat, omnia vectiga-

vectigalia extra ditiones Impera-  
 toris, si paucissima excipias loca,  
 ad Ordines spectant; qui, ne ea-  
 dem supra modum intendendo  
 commercia pessundent, Impera-  
 tor se prohibiturum promisit. *art.*  
*21. 22. 23. capitul. Leopold.* Neque  
 nova ipsi vectigalia in ditionibus  
 Ordinum instituere concessum.  
 Si quæ alia ad Imperatorem ex Im-  
 perio redeunt, magni adeo non  
 sunt momenti, aut ministris Can-  
 cellariæ cedunt, quibus in primis  
 renovatio feudorum quæstiosa  
 est. *vid. art. 17. capit. Leopold.* Tri-  
 buta ab Imperatore indici, Germa-  
 nis auribus inauditum. Nec statim  
 quid ad necessitates Reipubl. ab  
 Ordinibus conferri suevit, nisi  
 quod sustentandæ Cameræ Spi-  
 rensi destinatur: quanquam &  
 modicum istud sat tædiose à mul-  
 tis solvitur. Quondam etiam,  
 Imperatore ad coronam Romæ

petendam proficiscente, ab Ordinibus armanda & alenda erant IV. equitum & XX. peditum milia. Verum cum expeditiones illæ Romanæ dudum fieri desierint, descriptiones eam ob causam conceptæ huic fini inserviunt, ut, si fors extra ordinem quid conferendum sit, ratæ partes singulorum Ordinum statim sciantur. Etsi & in istis super inæquali distributione à multis querelæ moveantur, quorundam opibus lapsu temporum attenuatis, aliorum auctis. In Turcicum bellum Germanis maxima vis auri infumta, cujus terror hætenus simplici plebeculæ alvum æq; ac crumenam solvere suevit. Sed ne heic quidem pro imperio aliquid ab Ordinibus exactum. In Comitibus aut per circummissos Legatos omnia impetrata, eo facilius, quod nonnullis Principibus ea res in quæstum



stum vertit, dum particulam aliquam istius tributi extra ordinem paulo laxius impositi sibi decerpere.

IIIX. Arbitrium belli & pacis jam sat arctis inclusum legibus intelligitur, amoto rerum gerendarum nervo. Equidem possunt Austriacorum ditiones hereditariæ validum alere exercitum. Sed & easdem valde exhaustum iri, si solis onus incumbat, in aprico est. Nî ergo Ordines tam in bellum, quam in sumtus ad id conferendos consenserint, non est, quod auxilii quidpiam ab iisdem sibi polliceatur Cæsar. Cæterum uti non omnino ipsum destituere solent, si ab aliis invadatur; ita ultro alios armis petenti nemo temere adstistit, nisi peculiares ipsi cum Domo Austriaca rationes intercedant. Quin potius ex re Ordinum est, impedire, ne iste bellum  
alteri

alteri inferat, non solum, quia illa occasione tota Germania turbis involvi potest; sed etiam, quia ipsa Cæsaris victoria illis parum læta est futura, gliscente nimium ejusdem potentia, quam libertati suæ prægravem fore, non injuria metuunt. *vid. art. 13. 14. & 16. capitul. Leopold.* Quomodo itidem Cæsaris potestas circa foedera ineunda sit restricta, docet *art. 10.* ejusdem capitulationis. Ubi non injuria mirari subit, quare Imperatori quidem interdicitur bellum alicui facere quocunque prætextu, aut foedera cum exteris inire, citra consensum saltem Electorum: cum tamen nuperrime ad nos nunciatum sit, complures Electores Principesque, coitione facta, tractoq; in partes rapacissimorum prædonum globo, Electoris Palatini ditiones invasisse, obtentu quorundam hujus juri-

um,

um, quæ parum grata sibi fremunt. Et solo isthoc belli auspicio fuisse contentos, ut Cæsari obiter & non citra ferocim per literas significarent, quidnam sibi destinatum foret. Alium item Episcopum vicinis sibi Belgis, seipso autore, arma intulisse, quibus non difficulter magna Germaniæ pars posset involvi. Et hæc omnia patrata, durantibus & otiose inspectantibus Imperii Comitibus. Nam illud jamdudum in consuetudinem abiit, ut quidam Principum fœdere cum Suedis Gallisque implicentur; qui tamen ex longo tempore hostes sese aut æmulos Domus Austriacæ tulerunt.

IX. Videamus quid Imperatori circa sacra potestatis competat. Nam ut de hac quoque sit heic agendum, novæ Theologiæ additi Politici faciunt, qui in partem  
 istius

istius potestatis civile imperium  
 vocare non dubitant; cum apud  
 Catholicos constantissima fides  
 sit, Sacerdotum opibus cumprimis  
 noxium, si circa divina alius  
 præter ipsos ullam disponendi facultatem  
 sibi vindicet; sique Laici sola  
 defensionis & locupletati cleri  
 gloria contenti esse nolint. Cum  
 igitur ante per Germaniam soli ritus  
 Catholici vigerent, nisi quod  
 in Bohemia Joannes Hussus non  
 paucos haberet discipulos, & Judæi  
 passim tolerarentur; per Martinum  
 Lutherum magna clades rebus  
 Pontificis præter opinionem illata est;  
 & ex levibus causis exorta rixa  
 magnam Germaniæ partem ab obsequio  
 sedis Romanæ avertit. Si verum dicere  
 fas est, ut exigua scintilla in tantum  
 incendium erumperet, causam præbuit  
 tum inscitia eorum, qui primi sese  
 Luthero opposuerunt,

tum

tum Leonis X. inconsulta præcipitania. Scilicet miselli quidam fraterculi inter se rixabantur, quorum alteri pietas magis, cæteris quæstus Sacerdotum cordi videbatur. Utrisque ab initio sancta habebatur autoritas Pontificis. Hæc prudentis fuerat iudicis, utrique se parti æquum præbere, aut utrique parti mature silentium imponere, ne apud vulgus ea merx suspecta fieri inciperet. Saltem non ita aperte in partes institutorum erat descendendum, ne summo pastori lucrum magis, quam salus animarum curæ crederetur, aut quasi iste mallet peccata redimi, quam prohibere. Et præbatur occasio suspicandi hominibus parum devotis, quasi eadem cum medicis & chirurgis agerent vota Sacerdotes, queis morbi ac vulnera hominum emolumento cedunt; quousque adeo  
iisdem

iisdem bona fide indolescere ne-  
 mini persuadetur. Quod si au-  
 tem stultum & sacrilegum erat,  
 sententiam ferre in detrimentum  
 Ecclesiæ vergentem; debebant  
 hominem præfervidi ingenii do-  
 nis aut per promissa delinire, ne  
 faciem iste laicis præferret ad excu-  
 tiendum Sacerdotum jugum. Et  
 cum plurimi per ambitum aut lar-  
 gitiones ad dignitates Ecclesiasti-  
 cas adspiraverint, tanti puto fue-  
 rat, monachum purpura involve-  
 re, ne tam male de Ecclesia Ro-  
 mana mereretur. Enimvero cum  
 Martinus ille deprehenderet, Sa-  
 cerdotum apud tribunal nihil æ-  
 qui sese obtenturum, Laicorum  
 captare favorem instituit. Exinde  
 Papam, qui aperte litem jam suam  
 fecerat, pro judice recusavit agno-  
 scere: Et ne Patronis destituere-  
 tur, docere cœpit, ad Principes  
 seculares, aut qui his similem  
 gerunt

gerunt potestatem, spectare curam Ecclesiæ, cumq; videant, per bona à majoribus ad pios usus destinata Clericorum ignaviam & luxuriam ali, fas esse, otiosa pecora sagina sua excuti. Idà multis avide arreptum, partim quod pleraque à veritate non aliena dici viderentur, partim quod redditibus suis opimam inde alluvionem sperarent. Increbuerat quoque rumor, ab nostratibus simplices Germanos illudi, dum pecunia ex peccatis ipsorum redacta aleæ, luxuriæ, aut ad satiandam Papalium neptium avaritiam infumitur. Redibat quoque in memoriam dictum Martini V. pastore animarum oppido quàm dignum; sibi esse in votis, ut ciconia fiat, dummodo Germani in ranas verterentur. Et qui antehactam mascole Romanorum arma repulerant, ingemiscebant, sese obtentu religionis

nis ab imbelli hominum genere tantum non ad fœnum edendum compelli. Sed & nescio quid momenti attulerat restauratus tunc bonarum literarum cultus, quod nova isthæc disciplina tanto cum applausu reciperetur. Habent enim id homines eruditi, ut non facile adduci queant ad credenda illa, quæ à ratione videntur ad-horrere.

X. Isthæc occasione magna pars rituum, & si quæ dogmata novis doctoribus superflua aut falsa judicabantur, apud multos Germaniæ populos eliminata; simul Clerici passim bonis sacris evoluti. Super istis bonis cum occupatoribus apud Cameram plurimæ lites intenderentur, & vero hæc in clericos videretur pronior, novæ religioni addicti, quos Protestantes vocari mos invaluit, jurisdictionem Cameræ  
saltem



saltem hac in parte detrectabant agnoscere. Et si enim aliàs ante omnia leges jubeant spoliatos restituí; non sine ratione tamen tergiversabantur Protestantes, causati, prius generali concilio, eoque legitimo, aut alio conventu publico definiendum, ejectos clericos veram fovere religionem. Ni hoc probatum fuerit, id quod ipsis sit persuasum, impudenter ipsos petere fruitionem bonorum, quæ à majoribus vero cultui divino sint consecrata. Enimvero cum solis rationibus & protestationibus parum sese tutos crederent, plerique eorundem fœdere, quod Smalkaldium vocant, junguntur, ad repellendam vim ex causa religionis mutatæ intentatam. Ad arma inde procursum, quæ cum infelicitè cessissent Protestantibus, captis Electore Saxone & Landgravio Hassiæ, re-

ligio quoq; ipsorum non parum videbatur nutare. Donec Mauricii Saxonis armis restituta horum potentia Transactio Passavii iniretur, cujus capita passim apud autores historiæ Germanicæ invenire licet. Post vero in Comitibus Augustanis Anno 1555. habitis religioni Protestantium amplissime fuit cautum, per modum publicæ legis sancita Pace, quam vocant, Religiosa. Ibi præcipue conventum, ne partes se invicem obtentu religionis invadant, lædant, aut ad eandem ejurandam vi adigant. Si quæ bona Ecclesiastica, quæ ad Statum aliquem immediatum non pertinuerunt, ab Ordinibus secularibus fuerint occupata, modo clerici tempore Transactionis Passaviensis, aut interea, ista non possederint, possessoribus relinquuntur, neque propter hæc Camera in occupatores jus dicat.

Juris-

Jurisdic<sup>ti</sup>o Ecclesiastica in focios Augustanæ Confessionis suspendatur, & ipsis circa sacra sua disponendi sit facultas. Ne quis alterius subditos in suam religionem pertrahat, eorumq; defensionem obtentu religionis suscipiat. Subditis tamen, qui ceremoniis sunt addicti à superiori suo diversis, detur facultas sua bona vendendi, & alio migrandi. Si dissidium religionis per licita media non componatur, pax ista in perpetuum duret.

XI. Acerrime autem disceptatum fuit super concedenda clericis Catholicis licentia amplectendi religionem Augustanam, ita ut cum dignitate simul retinere daretur ditiones sacras. Id quod Protestantes obnixè urgebant, in magnam suæ religionis redundare infamiam, si suscepta ejus professione dignitate bonisque

fit cedendum. Multis hac via ad puriorem doctrinam aditum obstrui. Sibi hautquidquam in animo esse, ditiones sacras in profanos usus convertere, aut Capitulis liberam electionem adimere. Verum cum isthac licentia jugulum religionis Catholicæ per Germaniam peti satis adpareret, non minus præfractæ Catholici Status istis sese opposuerunt, & favente ipsis Ferdinando obtinuerunt, ut hæc clausula paci religiosæ insereretur: si Clericus ad Protestantium religionem transeat, beneficia quæ habuit Ecclesiastica perdat, salva tamen existimatione. Et si tunc & aliquoties postea, cum primis in causa Colonienfi, de ista clausula questi sint Protestantes, neque ea sese teneri asseruerint.

XII. Enimvero isthæc pax omnia discordiarum semina, ex diversitate religionis oborta, tollere haut-

hautquidquam potuit. Nam & inter ipsos novæ religioni addictos in partes discessum, quod plerique quidém verbis Augustanæ confessionis simpliciter inhærerent, alii limatius quædam dogmata proponenda censerent. Et quanquam cordatioribus videretur, rem tanti non esse, ut propterea in bella velut civilia iretur; tamen animi invicem non mediocriter exacerbati fuerunt intemperie concionatorum, & artificio Catholicorum, quibus dissensio adversariorum multum ad victoriam profutura erat. Cumque à pace religiosa exclusi essent, qui neque Catholicam, neque Augustanam fidem sectarentur; callide laborabant Catholici, ut ad illos, qui politius sese credere arbitrabantur, Augustana confessio nihil spectare à reliquis, eidem simplicius addictis, judicaretur.

Quanquam autem hi non semel publice testarentur, illos ob dissensum non capitalem à pace sacra hautquidquam sequestrandos; effecit tamen Sacerdotum fervor, ut utrique seorsim suas rationes habere inciperent, parciusque in commune consulerent: imo cum una pars à Catholicis premeretur, aliorum nonnulli tacite spectarent eos pereuntes, aut auxilia quoq; in eosdem submitterent. Extitere deinceps aliæ dissidiorum causæ; & demum in Bohemia incendium exortum, quo mox universa Germania fuit involuta. Eo in bello cum fortuna ab initio Cæsari supra votum arrisisset, isque magnam Germaniæ partem jam armis oppressam teneret, anno demum hujus seculi xxix. Edictum promulgat super restituendis bonis Ecclesiasticis, quæ post transactionem Passaviensem

sem

sem à secularibus essent occupata. Edicti arcana ratio hæc erat, ut Cæsar sibi conciliaret Sacerdotes, reliquosque Ordines Catholicos, & iisdem persuaderet, quæ moliretur in gratiam religionis suscipi, non ad opprimenda Ordinum iura. Quod si autem hisce auxiliantibus, aut saltem non reluctantibus, Protestantes subegisset, in proclivi deinceps erat, reliquos etiam ad nutus suos componere. Sed quomodo ea destinata eventus destituerit, notissimum est. Demum in pace Osnabrugensi prolixè super negotio religionis fuit cautum articulo V. ubi transactio Passaviensis & pax religiosa de novo confirmata: & expresse eandem ad Reformatos aut Calvinianos, uti vocant, pertinere declaratum. Additum, quæ post Kalendas Januarias anni 1624. in Ecclesiasticis, & eorum intuitu in Poli-

tibus mutata, in eum statum reponantur, quo dicto tempore fuerunt; adeoque bona sacra, quæ tunc à Catholicis tenebantur, & interim abs Protestantibus occupata fuerint, istis restituantur, & vice versa. Bona sacra mediata, quæ Protestantes dicto tempore possederunt, in perpetuum retineant. Jus religionem mutandi, quod antea Ordinibus libere videbatur competere, ita constringatur, ut subditi Ordinum Catholicorum Augustanæ Confessioni addicti, qui anno 1624. exercitium suæ religionis habuerunt, id retineant; in eodem turbati restituantur: qui illud dicto anno non habuerunt, libertate conscientiae gaudeant, cultum tamen suum exerceant tantum intra privatos parietes, aut in vicinis locis. Quod si tamen à Domino territorii migrare sint iussi, liberum sit bona



bona vendere, aut per ministros eadem administrare. Nonnulla quoque Cæsar suis subditis in gratiam Principum Protestantium indulgit. Cautum præterea, ut, si deinceps Principum aliquis religionem mutarit, id ei sit impune, suæque religionis Sacerdotes in aula secum queat habere: subditos tamen ad suam religionem vi non adigat, sed in hæcenus recepta relinquat. Etsi & hisce licitum est, ultro Domini sui sacra amplecti. Observandum præterea, libertatem illam religionis esse sancitam per modum pacti, æquales inter initi, & in quo ipse Cæsar alterius partis est accessio; adeoque neque Cæsari, neque reliquis Ordinibus Catholicis, utut forte numero superantibus, aliquid hic immutare licet. Sed & illud manifestum est, Ordinum Protestantium meliorem hæc conditionem

nem esse, quam Catholicorum; cum hi à Pontifice debeant, illi de suis sacris proprio jure disponant, si tamen ulla sacrorum cura ad imperium civile per decreta religionis Christianæ spectare potest: saltem Sacerdotum auctoritatem hoc modo in angustum redigi, in aprico est. *add. art. 1. & 19. capitul. Leopold.*

XIII. Ad potestatem legislativam pergimus. Ea cui competat, planius adparebit, si intelligamus, quali jure & unde introducto Germania utatur. Ubi facem nobis prætulit *Hermannus Conringius* erudito tractatu *de Origine Juris Germanici*, quem heic fere sequimur. Operosus autem est laudatus *Conringius* circa refellendam communem opinionem, quasi jussu Lotharii Saxonis circa A. C. 1130. in scholas pariter & fora Jus Romanum sit receptum; ostenditque

ditque, ad seculum usque tertium  
decimum judicia Germaniæ non  
tam ex jure scripto, quam ex rece-  
ptis moribus, aut ex æquo & bo-  
no sententias pronunciassent; ju-  
dicesque ad privatas causas lectos  
non doctrina præstantes, sed quos  
senilis prudentia, pietas & justitia  
commendabat, plerisque tunc è  
populo laico legendi scribendiq;  
imperitis. Seculo porro tertio  
decimo Jus Canonicum paulatim  
in Germaniam irrepsit, neque so-  
lum ea inde peti cœpta, quæ ad  
causas sacras faciunt, sed & pro-  
cessus causarum civilium ad idem  
institutus. Etsi multi antiquis  
suis consuetudinibus mordicus  
inhæserint. Circa eadem quoque  
tempora antiquæ consuetudines  
in scripta relatæ; quas inter præ-  
cipue celebrantur leges Lubecen-  
sium, & jus Magdeburgicum,  
quod Teutonica lingua Weich-  
bild

bild vocant. Item Speculum juris  
 Saxonici, & Suevici, ut & jus feu-  
 dale Saxonicum, & Suevicum.  
 Atque his fere juribus usa est Ger-  
 mania per seculum decimum ter-  
 tium & quartum. Seculo de-  
 cimum decimo jus Roma-  
 num, nec minus jus feudale Lon-  
 gobardicum sensim invaluit, pe-  
 ritis ejus juris in consilia Princi-  
 pum adscitis, queis artificium  
 suum omnibus modis fovere cor-  
 di fuit; idemque passim per Acade-  
 mias Germaniæ doceri coeptum,  
 ad exemplum, uti adparet, scho-  
 larum nostratum, quas, uti vi-  
 detur, Germanis frequentasse glo-  
 riosum habebatur. Hinc qui in  
 scholis isti juri operam navassent,  
 cum tribunalibus admoverentur,  
 idem jus paulatim in forum rece-  
 perunt. Et anno 1495. à Maximi-  
 liano I. constitutum, ut in Came-  
 ra jus ex legibus Romanis dicere-  
 tur,

tur, salvis tamen receptis consuetudinibus, & particularibus statutis singulorum locorum. Ergo jus, quo Germania hodie utitur, est cinnus quasi quidam ex jure Romano, Canonico, antiquis consuetudinibus, & statutis singularum provinciarum atque urbium, fere inter se plurimum discrepantibus. Et id in tribunaliis regulariter observatur, ut, siquidem statutum aliquod provinciale aut municipale extet, id primo loco valeat; hoc deficiente, ad jus Romanum recurritur, in quantum id communiter receptum est. Habent autem hoc Ordines Imperii, ut in suis ditionibus circa causas civiles possint leges ferre, etiam à jure communi discrepantes; uti & alia statuta condere ad usus suos facientia, inconsulto quoque Imperatore; modo nihil contineant statui totius Imperii

Imperii adversum. Etsi multi jura sua Provincialia per Imperatorem rata haberi fecerint. Imo & circa criminalia leges condere possunt peculiares. Neque enim constitutio Carolina per omnia ubiq; observatur. Exercent etiam Ordines jus nocentibus veniam supplicii concedendi. Quod si novi quid statuendum sit, omnes obligaturum, id non nisi in Comitibus universorum consensu condi potest; nec minus Imperator, quam Ordines, eodem obstringuntur. *vid. art. 2. capitul. Leopold.*

XIV. Judiciorum per Germaniam diversis temporibus diversa fuit ratio. Circa quæ cum accuratissime sit traditum à laudato *Conringio*, tractatu *de Germanici Imperij Judiciis*, præcipua inde excerpta heic subijcere compendium laboris fuerit. Quid ergo sub  
Carolo

Carolo M. obtinuerit, prius videamus. Familiae regiae cum inter se, tum adversus alios controversiae in concilio Procerum & populi disceptabantur; nec minus causae Procerum, quae quidem magni forent momenti. Minores procerum lites per Regem, aut ipsius Missos, (ita enim tunc vocabantur, quos hodie Commissarios, aut Visitatores, vel Delegatos extraordinarios appellare possis) dirimebantur. Pro reliquorum controversiis erant in singulis pagis seu districtibus constituti à Rege Graviones sive Judices, stipati Scabinis sive Assessoribus, ex nobilitate aut honesta plebe selectis. Hi super civilibus & criminalibus actionibus cognoscebant. Graviones porro propter pagorum amplitudinem passim per vias sibi substitutos habebant vicarios, sive ipsorum lingua Scultes;

M

fios; à quibus tamen ad istos dabatur provocatio. Sacerdotes præterea in vitiosos Christianorum mores poenis canonicis animadvertabant. Episcopis in Clericos & Monachos jurisdictio. Ipsos Episcopos apud Metropolitanum, aut in Synodo deferri moris erat; etsi paulatim ad Pontificem Romanum ob istius sedis auctoritatem provocationes fieri coeptæ. Imo & Laicorum causæ promiscue ad Episcopos devolutæ, ab initio, uti videtur, ferè ex compromisso, propter sanctimoniam & integritatis opinionem. De bonis autem sacris judicium non erat penes Clericos, sed penes Advocatos sive Vice dominos, peculiariter à Regibus constitutos: adeoque Clericorum personæ judicio Cleri, bona eorundem judicio Advocatorum Laicorum suberant. Ab hisce iudiciis pro-



provocabatur tum ad Miffos Regios, qui certis temporibus Provincias circumibant, tum ad ipsum Regis palatium; ubi super provocatione cognoscebat ipse Rex, aut Comes Palatinus, cujus etiam erat, dirimere causas in ipsa Aula enatas. Provocare tamen non temere concessum, nisi ubi Graviones aut Miffi justitiam administrare detrectaverant. Omnia tamen brevissimo & planissimo processu, & per paucas audientias terminata. Sic ut in hac judiciorum forma nihil possis desiderare, nisi provocationes Clericorum ad Pontificem, sanctissimum quidem illum, sed tamen extra Germanorum Rempublicam constitutum.

XV. In hisce successu temporum pleraque mutata. Causas regias post Auream Bullam ad se solos fere revocarunt Electores.

M 2      Ponti-

Pontifex quoque in Cæsares co-  
 usque sibi potestatem sumsit, ut  
 ipsos excommunicare, & subje-  
 ctos ab obsequio liberos pronun-  
 ciare non dubitaverit; Imperato-  
 rem insuper vasallum, & Impe-  
 rium feudum suum jactans. Cir-  
 ca Principum causas illud ex an-  
 tiquo more mansit, quod istæ  
 nunquam solius Regis judicio  
 fuerint permixtæ, sed in conventu  
 Procerum decisæ, processu simpli-  
 ci ac brevi, & ex æquo & bono.  
 Et si quando intra proximum po-  
 tissimum seculum Imperatores si-  
 bi solis potestatem summere judi-  
 candi circa personas & feuda Prin-  
 cipum, animosiores Ordinum  
 constanter contradixerunt. Quin,  
 si alia deessent testimonia, uni-  
 versi structura Imperii satis arguit,  
 solius Cæsaris arbitrio tanti mo-  
 menti cognitiones relinqui non  
 posse. Sic ut adulationis mani-  
 festi

festi ſint, qui Germanis dictum  
das Fürſtenrecht, ſive Judicium  
Principum, inane figmentum vo-  
care ſunt auſi. Id tamen deinceps  
introducſtum, ut pleræque Princi-  
pum familiæ, quos & Urbes libe-  
ræ ſunt imitatae, judicia ſibi arbi-  
traria conſtituerint. Teutones  
ſua lingua Auſtrægas vocant; quo-  
rum origo probabiliter refertur ad  
extrema Friderici II. tempora &  
magnum illud Interregnum. Mar-  
tem quoq; ſæpenumero arbitrum  
ſumſere, quibus potentia magis  
ſua, quam cauſa, placuit. Id quo-  
que à recentiore tempore, quod  
non ipſi Cæſares ac Principes cau-  
ſarum cognitionem ſuſcepere, ſed  
eandem in Miniſtros ſuos rejicere  
ſoleant legum peritos. Quod non  
potuit non evenire, poſtquam  
pro ſimplicibus conſuetudinibus  
patriis intricatae leges Pontificiæ  
& Romanæ ſubierunt, quas Prin-  
M 3 cipibus

cipibus addiscere, summi instar supplicii futurum erat.

XVI. Circa Clericos illud mutatum, quod Episcoporum causæ personales paulatim omnes Romanam sint pertractæ, neglecta Metropolitanorum & Synodorum provincialium autoritate, sic ut Clericorum personæ omnes iudiciis secularium eximerentur. Id quod apud Protestantes mutatum Catholici adhuc retinent. Etsi Carolus V. & quidam alii, Pontifice inconsulto & ringente, circa Religionem nonnulla disposuerint, & in personas Clericorum manus injecerint. Tempore quoque Friderici II. & deinceps plerique Clerici liberam suorum bonorum administrationem, excussis Advocatis, sibi asseruerunt. Subsunt tamen Ecclesiastici Ordines Imperio ratione feudorum suorum & Regalium, quibus mul-  
tari

tari possunt, si in pacem publicam aliasque Imperii leges atrociter deliquerint. Monachi quoad personalia seculo Caroli Magni sub Episcoporum erant jurisdictione; cui deinceps antiqua quædam Monasteria exempta, & immediate Pontifici subiecta. Novi Ordines circa seculum decimum tertium & deinceps exorti, suis Provincialibus & Generalibus subiecti, unius Papæ supremam agnoscunt jurisdictionem, premeandæ, uti apparet, Veterum Episcoporum auctoritati. Bonorum administratio ab initio ut plurimum Advocatis commissa, à quibus successu temporis aliqua cœnobiaz exempta; plura in antiquo statu permansere. Pauca quoque ab oneribus publicis immunita facta.

XVII. Causæ plebejorum seculares jam tum seculo Caroli M. vel

M 4 coram

coram Episcopali audientia, quæ deinceps late pomœria protulit, vel in foro seculari agitabantur. Heic adeundi primum Scabini, qui antiquissimis temporibus per pagos atque vicos constituti. Ab his ad Graviones seu Comites ibatur, quorum potestatem pòst multi Duces & Episcopi invasere. A Comitibus dabatur provocatio ad Missos Regios, & demum ad ipsum Regem, qui in Aula ultimo lites decidebat. Enimvero cum seculo quinto decimo appellationes fieri cœpissent frequentissimæ ob introductas processus ambages, & per rabularum nequitiam, iis commodius excutiendis deliberatum fuit de amplissimo aliquo & statò Tribunali constituendo, quod demum Spiræ fixam sedem accepit. Sic ut illi causam dederit, non quod Aula Cæsaris fere ambulatoria foret, sed quod  
tanta

tantalitium moles separato in loco commodissime videretur expediri posse.

XIIIX. Moderna per Germaniam Judicia sic se habent. Privatus cum privato litigaturus, in prima instantia Prætorem adit ejus urbis aut vici, ubi degit, nisi alter privilegio sit munitus. Inde in omnibus, quos novi, Principatibus est superius aliquod Tribunal, toti provinciæ commune, (ipsi Curiam Aulicam aut Provincialem vocant,) ad quod ab istis provocatur. Pleræque tamen Urbes liberæ suam jurisdictionem unica instantia absolvunt. Communia toti Imperio Judicia sunt Camera Spirensis, & Curia Aulica Cæsarea. Verum gaudent quidam Ordines hoc jure, ne ipsorum subditi omnino ad ista suprema Tribunalia possint provocare; uti sunt Electores. Etsi circa Ecclesiasticos

M 5 quidam

quidam dubium voluerunt movere; magis tamen, an exerceant illud jus, quam an habeant. Item domus Austriaca, & Rex Suediæ ratione provinciarum Germanicarum : vid. *Instrumentum Pacis Westphalicæ. cap. X. §. 12.* qui Wismaricæ Tribunal erexit, in quo appellationes, alias Spiram aut in Curiam Aulicam devolvi solitæ, terminentur. *add. capitul. Leopold. art. 27. & 28.* Hoc tamen omnibus, quantum mihi constat, Ordinibus est commune, ut ab illis provocatio non sit, nisi litis æstimatio certam pecuniæ summam excedat; quæ summa tamen alibi major, alibi minor. Criminalem autem jurisdictionem non solum Ordines Imperii, sed etiam municipia quædam ac Nobiles plurimi citra provocationem exercent.

XIX. Quod si ipsis Ordinibus  
inter



inter se lis sit, plerique eorum in prima instantia adeunt arbitros si-  
 ve Austragas. Eorum aliqui con-  
 ventione certorum Ordinum pec-  
 culari constituti sunt, alii ex com-  
 muni dispositione legum publica-  
 rum dependent. Origo prima  
 eorundem in obscuro est. Vero  
 quam proxime videntur accede-  
 re, qui eosdem ad Friderici II.  
 tempora & Interregnum illud  
 magnum referunt, uti jamjam di-  
 ctum. Sic ergo istorum autor,  
 quod quidam volunt, non est Ma-  
 ximilianus I. etsi iste novam ipsis  
 formam dederit, quæ extat in Or-  
 dinatione Camerae anno 1495.  
 Wormatiæ conscripta. Ex variis,  
 qui ibidem recensentur, Austræ-  
 garum modis duo potissimum  
 frequentantur; ut vel reus tres de-  
 nominet Principes, aliosque Or-  
 dines, ex quibus unus ab actore  
 eligatur; vel ab Imperatore Com-  
 missarii,

missarii, unus pluresve impetrentur. Sunt tamen quædam causæ, quæ non ad Austrægas pertinent, sed statim ad Cameram aut Judicium Aulicum sunt deferendæ, quas passim in vulgaribus libellis enumerari videas. Comitantur autem Austrægas hæc incommoda, quod ab illis provocari queat ad Cameram & Judicium Aulicum, adeoque paucæ lites ibi finiantur; quodque multi sumtus requirantur, dum muneribus demulcendi, lauteq; tractandi Commissarii Principum arbitrorum. Accedit, quod semestres aut annum spatium sit præfinitum judicio Austrægarum, intra quod litem majoris momenti finire, portentum in Germania foret.

XX. Supremum Germaniæ Tribunal est Camera, cui Spira sedes fixa, quæ primum consensu Ordinum instituta à Maximiliano I.  
anno

anno 1495. Hæc etsi in decretis ac sententiis suis solius Imperatoris nomen præ se fert; rectius tamen illi, qui eandem non abs solo Imperatore, sed & ab universis Ordinibus dependere, eorumque autoritate jus dicere asserunt. Præsidem huic Judicio constituit Cæsar virum Principem, aut saltem Comitem vel Baronem. In Pacificatione Osnabrugensi conventum, ut deinceps sub primario illo Præside, quem Judicem Cameræ vocant, essent quatuor Præsides inferiores à Cæsare constituendi, & in universum L. Assessores, quorum XXVI. religioni Catholicæ, XXIV. religioni Protestantium forent addicti. Scilicet ut tolleretur Protestantibus materia querendi, quasi, prævalente numero Assessorum Catholicorum, ipsi justitiam experirentur minus faventem. Quanquam hodie ne dimidia

dia quidem pars istius numeri sit expleta, plerisque Principum tardis circa sufficiendos Assessores aut conferenda eorundem salaria; quod ipsorum aures imperiosas ejus Tribunalis sententias, ut ut raro ultra verba procedentes, ferre avertentur. Qui accuratam ejus Judicii formam cognoscere avet, ei omnino legenda est Ordinatio Cameræ, Recessibus Imperii inserta. Vulgo lites Spiræ dicuntur spirare, sed nunquam exspirare; cujus rei causa est tum immensæ ambages processus, tum causarum multitudo & paucitas Assessorum; sed in primis, quia deficit ut plurimum facultas exequendi sententias. Inde qui propriæ confidunt potentiæ, susque deque habent, quid Spirenses pronuncient. Et his ipsis tantum salis est, ut, quod superest autoritatis, non temere velint prodigere, sententias dicendo

do validioribus ludibrium debi-  
turas. Imbelles tamen muscas  
heic, ut & in aliis Tribunalibus, ir-  
retiri mos est. Circa defectus Ca-  
meræ emendandos multa sunt  
constituta in Recessu Imperii an-  
no 1654. A Camera non datur  
provocatio; sed si quis gravatum  
se putat, revisionem potest pete-  
re: quæ tamen, quantum mihi  
constat, alto adhuc somno com-  
posita quiescit.

XXI. Est quoque in Aula Cæsarea  
Judicium, quod pari se potestate  
cum Camera Spirensi fert, sic ut,  
quæ in illo moventur lites, ad  
hanc non possint trahi, & vice  
versa. Ejus leges primum Ferdi-  
nandus Cæsar promulgavit anno  
1549. auxit Maximilianus II. planè  
innovavit Matthias anno 1614. sed  
& quædam interpolata per Ferdi-  
nandum Tertium in Comitibus Ra-  
tisbonensibus anno 1654. vid. *In-  
strumen-*

*strumentum Pacis art. 5. §. 20. & art. 41. 42. 43. Capitul. Leopold.* Id Judicium à solo hæctenus Imperatore dependit, utut Moguntinus, tanquam Cancellarius Imperii, in eodem revisionis sibi jus afferat. Causam instituti ejus Judicii dividendo assequi, non ita arduum est. Scilicet ægre ferebant Austriaci, dum Spiræ super Adpellationibus aliisque gravissimis causis cognoscitur, ibique justitia imploratur, Aulam suam minus frequentari. Nam & in eo maxime resplendet imperantium majestas, quod ad illos confugiant, qui super jure suo consequendo aut repellenda injuria laborant : & cui justitiæ oracula interpretari datum, facile ab eadem Diva impetrabit, ut ne aliquid respondeat, quod commodis ipsius adversetur. Camera porro Spirensis, præterquam quod ab universo Imperio dependeret, consi-

consilium erat ab Aula Cæsarea remotum; Rhenoque suo affixum, qua Danubius flueret, parum videbatur curare. Controversiæ porro Ordinum, propter mutatam juris rationem, non ita commodè, ut olim in Comitibus, expediri poterant. Eas ergo si ad se solum trahere posset Cæsar, receptis etiam privatorum provocatibus, firmum sibi gradum strui videbat ad comparandam paulatim in Ordines potestatem Regiam. Nec deerat plausibilis prætextus tali iudicio instituendo. Quare namque in Capitulatione promiserat, se omnibus iustitiam administraturum; si omnes ipso præterito Spiram cursum intenderent? Accedebat, quod Iudicium illud Aulicum lentissimo sese processui haut adstrictum profiteretur. Unde volupe erat brevi lite posse defungi, si cui ejusdem fa-

N

vorem

vorem mereri contigerat. Nam Spirensibus, ne si velint quidem, etiam in liquidissimis causis, ambages illas præcidere licet. Profundius adhuc genium illius Judicii penetrabit, qui consideraverit, esse præterea secretius sive sanctius Consilium in Aula Cæsaris, in quo negotia summam Reipubl. spectantia potissimum tractari solent. Causæ igitur controversæ in Judicio Aulico prius disceptantur, & ubi ad spectus quidam politici intervenerint, ad Cæsarem transmittuntur, adjuncto, quid sibi super iis videatur. Hinc causæ denuo in secretiori isto Consilio proponuntur, ubi non tam juris, quam Status rationes ponderantur, puta, num Cæsari expediat, talem sententiam ferri, an & quam commode executio possit fieri. Si circa talia scrupulus occurrat, sententiæ pronuntiatio suspenditur.



tur. Illud tamen credere vix aulam, Assessores ejus Judicii non valde indignari, si partes per largitiones ipsorum gratiæ conentur adrepere. Et si, ut hac sese suspicione liberarent, multis consultum videtur, si litigantibus indicare erubescerent, cuiam ipsorum causam in Senatû referre sit injunctum.

XXII. Circa executionem sententiarum in summis hisce Tribunalibus dictarum ita fere proceditur. Primo, sententiæ ut pareatur, condemnato injungitur, sub comminatione certæ summæ marcarum auri puri, partem fisco. partem victori solvendarum. Si tergiversatus iste fuerit, multa intēditur. Si quis minas contemneret perrexerit, banno sive proscriptione afficitur, ac vi armata in ordinem redigitur. Et quidem si alicui Ordinum subiectus sit, exe-

cutio eidem mandatur, cui damnatus subest. Si damnatus ex Ordinum numero fuerit, executio mandatur præfecto circuli, aut uni alterive Ordini ejusdem circuli, cujus membrum iste damnatus est. Si circulus unus parum fit validus cogendo damnato, duobus aut tribus ea res committitur. Verum rarius contingunt ejusmodi executiones; & magis est ex commodo Germaniæ, Ordinumque libertate, ut tanti momenti lites arbitrorum intervèntu componantur.

XXIII. Denique si quid incidat, quod summam Reipubl. spectat, de eo hautquidquam licet Imperatori pro lubitu statuere; sed in Comitiiis, sive universorum Ordinum conventu, ejusmodi negotium est proponendum, & ex consensu eorundem definendum, vid. *capitul. Leopold. art. 39.*

*sub*

*sub fin.* De his quia satis accurate à Scriptoribus Germanis traditur, nos summa tantum capita delibabimus. Indicere Comitia, solius quidem est Imperatoris, ita tamen, ut literis, vel per legatum, consensus Electorum sit requirendus, etiam super eorundem loco & tempore, vid. *art. 17. capitul. Leopold.* Possunt etiam Electores Imperatorem admonere de habendis Comitibus, si usus Germaniæ videatur exigere. Quia vero eadem multo Statuum sumtu celebrantur, expresse Capit. Leop. d. l. cautum fuit, ne Imperator ipsos, habitis præter necessitatem Comitibus, gravaret. Per Interregnum Comitia indicere, penes Vicarios Imperii erit, & absente Imperatore penes Regem Romanorum, si quis tunc extiterit. Indictio non fit publico & generali aliquo edicto, sed per literas manu

exaratas, aut impressas, singulis Ordinibus insinuandas, quæ concipiuntur verbis blandam potius invitationem, quam imperiosam citationem præ se ferentibus. Et isthæc indictio fere per semestre spatium antecedit Comititia, ut per otium de rebus ibi tractandis meditari possint Ordines.

XXIV. Priscis temporibus per singulos annos Comititia fuisse habita, nec ultra mensem durasse, antiquitarum Germanicarum peritis probabile videtur. Hodie quoties & quamdiu eadem celebranda, nihil certi constitutum, sed ista omnia necessitatibus Reipubl. definiuntur; saltem ita fieri debebat. Judicant tamen aliqui, expedit Ordinum libertati, si certum intra tempus, puta singulis trienniis, omnino Comititia essent celebranda, ubi tamen necessarium foret, tarda negotiorum molimina,

limina, nec minus ingentes sum-  
tus, in compendium redigere. Et si  
suspiciantur nonnulli, moras istas  
& impensas è re Cæsaris esse, ut  
earundem tædio fessi Ordines à  
Comitiis abhorreere incipiant;  
quæ alias libertatis servandæ effi-  
cacissima media creduntur. Circa  
locum Comitiorum in Aurea  
Bulla quidem dispositum, ut pri-  
ma Comitia Noribergæ habeant-  
tur. Id quod tamen hætenus ita  
religiose non fuit observatum. Et  
in Capitulationibus de commodo  
duntaxat loco fit mentio, qui non  
sit situs extra Germaniam, & in  
quem Electores consenserint.  
Jam dudum Urbs aliqua Imperii  
libera Comitiis sedem præbuit,  
cujus rei ratio non est in obscuro.  
Et ægrè crediderim comparituros  
Principes, si v.g. Viennam eos-  
dem Imperator convocaverit.

XXV. Vocantur ad Comitia

N 4 omnes

omnes Imperii Status, & quidem inter Ecclesiasticos etiam illi, qui nondum à Pontifice sunt confirmati, aut pallio armati. Sede vacante vocatur Capitulum. Possessores Episcopatum, qui religionem Augustanam fuerant amplexi, cum antea neque vocarentur neque admitterentur, in pace demum Osnabrugensi peculiarem locum acceperunt. Circa Principes seculares observandum, quod pro minorennibus ipsorum Tutores vocentur. Majorennēs etiam ante petitam & obtentam investituram vocari & admitti debere, verius est, ut ea superre in Comitibus Ratisbonensibus Anno 1608. Joanni Friderico Duci Würtembergico controversia mota fuerit. Si qua in domo jus primogenituræ receptum, solus primogenitus vocatur. Ubi divisioni ditionum locus est, singuli vocantur,

tur, qui de portione sua peculiari-  
ter sunt investiti. Qui ditiones  
suas indivisim possident, universi  
quidem vocantur, sed suffragium  
duntaxat unum obtinent. Vocati  
ad Comitia comparere tenentur,  
vel ipsi, vel, si hoc incommodum  
fuerit, per legatos, mandatis suffi-  
cientibus instructos. Qui venire  
neglexerint, nihilo secius obstrin-  
guntur eo, quod à majori parte  
conclusum. Ex peculiari privi-  
legio Rex Bohemiæ non tenetur  
venire ad Comitia, nisi ea Nori-  
bergæ aut Bambergæ habeantur.  
Domui Austriacæ Statibusque cir-  
culi Burgundici, venire an eman-  
re velint, liberum est. Inania ri-  
tuum recensere, non est nostrum.

XXVI. Quæ in Comitibus deli-  
beranda & constituenda sunt, ab  
Imperatore aut ejus Commissariis  
proponuntur. Inde ad delibera-  
tiones proceditur. Ubi quæstio

N 5 mo

movetur, an idem sit ordo tenen-  
 dus in deliberando & constituen-  
 do, qui fuit observatus in propo-  
 sitione? seu, an ad aliud caput re-  
 rum propositarum sit transgredi-  
 endum, prioribus nondum deci-  
 sis? Hæc Status quidem sæpe con-  
 tenderunt, non ita religiose in-  
 hærendum ordini propositionis.  
 Enimvero semper Cæsareani sunt  
 obnixi; quibus de causis, nasutio-  
 ribus facile subolet. Scilicet pri-  
 mum semper locum obtinere,  
 quæ Cæsaris ex re fuerant: Reip.  
 universæ commoda post princi-  
 pia stare iussa. Igitur si de his quo-  
 que aliquid cogitare vellent Ordines,  
 necessario prius Cæsari grati-  
 ficandum erat. Qui, postquam  
 scopo suo fuit potitus, de negotiis  
 Ordinum non adeo anxius fere  
 deprehensus est. Ubi ad delibe-  
 rationes descenditur, in tria Colle-  
 gia Ordines separantur, Electo-  
 rum,



rum, Principum, & Urbium; quæ separatio creditur cœpisse anno 1539. in Comitibus Francofurtensibus. In primo directorium, quod vocant, gerunt Moguntinus, in altero Austriaci & Salisburgensis, alternis vicibus, in tertio Urbs illa libera, in qua Comitia celebrantur. Principes viritim suffragia ferunt, Comites Prælatique minores curiatim. Major pars pauciores quoque obligat; nisi circa negotium religionis, & ubi Ordines non tanquam unum corpus, sed tanquam partes invicem disceptantes, considerantur. An idem in materia collectarum debeat obtinere, nondum est decisum. vid. *Instrument. Pacis art. 5. n. 19.* Ego putaverim, distinctionem rem posse commodissime expediri, an, quæ conferuntur, ad totius Reipubl. salutem spectent, an vero in gratiam duntaxat & peculia-

rem

rem usum Imperatoris tendant. Ista nemo bonus civis defugerit: circa hæc suæ quemq; liberalitati modum statuere, par fuerit. Modus deliberandi hic fere est. Quod collegio Electorali visum fuit, collegio Principum communicatur. Hoc illi vicissim suam mentem aperit, (referre & correferre vocant) idque tamdiu, quousque inter ipsos convenerit. Id ubi factum, sententiam suam collegio Urbium exponunt. Ubi & hoc conspiraverit, Imperatori aut ejus Commissariis unanimis Statuum sententia proponitur. Qui si eam adprobaverit, res confecta est. Si collegiis inter se convenire non possit; discrepantia suffragia Imperatori proponuntur, qui amica tractatione; non autem pro impetio, componere disceptantes laborat. Similiter si & ipsi quid secus videatur, eousque res amice agita-

agitatur, donec & ipse cum Ordinibus aut hi cum illo conspirent. Inde solennis in Recessibus Imperii formula: hæc inter Imperatorem & Ordines per modum contractus constitui. Circa collegium Urbium observandum, quod, etsi in *Instrumento Pacis art. 8. §. 4.* votum decisivum illi sit assignatum, cum antea cæteri ad deliberationes duntaxat idem admittendum contenderent; non tamen prius duo superiora collegia cum hoc communicent, quam ipsis inter se convenerit. Ita tamen, ut illa huic sua decreta pro imperio, aut tanquam major pars, invito nequeant obtrudere. Sed ubi dissenserit, res ad Imperatorem defertur, quousque & heic concordia fuerit inventa. Quæ componi nequeunt, in alium conventum differri moris est. Quæ sic universis placere, à Moguntino directo-

directorio in justam Recessus formam rediguntur, denuo expendantur, & post subscriptionem & sigillationem promulgantur.

XXVII. Quid igitur circa præcipuas summæ potestatis partes Imperatori sit reliquum, satis puto adparet. Sunt tamen quædam jura, quæ soli Imperatori per Germaniam exercere datur. Inter quæ referunt 1. jus primariarum precum, cujus vi electus Imperator in quolibet collegio Clericorum unam potest personam ad beneficium Ecclesiasticum præsentare. Cujus tamen juris non tam ipsum Imperatorem, quam Clericos, pudere debebat, qui, cum pleraque sua veterum liberalitati Imperatorum in acceptis referant, non nisi unius beneficii collationem in singulis Collegiis ipsi reliquerint, & quidem per modum precum valituram. 2. Quod cujusvis generis

neris & gradus dignitates confert. vid. *tamen artic. 43. & 44. Capitul. Leopold.* 3. Quod ab ipso solo obtinetur investitura, & collatio feudorum principalium, & quæ per vexillum notari moris est. 4. Quod Scholas publicas five Academias constituit. 5. Quod facultatem indulget condendæ Urbis, & si quæ minoris sortis sunt alia.

XXIIX. Sed & exinde non difficile est colligere, quidnam Ordinibus ad summum imperium desit. Scilicet habent isti, saltem plerique, jus vitæ & necis in sibi subiectos. Leges condunt, etiam juri communi repugnantes. Religionis libertate gaudent. Omnes redditus ex ditionibus suis sibi capiunt. Tributa indicunt. Foedera inter se & cum exteris feriunt, modo non spectent contra Imperatorem aut Imperium. vid. *Instrument. Pacis art. 8. §. 2. & capitul. Leopold.*

*Leopold. art. 6. & 8.* Quod jus mediatis Imperii civibus expresse ademtum, *artic. 9. capitul. Leopold.* Armis se defendunt, aut injurias sibi illatas vi exequuntur, inprimis contra externos. Munimenta in suis ditionibus extruunt. Monetam cudunt; & quæ sunt alia ad gubernationem civitatis necessaria. *add. artic. 33. 34. capitul. Leopold. & Instrument. Pacis artic. 8. §. 2.* Ad dignitatem Electorum peculiarem facit *articul. 5. capitul. Leopold.* Et ista quidem omnino suo jure, non Imperatoris loco, exercent. Neque tam ipsorum potestatem, quam habendi modum, afficit, quod ditiones suas tanquam feuda ab Imperatore & Imperio recognoscant. Nam cum eadem jam hereditario jure ad posterum transmittant, quicquid de primæva eorundem acquisitione sit, ritus potius solennis, quam

veræ

veræ collationis vim investitura  
 habet; cum nemini denegari pos-  
 sit, qui intra legitimum eam tem-  
 pus petat. Juramentum fidelita-  
 tis intelligitur salvis cujusque ju-  
 ribus; & socios quoque invicem  
 juramenti vinculo adstringi, trala-  
 titum est. Neque illud tantum  
 onus est, aut subjectionem arguit;  
 quod in Comitibus propriis sumti-  
 bus teneantur comparere. Nam  
 id in omnibus sociorum conven-  
 tibus fieri suevit. Uti nec illud,  
 quod ad Imperii necessitates quæ-  
 dam conferunt. Denique quod  
 durissimum videtur, Statum Im-  
 perii in supremis Tribunalibus pos-  
 se in jus vocari, & ubi in Rempubl.  
 graviter deliquerit, proscribi & di-  
 tionibus suis exui; ne id quidem  
 societatum natura penitus respuit.  
 Nam & apud antiquos talia exem-  
 pla occurrunt in societate Am-  
 phiætyonum, & Achæorum; &  
 O / nostro

nostro seculo vidimus Fœderatos  
Belgas Groningam ad tempus ca-  
stello coërcere. Statibus tamen  
Germaniæ abunde cautum *art. 28.*  
*capitul. Leopold.* Ut autem, qui  
reliquis proterve ac pertinaciter  
insultaverit, à cæteris compesca-  
tur, etiam in æquali societate fieri  
suevit. Heic enim cognitio de-  
lictæ suscipitur, non velut ex impe-  
rio in delinquentem, sed tan-  
quam ex ultroneo ejusdem con-  
sensu, & quodam compromisso.  
Executio autem fit non tanquam  
in subiectum, legis civilis violatæ  
damnatum, sed per modum belli  
ut in violatorem fœderis.



## CAPUT VI.

## De Forma Imperii Germanici.

- |   |   |
|---|---|
| <p>I. Circa formam Imperij Germanici definiendam Scriptores cur erraverint.</p> <p>II. Quantum ad Territoria singula, in Principatibus &amp; Comitatibus, Monarchia instar; in Urbibus liberis interdum Aristocratia, interdum Democratia simile, regimen obtinet.</p> <p>III. Forma totius Imperij an Democratica dici possit.</p> <p>IV. Qui pro vera &amp; mera Aristocratia Germaniam venditent, quibus argumentis utantur.</p> <p>V. Imperium Germanicum non esse Aristocratiam, ostenditur.</p> <p>VI. Rationes illorum</p> | <p>proferuntur refutanturq<sup>3</sup>, qui absolutam Monarchiam heic statuunt.</p> <p>VII. Expenditur sententia eorum, qui Imperatori tribuunt potestatem Regiam &amp; summam, non tamen absolutam, verum certis legibus circumscriptam.</p> <p>VIII. Nec non illorum, qui potestatem Imperatori Regiam, &amp; Ordinibus libertatem sub temperamento aliquo tribui posse autumant.</p> <p>IX. Autoris sententia, Germaniam esse irregulare aliquod corpus &amp; monstro simile, si ad regulas scientia civilis exigatur.</p> |
|---|---|

**Q**uemadmodum corporum,  
 naturalium juxta atque arti-  
 ficialium, sanitas & habilitas ex  
 apta partium inter se harmonia  
 & connexione resultat: ita quo-  
 que corpora moralia, seu societa-  
 tes sanæ ac firmæ aut invalidæ ju-  
 dicantur, prout earundem partes  
 inter se bene aut secus invicem  
 connexæ deprehenduntur; adeo-  
 que prout concinnam formam,  
 aut irregulare quid & monstro-  
 sum præ se ferunt. Satis autem ex  
 superioribus apparuit, in Germa-  
 norum Republ. latitare nescio  
 quid, quod eandem ad simplices  
 Rerum publ. formas referri, prout  
 passim à Politicis illæ describun-  
 tur, non patiatur. Eo curatius  
 nobis in genuinam ejus Imperii  
 formam erit inquirendum; quo  
 crassius pleriq; ejus nationis Scri-  
 ptores heic erraverunt, ignoran-  
 tiâ civilis scientiæ, & quia plerisq;  
 apud

apud istos, complurium sententias  
 citra iudicium compilasse, novus  
 liber vocatur. Sed & eo facilio-  
 rem mihi veniam polliceor, ob  
 admixtas paulo uberius, quam  
 pro delicatis auribus, subtilitates  
 scholasticas, quod difficilius est ci-  
 tra hæc solidum de Germaniæ sta-  
 tu iudicium ferre. Etsi paucis  
 apud cordatos verbis liceret de-  
 fungi, ni aliorum ineptiæ pluri-  
 mis probatæ operosius viderentur  
 convellendæ.

II. Circa singulas ergo partes,  
 seu Ordines Imperii separatim  
 spectatos, parum est difficultatis.  
 Nam omnes Principatus, Secula-  
 res & Ecclesiastici, (quorum illi  
 hereditate, hi per electionem con-  
 feruntur,) nec non Comitatus,  
 Monarchiarum instar gerunt.  
 Cum hoc tamen discrimine, quod  
 alicubi Principum potestas sit ab-  
 soluta, alicubi limitata per certa  
 O 3 pacta

paſta cum Statibus, quos vocant. ſeu Ordinibus Provincialibus, eorumque privilegia. Urbium autem liberarum nonnullæ Ariſto-cratico utuntur regimine; in quibus nempe penes Senatum eſt ſumma rerum, in quem primarii cives ipſorum Senatorum ſuffragiis adoptantur; & ubi Senatus neque à plebe in ordinem poteſt redigi, neque rationibus adminiſtrationis ſuæ reddendis eſt obnoxius. Alicubi Democratia viget, ubi tribuum ſuffragio Senatus ſuppletur, illiſque in hunc inquirendi eſt poteſtas.

III. Quæ autem toti corpori Germaniæ forma Reipubl. ſit aſſignanda, inter ſcriptores ejus nationis non convenit; certiffimo argumento Reipubl. valde irregularis, & à tritis Politicæ inter iſtos receptæ dogmatibus longiffime abeuntis; nec minus inſcitia ſcriptorum,

ptorum, qui fere nulla rerum civilium, aut valde tenui, scientia instructi, ad commentandum de Jure Publico, ut ipsi vocant, provolarunt. Qui Democraticam Imperio isti formam attribuerit, nondum vidisse memini. Sunt tamen, qui illos tantum civium Imperii Germanici nomine velint dignari, quibus jus suffragii in Comitibus comperit; secuti sine dubio Aristotelem, cui Civis dicitur, qui jus deliberandi & suffragium ferendi de Republ. habet. Hoc si adsumamus, sane Democratia erit Imperium Germanicum, quippe cujus cives soli sint Ordines, qui omnes & singuli utique jus de Republ. deliberandi & statuendi in Comitibus obtinent; Imperator autem instar Principis propriè dicti habebit. Enimvero qui definitionem illam Aristotelicam ulterius, quam ad

cives in Democratiis Græcanicis degentes velit extendere, valde absurdus sit. Quis enim liberis hominibus, & patribus familias in Regno aut Aristocratia viventibus, civium nomen denegabit, ut ut isti ad nullam Reipubl. partem admittantur? Aut quis in Regno unum esse civem Regem, in Aristocratia solos Senatores dicet?

IV. Plerique, queis exquisitam rerum civilium scientiam & erectum libertatis studium ostentare placet, pro vera & mera Aristocratia Germaniam venditant. Hi, ut sententiam suam defendant, solícite inculcant: 1. Non esse, quod quis externa rerum facie, superbo adparatu titulorum, & formularum, non nisi Monarchicum quid redolentium, moveatur; quorum pars magna ex genio linguæ Teutonicæ, inanibus

hono-

honorum verbis luxuriantis, ortum trahat, nonnulla ex antiquissima Republica, abs qua moderna multum discessit, remanserint. Penes illos enim revera summam esse potestatem, quibus competit jus de summa rerum proprio ex arbitrio statuendi, quocunque demum vocabulo insigniantur. 2. Non repugnare naturæ Aristocraticarum, habere unum caput paulo eminentius, & autoritate reliquos antecedens, quod velut Directoris & Præsidis in concilio Optimatum vices obeat. 3. Distinctionem esse faciendam inter ipsam formam Reipubl. & modum administrationis. Quæ distinctio ita est explicanda, quod interdum contingat, ut una Resp. modum administrationis ex alterius formæ Reipubl. proxime resultantem videatur æmulari, aut saltem ejusdem aliquod signum

præferre. Sic si Rex aliquis de summis Reipubl. negotiis ad concionem populi aut Senatum referat, modus administrationis illic quidem videbitur habere aliquid Democraticum, heic vero quid Aristocraticum: & tamen revera forma Reipubl. erit Monarchica, si quidem concilium populi & Senatus tanquam consilarii adhibeantur, nec ab iisdem Rex necessario dependeat. Ex adverso, si in Democratia vel Aristocratia extet Magistratus aliquis eminentior, aut Princeps propriè dictus, cui jus referendi de negotiis publicis, atque exequendi leges & decreta, soli aut præcipuè competat, & cujus nomen acta & decreta publica præ se ferant; erit quidem aliquod simulacrum Monarchiæ in administratione Reip. summa tamen potestas revera penes populum aut concilium Optimatium



matium residebit. Sunt equidem, qui hanc distinctionem oppugnant, eo potissimum argumento, quod cum forma sit principium operationum, has utiq; non alias esse posse, quam prout istius velut efficientia permittit. Jam autem formam Reipubl. esse illum velut fontem, ex quo operationes circa eandem administrandam profluunt. Fieri ergo non posse, ut ab ipsa forma administratio discrepet. Ad hoc ita nonnulli respondent, distinguendo administrationem in eam, quæ sit nomine proprio, & quæ sit alieno. Illam quidem concedunt non posse discrepare à forma Reipubl. hæc autem quo minus disparem faciem ostendet, nihil obstare. Et ita res est. Diversæ Rerumpubl. formæ resultant ex subiecto, cui summa potestas inhæret, prout illud est vel unica persona, vel concilium

ex universis aut paucis constans. Quibus autem ministris aut executoribus ista summa potestas utatur, nihil interest. Ne dicam, quod axioma illud, cui argumentum innititur, in naturalibus duntaxat procedat; non autem ad illa recte applicetur, queis actionum suarum libera competit gubernatio.

V. Enimvero utut hæc fortassis sat subtiliter in scholis disputari possunt; tamen, Imperium Germanicum esse Aristocratiam, nemini persuadebitur, cui rerum civilium profundior paulo intellectus. Nam ad Aristocratiam requiritur, ut summa potestas sit penes Statum aliquem & perpetuum Senatum; cujus sit, deliberare & statuere de omnibus negotiis ad Rempubl. spectantibus, executione rerum quotidianarum aut singularium Magistratibus certis

tis delegata, qui Senatui rationem  
 gestorum teneantur reddere. At-  
 qui talis Senatus in Germania  
 haut quidquam datur. Camera  
 enim & Judicium Aulicum super  
 appellationibus & certis dunta-  
 xat litibus cognoscunt. Comi-  
 tia autem nullo modo statim &  
 perpetui Senatus instar habent,  
 cui de omnibus negotiis totam  
 Rempubl. concernentibus dispo-  
 nendi sit potestas; quæ peculia-  
 res duntaxat ob causas convocari  
 moris est. Credere autem, Co-  
 mitia, & quod in illis suffragio-  
 rum pars major prævalet, esse in-  
 fallibile indicium Status Aristo-  
 cratici, valde simplex est. Nam &  
 in compluribus Regnis Comitia  
 haberi, in quibus suffragia nume-  
 rantur, notissimum est; & exem-  
 pli loco sufficere possunt Regna  
 Angliæ, Suediæ, Scotiæ. Quid  
 autem frequentius, quam inter  
 socios,

socios, arctiori foedere in unius velut systematis compagem combinatos, conventus seu Comitia celebrari? quorum in socios non minor autoritas, quam Comitiorum Germanicorum in Status Imperii. Exempli loco esse possunt ex antiquis societas Amphictyonium & Achæorum; ex modernis Helvetii & Belgæ Foederati. Deinde habent id veræ Aristocratia, ut universo quidem Senatu nemo sit superior; singuli tamen Senatores non minus addicte universo Senatui pareant, quam alii cives; & in illos æque atque in hos jus vitæ & necis exerceatur. Id quod longissime à libertate Ordinum Germaniæ abest. Sic & in Aristocratiis privatum sibi patrimonium habent Optimates, cæterorum civium fortunam sæpe plurimum excedens; non minus tamen illud Senatorum patrimonii-

monium, quam quod extra idem reliqua civitas bonorum comprehendit, universi Senatus summo imperio subjicitur, ejusdemque legibus est obnoxium. At in Germania, si removeas, quæ ad singulos pertinent Ordines, nihil remanet, quod ad universos pertineat. Et magnum habebit malum, si quis apud istos asserere audeat, universis Ordinibus in singulorum bona tantum competere potestatis, quantum in Serenissima Republ. Veneta toti Senatui in bona singulorum Senatorum. Nam quod adducunt dictum Alberti Moguntini, prolatum, quando de electione Caroli V. præ Francisco agebatur; hunc ad Monarchiam inclinare, Germaniæ autem Principibus Aristocratiam esse retinendam; facilem habet responsionem. Nam ab tali Præsule, ut ad exquisitæ illius scientiæ civilis

civilis regulas dictionem ita solite formet, requirere, putidum foret; & sensus, utut incommo-  
dis vocabulis expressus, in se perspicuus est; scilicet si præsentem suam conditionem & libertatem ament Germaniæ Principes, cavendum sibi esse ab imperio Galli, qui, cum in proprio Regno Procerum conditionem ad exquisitæ leges Monarchiæ redigere laboret, Germanos in Principes sine dubio similia sit tentaturus.

VI. Restat, ut videamus, an Monarchiarum in censum Resp. Germanorum referri queat. Earum sunt duæ classes: quædam absolutæ, aliæ limitatæ vocantur. In illis penes solum Regem, aut quocunque nomine insigniatur, est potestas de negotiis summam rerum spectantibus proprio ex iudicio statuendi. In his autem Rex circa exercendos actus summæ  
pote-

potestatis certis legibus est adstrictus. Hanc Monarchiarum differentiam qui non exacte considerant, in materia hac vehementer sunt hallucinati; dum rationibus, quibus Imperatori absoluta potestas denegatur, ne limitatam quidem relinqui crediderunt. Et si absolutam in Imperatore potestatem per universum Imperium exercendam qui agnoscat, vervecum in patria natum oportet esse. Et quæ afferuntur argumenta, sibi magis, quam seria refutatione, digna sunt. Æque absurdum, ex visione Danielis, quam ex libris Juris Romani, Imperatoris Germanici potestatem velle definire. Quod Imperator neminem, nisi Deum & enssem, superiorem recognoscit, id ipsi in Principes Germaniæ non magis absolutum imperium tribuit, quam provinciæ Hollandiæ in reliquas sex, cui

P

utique

utique idem elogium recte tribui potest. Inania titulorum, (puta quod ab omnibus Ordinibus nuncupatur Dominus clementissimus, quod in subscriptionibus literarum, alibique, de obsequio suo proluxissime pollicentur,) genius seculi, stylusque Curiae produxit, non plus fere efficaciam habentia, quam alia verba honoris, in quæ ignavissimus quisque operum solet esse effusissimus. Vanus quoque verborum strepitus, illa plenitudo potestatis & perfectio, qua literas interdum & decretorum carmina scribæ solent adornare. Denique jurant Ordines Imperatori fidelitatem, sed salva sua libertate, suisque juribus, quæ quantum isti potestatis relinquunt, jam supra satis apparuit. Sed plura heic verba facere, putidum fuerit.

VII. Probabilissimam plerisque visi sunt sententiam fovisse, qui  
Impe-



Imperatori tribuunt potestatem  
Regiam & summam; non tamen  
absolutam, verum certis legibus  
circumscriptam. Quam senten-  
tiam passim quoq; in Scholis apud  
istos defendi audias. Hanc, quan-  
tum nobis constat, primus oppu-  
gnandam sibi in Germania sum-  
sit personatus quidam *Hippolithus*  
*à Lapide*, quo tempore quam ma-  
xime bellum inter Cæsarem &  
Suedos fervebat. Qui utut pluri-  
ma habeat, quæ nemo possit ab-  
nuere, nisi omnem pudorem eju-  
raverit; in multis tamen eundem  
falli, & per implacabile odium ad-  
versus Domum Austriacam in-  
transversum rapi, non minus in-  
aprico est. Et si prohibitione libri  
nihil aliud effectum, quam ut ei-  
dem pretium doctisq; legendi  
ardor accederet. Cujus tamen  
mentionem non fecissemus, nisi  
ille plerisq; quantivis pretii vide-  

P 2 retur;

retur; & qui eum impugnarunt, nugari potius aut adulari, quam ipsius rationes destruere sint deprehensi. Hic igitur uti rectè summam ac Regiam potestatem Imperatori in Ordines detrahit; ita in eo valde absurdus est, quod eundem Ordinibus subjicit, & nudi Magistratus dignationem velut precario tot titulis superbienti concedit. Quasi vero necessarium sit, Aristocratiam existere, ubi Monarchia absoluta non datur; aut omnino eum quis superiorem cogatur agnoscere, cui pro lubitu non potest imperare. Et isthæc duntaxat qui observaverit, nullo negotio plerasque ipsius rationes elumbes dabit. Etsi & passim multa sat futilia immiscet, quorum paucula duntaxat, velut per saturam, recensebimus. Dicit aliqui, Majestatem sive summam potestatem esse penes Ordines, qui

ui eam etiam tunc habent, quando nullus est Imperator. At quis ignorat, in omnibus Regnis tempore Interregni summam potestatem redire ad populum, aut, qui eum repræsentant, Ordines? quam tamen, novo Rege constituto, non amplius retinent. Non statim etiam superiorem agnoscit quis illum, cui quis ad rationes reddendas sese offert. Aliter ratio redditur ei, abs quo poena metuatur, nisi illa sibi constiterit; aliter isti, cui ex pacto duntaxat teneor; aliter denique, cujus existimationem vereor. Sic Reges bella moturi publicis scriptis rationem toti orbi satagunt reddere. Sic socius socio, tutor pupillo rationem negotiorum gestorum reddit. Præterea non statim altero est superior, aut imperium in ipsum habet, qui munere suo eundem dimovere potest. Nam potest

quis eo pacto duntaxat plurimum communibus negotiis gerendis esse præpositus, ut neutri in alterum imperium proprie dictum competat; qui ubi displicuerit, officio evolvitur, non alio modo, atque contractus cum eo initus abruptitur, qui ejusdem legibus non satisfecerit. Etsi saltem circa Henricum IV. & Adolphum Nassovium omnia ad juris normam fuisse gesta, merito dubites, nisi Reverendissimos Præsules præcipuas in eo negotio partes egisse constaret. Quæ de Comitibus prolixè disputat, vera quidem sunt, sed frustra adducuntur ad probandum, quod ipse intendit. Nam uti Imperator invitis Ordinibus nihil potest injungere; ita, quod hi isti invito aliquid pro Imperio queant injungere, puto, inauditum est. Equidem præscribunt Electores in Capitulatione, quid Cæsari

Cæsari faciendum, quid omittendum; verum non velut ex vi aliqujus imperii in ipsum, sed per modum contractus; cujusea est efficacia, ut, si contra conventa quid Ordinibus velit injungere Imperator, impune possint ipsi non parere. Enimvero & hoc est ex communi pactorum natura, non ex aliqua potestate, quæ Ordinibus in Cæsarem competat. Probabilius urgeri posset, quod ex antiqua consuetudine introductum, & post per Auream Bullam confirmatum est, ut Imperator, si quibus super causis fuerit impetitus, coram Comite Palatino respondere teneatur. Et notum est, quomodo tres Electores Ecclesiastici Alberto I. Imperatori denunciarint, ut coram Rudolpho Comite Palatino causam diceret. Et si tanto reo arma magis in actores judicemque arriserunt. Post

Auream tamen Bullam nullum ejusmodi judicii coram Palatino peracti exemplum legisse meminimus. Origo ejus juris Palatino competentis sine dubio profluxit ex officio, quod antiquissimis temporibus tanquam Major domus in aula Regia gessit. Hic enim uti in alios aulicos exercebat jurisdictionem; ita, si quis ab ipso Rege quid postularet, de quo ambigebatur, Comitum Palatini erat cognitio. Cujus sententiâ stabat Rex, non tanquam istum agnosceret superiorem; sed quod cognitio petitoris jure non possit non obligationem suam explere. Sicut multos novimus Principes in Germania, & alibi, qui super debitis aliisque ipsos spectantibus causis, dubii quid habentibus, in propriis tribunalibus conveniri solent; quæ tamen tribunalia Principem hautquidquam cogere possunt,

possunt, aut multa coërcere, si quidem juris ac conscientiae, publicaeque existimationis reverentia eundem ad debitum exolvendum non adegerit. Sed puto, Ordines ipsos contentos esse, quod à Cæsare nihil possit sibi imperari, quod displiceat. Tam invidiosam libertatem, ut Imperatori suo ipsi queant imperare, cordatissimus quisque ultro adspernabitur.

IIX. Sed cum *Hippolito* quidem facile transegerit Imperator, ne ab eodem in subsectorum classem conjiciatur. Magis urgent isti, qui & Imperatori potestatem Regiam, & Ordinibus libertatem sub temperamento aliquo tribui posse autumant, dum inter Regna limitata Germaniam referunt. Nam qui de mixtis Rerum publicis formis garriunt, nullo modo expedire se possunt. Præterquam enim, quod qualiscunq; mixtura

P 5

non

non nisi monstrum aliquod civitatis producere apta sit, nulla ejusdem species ad Rempubl. Germanicam accommodari potest; in qua neque universa potestas summa est penes plures indivisim, neque ejusdem potestatis partes inter diversas personas aut collegia sunt distributæ. Cæterum priores differunt, illa omnia, quæ Imperatori per Capitulationes præscribuntur, stare posse cum Regno limitato; puta, quod teneatur ad leges fundamentales Rempubl. administrare, & super negotiis summam rerum spectantibus consensum Ordinum requirere; quod leges novas iisdem inconsultis ferre non possit, in sacris nihil immutare, pacem, bellum, fœdera ex arbitrio Ordinum sumere, controversias subjectorum non nisi per certa tribunalia dirimere. Sic quod Ordines Imperio simul  
&



& Imperatori fidem jurant, id hoc modo posse explicari, quod Imperatori velint obsequium præstare, quatenus ipsorum opera bonisq; uti vult ad bonum publicum, & prout legib<sup>2</sup> Regni est expressum; simulque quod adversus reliqua Imperii membra commodos sese & fideles concives velint exhibere. Enimvero quo minus Germaniam pro Regno limitato possimus habere, duo potissimum obstant. Primò, in vero aliquo Regno, utut in ejusdem administratione certitas sequi leges Rex teneatur; revera tamen eousque omnes cives ille eminet, ut suam libertatem suaque jura cum Regis potestate nemo comparare audeat; utque adeo omnes Proceres ab arbitrio Regis dependeant, eique ad rationem reddendam sint obstricti. Id quod in Germania secus esse, cuilibet notum. Nam nemo ex Germaniæ

maniaë Ordinibus admiserit, di-  
 tiones sibi subiectas magis ad Im-  
 peratorem, quam ad se, pertinere,  
 aut sibi istius magis quam pro-  
 prium commodum in iisdem gu-  
 bernandis esse respiciendum.  
 Quin eousque sibi quisque tendit,  
 ut bellum in alios Status aut exte-  
 ros sumere, foedera cum aliis Sta-  
 tibus aut exteris inire non dubi-  
 tent, inconsulto Imperatore, qui-  
 cunque viribus suis sociorumque  
 confidunt; istius reverentia inter  
 inania fere simulacra habeatur.  
 Deinde quilibet Rex, quamvis li-  
 mitatus, id habet, ut virium to-  
 tius regni directio atque applica-  
 tio demum ultimo ad ipsum red-  
 eat, utque sub ipso eadem vires  
 velut uniantur ad commune bo-  
 num ita procurandum, ut ab una  
 quasi anima cuncta videantur gu-  
 bernari. Hoc qui in Germania  
 videre possit, lynceus sit oportet;

ubi

ubi qui caput & Rex cluet, ex Imperio nullos redditus percipit, sed proprio succo vivere cogitur; ubi nullum commune ærarium, nullus miles publicus est, sed quilibet Ordinum suis viris, suarumque ditionum redditibus pro arbitrio utitur; collato in publicum non nisi exiguo quoque, idque post ambitiosas demum sollicitationes. Quæ singula superiori capite latius deducta, & in ipso rerum actu manifestissime deprehenduntur.

IX. Nihil ergo aliud restat, quam ut dicamus, Germaniam esse irregulare aliquod corpus, & tantum non monstro simile, siquidem ad regulas scientiæ civilis exigatur; quod lapsu temporum per socordem facilitatem Cæsarum, ambitionem Principum, turbulentiam Sacerdotum, ex Regno regulari in tam malè concinnatam formam est provolutum,  
ut

ut neque Regnum, etiam limitatum, amplius sit, licet exteriora simulacra tale quid præ se ferant, neque exacte corpus aliquod aut systema plurium civitatum fœdere nexarum, sed potius aliquid inter hæc duo fluctuans. Quod ipsum exitiabili morbo internisque convulsionibus perpetuum præbet fomitem: hinc ad Regni leges retrahere Imperium nitente Cæsare, inde in plenam libertatem tendentibus Ordinibus. Quemadmodum autem hæc est natura omnium degeneratorum, ut, quando à principio suo longe discesserunt, prono lapsu, & velut ultro, ad extremum suum tendant, ad pristinam autem formam ægetrime possint retrahi; & lapidem ad clivum montis semel impulsus facillime ad planum usque devolveris, ad verticem non nisi insano labore revocaveris: ita

Germa-

Germania sine maximis motibus  
 summaque rerum confusione, ad  
 justī Regni leges reformari ne-  
 quit; ad foederatorum aliquod sy-  
 stema ultro vergit. Imo si tollas  
 mutuam illam inter Imperatorem  
 & Ordines renitentiam, jam erit  
 revera Germania corpus aliquod  
 seu systema sociorum inæquali  
 foedere nexorum, ideo quod, Or-  
 dines qui vocantur, comiter cole-  
 re & reverentia prosequi Cæsarem  
 teneantur. Exempli loco potest  
 esse in societate Civitatum libera-  
 rum foedus inter populum Ro-  
 manum & populos Latinos, an-  
 tequam hi ab isto ad subditorum  
 conditionem redigerentur, aut  
 demum civitate Romana dona-  
 rentur. Item in societate bellica  
 ducatus Agamemnonis in exerci-  
 tu Græcorum ad Trojam. Et si  
 fere contingere soleat, ut, ubi, qui  
 foedere superior est, potentia mul-  
 tum

240 DE STATU IMPERII  
 tum eminuere, inferiores socii  
 paulatim velut subiecti tracten-  
 tur. Ergo commodissime Statum  
 Germaniæ possemus designare,  
 quod proxime accedat ad systema  
 aliquod plurium civitatum, in  
 quo unus velut Princeps aut Dux  
 fœderis emineat, simulacris Re-  
 giis vestitus; quod tamen corpus  
 quam atrocibus morbis agitetur,  
 sequenti capite dispiciendum erit.

## C A P U T VII.

### De viribus & morbis Im- perii Germanici.

- |  |  |
|--|--|
| I. Vires Germania, in se<br>considerata, quanta<br>sint: tum in Viris. | dem respectu Tur-<br>cia.  |
| II. Tum in rebus &<br>affluentia regionis.                             | V. Quomodo adversus<br>Italiam, Poloniam,<br>Danim, Angliam,<br>Belgium Fœdera-<br>tum, Hispaniam,<br>Suediam, denique<br>Galliam, sigillatim<br>consideratas. |
| III. Germania quibus<br>mediis aliorum opes<br>ad se trahere queat.    |  |
| IV. Vires Germania<br>quomodo ad Vicinos<br>se habeant: & qui-         | VI. Comparatio viri-<br>um   |

um Germania cum  
aliis, ubi plura Re-  
gna junctis viribus  
eam invaserint.

VII. Vitia ac morbi,  
quibuscum Germa-  
nia conflictatur :  
quaq; prima illorum  
causa.

IX. Specimina hujus  
mali plura recen-

sentur.

IX. Adduntur alia ex  
dissidio Religionis ;  
fœderum abusu : ju-  
diciorum, ararū, mi-  
litis communis de-  
fectu.

X. Præfensiones ac  
controversiæ Ordini-  
um inter se invicem.

**V**ires alicujus Reipubl. consi-  
derari possunt vel in se, vel  
prout per concinnam Reipubl.  
formam commode possunt usur-  
pari. In se consideratae vires con-  
sistunt in Viris, & in Rebus. Viros  
quod attinet, parum habet Ger-  
mania, quod de eorundem mul-  
titudine aut ingenio queratur.  
Primariæ nobilitatis tanta multi-  
tudo, tantusque splendor, quan-  
tus nullibi per universum orbem.  
Inferior nobilitas non supra laxi-  
tatem regionis, nec præ nimia  
turba ad sordidas artes descendere  
coacta. Eorum, qui literis ope-

Q

ram

ram dant, major fortasse, quam expediebat, copia, ut ut inter multos laurigeros pauci Phœbi deprehendantur. Mercatorum & opificum affatim. Ruricularum tamen alicubi hodie pauciores sunt, quam pro latitudine agrorum. Cujus rei causa est partim tricennale bellum, quo Germania misere fuit vastata, partim quod rustici eo sunt ingenio, ut, statim atque in re paulo laxiore coeperunt esse, filios suos ad opificium aliquod gaudeant admoveere, fortunatos præ se judicantes, qui in urbibus habitant. Etsi autem vix putem esse, qui numerum urbium ac pagorum per Germaniam iniverit, non tamen vanitatis arguetur à peritis ejus Regionis, qui dixerit, facile exercitum ducentorum millium posse conflari, si modo ex singulis urbibus quini, & ex singulis pagis singuli, aut bini milites



lites scribantur. Speciminis loco  
 hæc esse possunt. In decem Cir-  
 culis certi autores enumerant  
 Urbes , oppida atque arces  
 MDCCCCLVII, excepto Regno  
 Bohemiæ, in quo juxta Hagecium  
 Ferdinandi I. ætate fuerunt Urbes  
 CII. oppida CCCVIII. arces spe-  
 ctatiores CCLVIII. monasteria  
 CLXXI. pagorum millia triginta  
 CCCLXIII. In Silesia numerant  
 Urbes 411. oppida 363. pagorum  
 5112. In Moravia Urbes 100. op-  
 pida minora 410 pagorum 30360:  
 Abbatiarum & Cœnobiorum  
 quondam, antequam à Protestan-  
 tibus tanta ipsorum multitudo  
 destrueretur, numerant 11024.  
 Sic Ferdinandi II. zelo ad Eccle-  
 siam Catholicam revocata scri-  
 bunt centies centena millia ho-  
 minum, nî Sacerdotum adulatio  
 numerum in majus auxit. Ipsa  
 natio ab omni memoria bello in-

signis, & in militiam avida, per totam fere Europam venalem sanguinem circumferens. Cui ut nimius fervor abest, ita plurimum constantiæ suppetit, animique egregiæ disciplinæ capaces. Nec minus eadem ad omne genus artium manuarum solertissima. Et quod plurimum ad firmitatem civitatum facit, ad res novas haut-quidquam proclivis, & imperii non nimis rigidi bene patiens.

II. Inter Res primum obtinet locum ipsa Regio. Cujus quanta sit amplitudo, facile intelliget, qui ex Cassubia Mumpelgardam, aut ex Holsatia extrema in fines Carniolæ, aut Leodio in ultimas oras Silesiæ iter fecerit. In tam vasta Regione, si Alpium juga excipias, pauca sunt loca, quæ nihil producant ad vitæ humanæ cultum facientia; is porro rerum ad vitam necessariorum proventus, ut eadem

em extraneorum rebus haut-  
 uidquàm indigeat, nisi ad lu-  
 um & superfluas voluptates.  
 uri quidem parum minerae aut  
 umina quaedam præbent; &  
 uas Germania gignit gemmas,  
 quioris pretii habentur. Cate-  
 um magna copia compluribus  
 a locis effoditur argentum, cu-  
 rum, stannum, plumbum, fer-  
 um, argentum vivum, aliaque  
 mineralia vilioris pretii. Salis,  
 quantum sufficit, fontes suppedi-  
 unt; etsi loca, quibus mare aut  
 umina navigabilia favent, im-  
 portato ex Gallia, Lusitania aut  
 atavia jam frequenter utantur.  
 rumentum, & fructuum varii gene-  
 s, lignorum, eorum quæ ad rem  
 estariam faciunt, affatim, ut &  
 quorum, armentorum, peco-  
 rum, & ferarum. Nec, quie brie-  
 ti generandæ inserviunt, liquo-  
 es Germania desiderat. Sic ut

in universum Germania opulenta  
possit æstimari Regio. Nam præ-  
terquam quod materiam num-  
morum ipsa generat, omnia fere  
producit, quæ ad necessitatem  
aut delicias vitæ humanæ faciunt,  
ut non incolis solum sufficiant,  
sed & exteris communicari pos-  
sint. Et quibus aliunde impor-  
tatis utitur, vel eorum, quæ expor-  
tantur, copiam non excedunt,  
vel talia sunt, ut facile iis carere  
possent Germani, si luxuriam  
compescere, aut socordiam in-  
eptiamque nosset exuere. Quam  
facile enim erat contentis vino &  
cerevisia sua, aut, si hæc ad ebrieta-  
tem nondum sufficiebant, adjun-  
ctis vini adusti tartareis ardoribus,  
ignorare Hispanica aut Gallica vi-  
na? Quam facile item, vestiri pan-  
nis ex propria lana confectis, suos  
que relinquere Hispanis, Anglis  
& Batavis? Aut si horum elegan-  
tia

tia arridebat, debuerant artem illam melius excoluisse indigenæ opifices. Neque vero serico nostro carere Germanis grave erat. Aut si omnino nitidius vestiri sedebat, saltem tractus ad Rhenum uberrime morum ferebat, si à sordida sua isti populi possent impetrare, ut præter vineas aliquid magnopere colendum sibi sumerent. Suppetente bombycibus pabulo, licebat à nostratibus modum tractandi serici addiscere. Porro uti illud simplicitati gentis fortasse ignoscendum, quod imitando Gallicas vestium formas politio rem sese reddi credit; ita crassissima est stultitia, etiam à Gallis telas levidenses sæpe aut absurdas petere. Nam nauci etiam rebus Gallici nominis admiratio apud istos pretium addit. Quod autem Galli artifices tam sæpe pannorum & telarum genera va-

rient, non tam levitas est, quam astutissima solertia. Hoc modo enim prohibent, ne Germani artifices apud se quoque ista opera imitentur. Quanquam plerisque horum ea est stoliditas, ut sibi tantum non nefas esse putent, à modo operum semel recepto discedere; nec sibi politius quid putent faciendum, quia majoribus suis id fuit ignoratum. Denique aromatibus, saccharo, aliisque ex utraque India petitis longe parcius uti posset Germania, si luxuriæ frena ponere nosset.

III. Sed nec Germania deficitur mediis, quibus aliorum opes ad sese queat trahere opera commerciorum. Ad ea, præter solertiam indigenarum, requiritur & situs opportunus ad externos commercandi, eosque recipiendi, & ut supersit indigenarum usibus, quod ad externos possit exportari. Situs

exer-

mercendis commerciis valde opportunus est iis urbibus, quæ mari æqueo aut Baltico alluuntur; mediocris, quas navigabilia flumina perstringunt, propter vectigalium importunitatem. Terrestres merces via transvehere, parum onerosum. Quæ ex Germania exportantur, hæc fere sunt. Ferrum varia ex eo confecta instrumenta, plumbum, argentum vivum, ceræ, viscia, vinum adustum, lignum, lana, panni lanci filiores, varia telæ lanæ atque sericeæ; equi, oves, & si quæ sunt alia. Non tamen diffiteor, in quibusdam Regionibus Europæ maiorem, quam in Germania, pecu-  
 æ copiam apparere. Cujus rei non una videtur causa. Quid enim mirum est, exhaustam ex parte esse regionem, in qua triginta per annos Mars est grassatus; quæque non intestino tantum militi, sed

Q s etiam

etiam exteris in prædam patuit. Deinde sunt Regiones Europæ, quæ ad commercia cum exteris exercenda longe commodiorem obtinent situm, quam Germania. Nam maris opportunitate paucæ duntaxat urbes Germaniæ gaudent; cum contra vehementer faueat mare Angliæ, Italiæ, Hispaniæ, Lusitaniæ, Galliæ, Belgio. Dantur præterea Regiones, quæ alias sibi terras habent subiectas, quæque adeo omnes earundem opes velut in angustum constipatas uno obtutu repræsentant, uti est Hispania, Lusitania, Anglia, Belgium. Germania extra se nihil possidet. Solet quoque exterrorum oculos perstringere splendor & amplitudo primariarum urbium in quibusdam Regnis, intra quas maxima vis opum confluit. Sic multi imperiti ex Lutetia de tota Gallia, aut ex Londino solo & Ulyssi-



Ulyssipone de Anglia & Lusitania  
indicant. Germaniæ autem opes  
in tam vasta Regione dispersæ te-  
nuiores easdem apparere faciunt.  
Nec modica pecuniæ vis ad exte-  
ros transfertur per stultitiam Ger-  
manorum, dum ab istis merces  
petunt, quas vel apud se producere,  
aut quibus omnino caruisse in-  
roclivi erat. Nescio, an & hoc  
addi debeat, per discursationes ju-  
uentutis Germanicæ ad exteros  
non parum argenti extra natale  
solum trahi. Nam etsi crassitiem  
genii Teutonicæ conversatione  
exterorum temperari fors non in-  
tile fuerit; tamen merito ludi-  
rium, an miserationem, meren-  
tur, qui ex Italia nostra nil nisi de-  
ficias quasdam vitiorum Transal-  
pinis inusitatorum, & formulas  
blasphemandi rariores domum  
reportant. Neque vero Gallia ple-  
osque peregrinatores aliis instru-  
ctos

ſos artibus dimittit, quam ut ſordidius tuburcinari deinceps norint, gradusque Veneræ ſcabiei ex propriis ut plurimum experimentis recensere. Nonnullis tamen lucro habetur, Italiam & Galliam vidiffe, quos in patria tot per ambages ad inania titulorum ſcholasticorum tædet adſpirare. Nam apud nos minori cum pudore & ſumtu domum licet reportare titulum Doctóratús & inſci-  
tiam. Etſi apud iſtos quoque ſat rudi ex ligno tales Mercurii effigiantur.

IV. Enimvero cum nemo robustus aut debilis poſſit pronunciari, niſi cum aliis com-  
paretur, diſpiciendum porro eſt, quomodo vires Germaniæ ad vicinos ſeſe habeant. Contingit igitur Germania unâ ex parte Imperium Turcicum in Stiria, & quæ tanquam iſtius propugnacula poſſunt  
haberi,

beri, in Hungaria & Croatia;  
nas salvas manere, istius maxime  
terest. Ubi manifestum est, ut  
Turcæ ex latissimis suis ditio-  
bus longe gravius auri pondus  
deat; ac fortasse ampliore homi-  
um turba campos possit inunda-  
; eundem tamen Germaniæ pa-  
m videri metuendum. Nam  
ingit iste Germaniam extrema  
ntaxat & modica ora sui Impe-  
qua illud velut in cuneum te-  
atur, & quidem procul à sede  
gni primaria. Sic, ut non sine  
axima molestia Turcis bella  
ungarica gerantur. Præterquam  
im quod Turcicus miles, si  
ætorianum Turcæ militem ex-  
bias, Germanis bene exercitatis  
ut quidquam par sit, magno  
olimine ex Asia copiæ sunt  
nsferendæ; coelo asperiori pa-  
m affuetæ, & hyemis impatien-  
s. Et postquam omnes vires in  
extre-

extremam Imperii oram sunt collectæ, oppositæ partes in Persidem vergentes intumescere solent. Cumque vicinæ Regiones, Servia, Bulgaria, & ipsa Hungaria Turcica non sufficiant alendæ diu tantæ multitudinî, terrestri itinere difficili & longinquo commeatus est subvehendus; postquam magno Germaniæ bono versus Orientem Danubius evolvitur. Et vix unquam ultra quartam suarum virium partem adversus Turcam vertit Germania, eamque plerumque inter Ducum ignaviam aut discordiam, pecuniæque & disciplinæ defectum destitutam. Et tamen plura Germanorum de Turcis, quam horum de illis, troppæ extant. In vulgus autem Turcarum nomen factum est formidabile, tum propter truculentos ipsorum mores; tum per astutiam Austriacorum, isto terriculamento

ento crumenas exenterantium;  
cedentibus Sacerdotum clamo-  
us, & vaticinandi prurigine.  
am & horum interest, plebis  
imos pavoribus agitari.

V. Italia & viris & opibus Ger-  
aniâ longe inferior, ac in plures  
artículas discerpta ad vim aliis fa-  
endam fere est inhabilis. Quin-  
tis habemus, quod Germani Im-  
ratores antiquum in Italiam jus  
non eant renovatum; præsertim  
m per impietatem seculi reve-  
ntia fulminis Pontificii, quod  
pe istos in terrorem quondam  
derat, nunc penitus videatur  
olevisse. Helvetio vicino ni-  
l commodius, cui sua duntaxat  
eri, alieni nihil affectare; & pro-  
esse potius quam nocere lex est.  
ec Polonia ulla in parte Germa-  
æ sese audet comparare. Et cum  
tiones Reipubl. Polonicæ postu-  
nt, sua potius servare, quam alic-  
na

na concupiscere, quam modesti-  
am Germanos quoque suæ Reip.  
conditio docet, vix adparet occa-  
sio, quæ duas illas nationes bello  
possit committere; nisi forte ali-  
quis Germaniæ Principum Pólo-  
norum sese intestinis discordiis  
miscuerit. Danis hætenus ne ad  
Hamburgum quidem subjugan-  
dam vires fuere; nedum ut contra  
universam Germaniam sperare  
quidquam possint, ad omnes vi-  
cinorum Suedorum motus trepi-  
di. Anglia quousque insultet O-  
ceano suo, Germanis parum curæ  
est. Et uti illa continentem ten-  
tare frustra præsumserit: ita his  
nullæ vires maritimæ, quæ cum  
Anglicis comparatæ momentum  
possint habere. Belgis foederatis  
nec voluntas est nec facultas, in  
Germaniam aliquid moliendi.  
Nam nec ipsi ad militiam terre-  
strem fere idonei, aquatiles ani-  
mantes;

antes; & utut pecunia superfit,  
 utquidquam libertati ipsorum  
 pedit, numerosum terra alere  
 erciturum. Igitur satis habent,  
 Germani per vim non cant re-  
 titum urbes, quas ipsi præfidiis  
 sedere, muniendis contra Hi-  
 anos suis finibus. Hispanici  
 rtes Imperii, quæ Germaniam  
 ntungunt, cum hac nulla parte  
 mparari possunt. Ipsa porro  
 hispania longe remota & viris  
 hausta, nec Lusitaniæ, tantillo  
 gno, subjugandæ sufficiens.  
 uin Carolus V. tunc florenti  
 am maxime Hispaniæ impe-  
 ns, & ditionibus Austriacis at-  
 ue autoritate Cæsarea subnixus,  
 equidquam opprimere reli-  
 am Germaniam tentavit. Sue-  
 a, utut ei annumeres provincias  
 ermanicas nuper partas, reliqua  
 ermania & numero virorum &  
 oibus multis partibus est infe-  
 R rior.

rior. Nam quod simplices aliqui de viris dubitavere, moti partim obsoleto vocabulo vaginæ gentium, partim progressibus Suedorum nupero in bello; id quale sit, cordatioribus satis constat. Scilicet spatio XVIII. annorum, ex ipsa Suedia non supra septuaginta militum millia sunt emissa, quorum multi in patriam iterum reverterunt: cum tamen, durante isto bello, vix unquam infra centum millia Germanorum, sæpe supra, in armis fuerint. Causa vero tantorum progressuum erat Germanorum discordia & occasionis opportunitas, & quod Protestantes ab Austriacis pressi velut cœlitus demissum præsidium Regem Gustavum susciperent. Circa florentissimū hodie Galliæ Regnum probabilius dubitari potest. Sed tamen, si utriusq; vires in se spectentur citra commoda aut morbos, quo-



uorum illa Galliæ ex regulari sua  
Monarchia, hi Germaniæ ex disso-  
luta Reipubl. forma surgunt; pro  
Germania fuerit pronunciandum.  
Nam & longe amplior est Germa-  
nia, quam Gallia; & ut ut fertili-  
tas utriusque par sit, subterraneæ  
tamen Germaniæ opes longe su-  
perant. Nec Gallia virorum nu-  
mero excellit; & Germanum mi-  
nem Gallo non concedere, mul-  
tis speciminibus fuit ostensum.  
Circa vim pecuniæ non ita liqui-  
do pronunciari potest. Nam sane  
quantum auri paucis annis mo-  
dernus Rex congefferit, præcipue  
cum veteres illas spongas expri-  
mit; & quid in annuis redditibus  
habeat, non sine admiratione per-  
cepimus. Considerari tamen si-  
mul debet, plebem in Gallia lon-  
ge asperius tributis & vectigalibus  
exauriri, quàm in Germania; & ibi  
omnes opes Regni in unum vel-

ut alveum confluere, qui tamen non parum attenuandus fuerit, si extranei merces Gallicas, quibus facile carere possunt, petere desiderint; Germaniæ autem reditus, inter tot Principes divisi, quanti sint, ita liquido apparere non possunt.

VI. Sed ut ut singula regna præponderet Germania, quid tamen fiet, si multa junctis viribus eandem invaserint? Heic initio observandum est, quorundam rationes non ferre, ut simul in Germaniam conspirent. Quorundam etiam vires tantas non esse, ut ad Germaniam aliquid momenti habeant. Deinde non concessuros cæteros, ut unus aut alter, oppressa Germania, tanta opum accessione gaudeat, quibus suffulto facile sit, toti Europæ leges præscribere. Adeoque nunquam defuturos, qui ad Germaniam servandam sint connisuri. Tres igitur

tur sunt, qui velut Principes aut capita fœderum sese videntur ferre posse ad invadendam Germaniam; Turca, Domus Austriaca, & Gallus. Cum Turca, non est probabile, ullum Christianorum Principum in Germaniam aperte conspiraturum, ne ipsum Gallum quidem. Nam fœdera, quæ superiori seculo Gallo cum Turcis intercedebant, hoc spectabant, ut vires Caroli per hos distinerentur, quæ tunc Gallis erant prægraves. Sed tale fœdus, in quo de Germania junctim invadenda & subjungenda conveniatur, non erit metuendum; cum & impium & stolidum sit futurum, barbari istius incrementis tantopete velificari, qui pari odio in omne Christianum nomen fertur. Quin, uti Galliæ magis expedit, Germaniam in præsentis statu relinqui, quam insignem ejusdem partem

R. 3. in.

in Turcarum manus cadere; ita  
 & ipsis Turcis optabilius est, Ger-  
 manix statum informem & ad  
 alios invadendos inhabilem re-  
 linqui, quam cum Gallia conjun-  
 ctam ad leges Monarchix refor-  
 mari. Nam si duo ista Imperia in  
 unam massam bona fide coaluif-  
 sent, haberet Turca, quare Con-  
 stantinopoli suæ metueret. Do-  
 mus Austriaca ut reliquam Ger-  
 maniam Regio complectatur im-  
 perio, nulli vicinorum optandum  
 fuerit; nec puto ullum fore tam  
 dementem, ut conatibus istis sub-  
 sidii quid velit afferre. Imo, uti  
 Hispaniæ, quidem vires pro Au-  
 striacis sunt; ita aperte hisce se op-  
 ponent Galli, Suedi & Belgæ fœ-  
 derati; eo promptius, quod istis  
 nunquam sine præmio fuit, Ger-  
 manorum libertati suppetias tu-  
 lisse. Quin nec Pontifex nimium  
 videtur Austriacis heic fauturus.

Nam

am utut, tot myriades ovicula-  
 rum errantium ad Ecclesiam revo-  
 casset, summo Pastori gloriosum  
 foret; ita quantovis animarum  
 detrimento redimendum videtur,  
 ne Germanus aut Hispanus nimia  
 subnixus potentia in res Italiæ sibi  
 arbitrium sumat. Quod si deni-  
 que Gallo Germaniam invadere  
 in mentem venerit, apertos iti-  
 em adversarios experietur, Hispa-  
 nos, Anglos, Italos, Belgasque fœ-  
 deratos; quorum hi nescio quam  
 superstitiose memores videntur  
 antiqui diciturii: Francum ami-  
 cum habueris, vicinum non ha-  
 bueris. Dani fortasse non adeo  
 sint formidaturi clientelam Galli-  
 cam subire, dummodo per istam  
 perpetuus metus ab invissimis si-  
 bi Suedis dispelli posset. In Suedo-  
 rum societate plurimum videtur  
 momenti positum, cum primis  
 si bellicosus ipsis Rex contigerit.

Dudum tamen prudentioribus animadversum, Gallos quidem velle uti Suedorum opera non gratuita; verum ita, ut, quod inde partum fuit, solius Galliarum incrementis accedat. Id vero nequidquam Gallis ad palatum, quod Suedi Gallico auro propriam potentiam eousque eant promotum, ut facile deinceps Gallorum amicitiam possint negligere. Ex adverso Suedi stultum putant, pro Gallorum magis utilitate, quam propria, contendere. Neque sunt tam hebetes, quin perspiciant, ubi Gallus rerum in Germania fuerit potitus, ipsum non minus Suedis, quam aliis vicinis, leges dictaturum. Et inde etiam aliquandiu inter populos istos amicitia repidius culta; Galloque compendiosior via fuit visa, nonnullos Germaniarum Principes, in primis Rheno vicinos, foedere, & uti fama fert,

fert, annuis stipendiis sibi illigare, in universum sese sollicitum pro Germania ostentare, controversiis Principum componendis sedare, in pecunia & milite petentibus submittendo alacrem se exhibere, id denique agere, ut, quibus auxilio aliquo opus est, intelligant, certius sibi præsidium in amicitia Gallica, quam in Cæsare legibusque Imperii, positum. Hoc modo planissimum sterni aditum subruendæ Germanicæ libertati, stupidus sit, qui non animadvertat; præsertim si stirpem masculam Austriacam deficere contigerit.

VII. Enimvero isthæc Germanici Imperii moles, quæ in iusti Regni formam redacta toti Europæ futura erat formidabilis, per intestinos morbos & convulsiones ita debilitatur, ut ægre sibi ipsi defendendæ sufficiat. Causa pri-

R s maria

maria mali est ex inconcinna ma-  
leque digesta Reipubl. compage.  
Quantumvis magna hominum  
multitudo uno homine robustior  
non est, quamdiu quilibet sibi soli  
tendit. Omne ex conjunctione  
robure est. Et quatenus plures in  
unum corpus naturale non pos-  
sunt coalescere, multorum vires  
uniuntur, dum uno consilio velut  
una anima reguntur. Ista unio  
quo arctior & concinnior, eo va-  
lidior existit societas; laxitatem  
pravamque membrorum combi-  
nationem necessario debilitas,  
morbi que comitantur. Perfectis-  
sima unio, & ad diuturnitatem  
cum primis apta, in Regno rite  
composito cernitur. Nam Ari-  
stocratix, præterquam quod vix  
commode possint subsistere, nisi  
ubi Reipubl. alicujus vires præ-  
cipuæ in unam urbem colligun-  
tur, Monarchiis sua natura fragi-  
liores



liores sunt. Serenissimæ enim Reipubl. Venetæ inter miracula duntaxat est locus. Ex pluribus civitatibus per foedus coagmentata systemata longe laxius coherent, & facilius turbari aut dissolvi possunt. Ut tamen qualiscunque firmitas istis systematibus constet, necessarium cumprimis est, ut sociæ civitates eandem habeant Reipubl. formam, nec viribus inter se multum sint dispares, utque ex ista conjunctione in singulas par utilitas redundet. Deinde ut maturo consilio, legibus prius rite conceptis, in societatem coiverint. Nam qui temere & velut impetu quodam in societatem ruunt, futuro statu prius non curate pensiculato & digesto, non magis concinnum aliquod corpus deinceps formare possunt, quam elegantem formabit vestem sartor, qui pannum prius in frustra

frustra secuerit, quam constiterit, muliebris an virilis sit vestis facienda. Est & illud dudum observatum, vix unquam Monarchias cum Civitatibus liberis in foedera, etiam temporaria, bona fide coalescere, nedum ut perpetuo jungi sint idoneæ; Principibus plebejam libertatem aversantibus, plebe Principum fastum horrente. Illa porro est humani perversitas ingenii, ut vix æquo animo pari secum jure degentem adspicere possit, quem viribus inferiorem videt. Et communia onera ferre detrectat, qui nullam aut exiguam partem communium commodorum sibi relinqui animadvertit.

II X. Cæterum Germania eo est habenda ægrior, quod in eadem junctim reperiantur morbi, tam qui ex regno male formato, quam qui ex systemate sociarum civitatum indigesto redundant. Imo  
inter

inter præcipuos hicce morbus est, quod ad neutram harum specierum Resp. Germanica exacte quadrer. Exterior facies & inania simulacra Regnum aliquod præ se ferunt; antiquissimis quoque temporibus Rex erat revera id, quod audiebat. Post hujus autoritas deminuta, & gliscentibus Ordinum opibus & libertate, vix umbra quædam Regii imperii remansit; qualis fere cernitur in iis, qui corpori alicui sociorum velut duces præsunt. Inde perniciosissima convulsio corpus Imperii distrahit, in diversa tendentibus Imperatore & Ordinibus; dum ille ad Regiam potestatem velut postliminio quibusvis artibus grassatur; hi vero partas semel opes obnixè defendere satagunt. Ex quo non possunt non perpetuæ suspensiones, diffidentia, occultæque machinationes oriri, præpedien-

dis

dis alterius incrementis, aut infringendæ cæterorum potentia. Quod & ipsum efficit, ut tam robustum cætera corpus, ad externos invadendos aliquidq; adquirendum velut enerve deprehendatur; cum nova incrementa Cæsari nolint accedere Ordines, neque tamen eadem inter omnes æqualiter possint distribui. Quam monstruosum igitur vel hoc solum, quod caput adversus membra velut in partes descenderit. Inter ipsos porro Ordines variæ distractiones diversis ex causis proveniunt; quæ efficiunt, ut ne concinnum quidem sociorum systema Germania præ se ferat. Ipsi Ordines dispari Reipubl. forma utentes male inter se compositi; dum intermixtæ passim Principibus degunt liberæ civitates. Urbes, cum plerumque commerciis floreat, opulentia sua Principum  
invi-

invidiam accendunt, præsertim cum ejusdem pars ex ditionibus horum eo confluerit. Neque negari potest, quasdam urbes ad lienis instar intumuisse, vicinorum Principum terris ad maciem redactis. Est quoque proprium Nobilitati, plebejos contemnere, qui tamen sæpe suis sibi nummis non minus placent, quam isti suis imaginibus aut exhaustis ditionibus. Denique nonnulli istas urbes velut dominatum sibi exprobrantes adspiciunt, subjectorumque conditionem comparatione vicinæ libertatis impatientius ferri deprehendunt. Hinc invidia, contemptus, insultationes, suspensiones, insidiæ. Quæ omnia tamen acrius & manifestius existunt inter Episcopos, illasque urbes, in quibus isti cathedrales suas Ecclesias habent. Quanquam & in ipsis Comitibus Principes uni-  
versi

versi non leve fastidium adversus Collegium Urbium ostendent, Imperatore contra Urbes fovente, quippe apud quas majoris fere suam auctoritatem fieri, quam alios apud Ordines, sentit. Sed nec usquequaque propitiis sese oculis invicem adspiciunt Principes Seculares & Ecclesiastici. His in eadem classe præ istis priorem locum assignat sanctimonia muneris, & quia sine dubio per calvarium largius sese Numen infundit, quam per intonsoos vertices. Unde & eorundem maxima quondam in Republ. seculis barbaris auctoritas. Secularibus autem nescio quam molestum videtur, istos ex inferiori ut plurimum Nobilitate tam repente in pari aut eminentiori fastigio collocatos, & Dei gratiam præscribentes, adspicere. Præsertim cum illam dignitatem ad posteros suos continuare

tinuare non liceat, & familia ipsorum intra priorem conditionem subsistat; nisi quod multi Episcopi, sanctissimi Patris nostri exemplo, suis agnatis per beneficia Ecclesiastica & donationes sar laute soleant prospicere. Contra habent Ecclesiastici quare merito Secularibus irascantur, quippe per quos multi eorum abdomina coeperunt gerere multo pressiora; qua dere infra plura. Illud quoque non parum ad distractionem Ordinum facit, quod inter multos magna sit opum inæqualitas. Hinc enim, vitio humani ingenii, potentioribus oritur contemptus adversus imbecilliores, & libido eosdem opprimendi; his contra in suspiciones & querelas pronis, ac libertatis æqualitatem quandoque importunius crepantibus. Sed & eminentia Electorum præ reliquis Principibus non levis

S                      dissidii

diffidii causa, his tantum splendorem ægre ferentibus, ac nonnulla præter jus usurpari jactantibus; illis pro jure atque autoritate sua strenue nitentibus.

IX. Nondum morborum saturat, ni efficacissimum alias animorum velut coagulum Religio Germaniam in partes distractam asperrime collideret. Neque sola odiorum causa ex opinionum diversitate, & quod Sacerdotibus solenne sit, diversa sentientibus cœlo interdicere; sed quod per Protestantes Catholici Sacerdotes magna opum suarum parte sint exturbati, quarum desiderium ad easdem recuperandas noctes diesque ipsis stimulos subdit. Cum isti, semel invasa dimittere, ignavum judicent. Imo sunt, qui in universum nimias Sacerdotum opes Reipubl. prægraves judicent; Præsertim cum Sacerdotes & Monachi



nachi ab alio dependeant capite,  
 extra Rempubl. Germanicam  
 constituto, cui nunquam in Ger-  
 manos sincerus amor; & cui Se-  
 culares omnes perire votum sit,  
 modo affectu sui rebus gaudeant  
 quam florentissimis. Hoc enim  
 modo peculiarem velut statum in  
 media Republ. fundari, adeoque  
 bicipitem fieri Rempubl. in pro-  
 patulo est. Id quod plurimi,  
 queis major patriæ quam Eccle-  
 siæ Romanæ amor, pessimo pu-  
 blico contingere judicant. Nec  
 minus illud perniciosum, quod  
 Ordinum Germaniæ quidam non  
 inter se modo, sed & cum exteris  
 peculiaria inire fœdera gaudent,  
 eo securius, quod Pace Olnabru-  
 gensi id expresse permissum. Quæ  
 res non solum Principes Germa-  
 niæ in factiones distrahit, sed et-  
 iam exteris fœderi innexis facultate  
 præbet Germaniam pro lubi-

tu suo temperandi, & demum occasione data sociorum ope contra universos invalescendi; præsertim cum talia fœdera cum exteris non modo contra alios externos, (id quod aliquo modo ferri posset,) sed etiam contra ejusdem Imperii membra quærantur. Sed & Astrææ vestigia per Germaniam fere evanuerunt. Ubi enim Ordinibus inter se aliquid litium oritur, (id quod in tanto ipsorum numero, & interscindentibus se mutuo territoriis, frequenter contingit,) si Camera aditur, post seculum demum controversiæ finis est expectandus. Apud Judicium Aulicum gratiæ & corruptionibus aditum non satis anxie interclusum metuitur. Nec desunt, qui suspicentur, Tribunal illud nimium meminisse loci, in quo sedem fixit. Inde per Germaniam jus fere in armis, & qui viribus pollet,

pollet, causa quoque prævalet, si-  
bique ipsi facere executionem  
non veretur. Denique quam e-  
lumbem hoc arguit societatem,  
quod neque commune ærarium,  
neque communis miles Germa-  
niæ est, repellendis quorumvis ex-  
teriorum insultibus, aut compa-  
randa una vel altera provincia, ex  
cujus redditibus communes Rei-  
publ. sumtus tolerarentur. Et  
quanto satius fuerat, Germaniam  
in proprios usus consumere illos  
homines pacis impatientes, qui  
per omnem fere Eutopam venia-  
lem sanguinem circumferunt.

X. Intercedunt quoque singu-  
lis Ordinibus non paucæ invicem  
æmulationes & controversiæ;  
quæ & ipsæ totius corporis vires  
non parum convellunt. Nobis  
præcipuas tantum attigisse heic  
sufficiat. Est adversus domum  
Austriacam omnium Principum,

invidia, aut suspicio propter diuturnam Cæsarei fastigii possessionem & nimiam potentiam. Inter domum Palatinam & Bavariam, præter antiquum odium, controversia super Vicariatu Imperii agitur, nescio quomodo finienda, cum illa jure, hæc potentia nitatur. In domo Saxonica linea Ernestina invidet Albertinæ, ob translatum ab hac in illam Electoratum. Elector Brandeburgicus nunquam bona fide digere potest interceptam per Suedos Pomeraniæ partem præcipuam. Electori Palatino dudum succensuerunt vicini quidam propter jus unum aut alterum, quod ipse in eorum ditionibus habet, quàm obrem nuper ab istis ad arma provocatum. Vix quoque penitus evanuisse putem memoriam controversiarum, quæ circa ditionem Marpurgensem familiam Hassi-

cam

cam quondam commiserunt. Nec  
fida satis pax inter Electorem  
Brandenburgicum & Palatinum  
Neoburgicum, propter heredita-  
tem Juliensem. Minoris mo-  
menti lites quis enumeraverit?  
Quin & inanes super præcedentia  
controversiæ nonnullorum Prin-  
cipum animos odiis distinent.  
Tanta morborum colluvies effi-  
cit, ut inter minores nævos re-  
ferendus sit tædiosissimus proces-  
sus in causis potissimum civili-  
bus, per quem etiam liquidissi-  
mum jus in plura lustra eludi  
potest. Nec minus monetæ varie-  
tas per Germaniam commerciis  
privatorumque patrimoniis mul-  
tum incommodi affert; etsi ipso-  
rum nummorum commendari  
mereatur modestia, quod tenuita-  
tis suæ verecundiam ipso colore  
non obscure præ se ferant. Quod  
enim aliqui Principes luxuriæ

duntaxat venationique sint dediti, nulla aut exigua publicæ privatæque rei habita cura, id hominum vitium est, non Reipubl. nec ab isthoc malo aliæ civitates immunes conspiciuntur.

## CAPUT IIX.

## De Ratione Status Imperii Germanici.

- |  |   |
|--|---|
| <p><i>I. Propositum Autoris.</i></p> <p><i>II. Recensentur sex leges seu Rationes Status, quas in Statu Germania observandas censet Hippolythus à Lapide.</i></p> <p><i>III. Remedia sex, qualia idem curandis Germania morbis præscribit, expendantur.</i></p> <p><i>IV. Autoris sententia circa media, quibus Germania sanari possit aut conservari.</i></p> <p><i>V. Religionis diversitas, quare magis</i></p> | <p><i>Germania noce-rit, quam provin- ciis aliis.</i></p> <p><i>VI. Ex conditione rerum humanarum repetitur alius.</i></p> <p><i>VII. Specialius indagatur, qualis sit velut genius triplicis Religionis, in Germania recepta, &amp; quomodo dogmata Theologica ad rationes politicas quædrent; primo Lutheranorum: deinde Calvinianorum,</i></p> <p><i>IIX. Ab his discrepat indoles Religionis Catho-</i></p> |
|--|---|

*Catholica, & quomodo.*

*IX. De abusibus circa Monasteria, bona Ecclesiastica, Canonici occur- rentibus differitur.*

*X. Quomodo Protestantes in suis terris emenda verint, & cur apud Catholicos Principes idem factum non sit. Cum conclusione operis.*

**Q**uid morborum in visceribus Germaniæ lateat, clare credo apparuit. De remediis non paulo operosior disquisitio, & quæ à persona extranei & peregrinatoris aliena videri possit, ni ea gentis Teutonicæ humanitas foret, ut extranea potius quam sua gauderet admirari. Et facilem, spero, dabunt cordati veniam innoxie libertati hominis à studio partium remoti, cui post patriæ incolumitatem nihil magis in votis, quam ut florentissimo statu gaudeat integerrima nationum. Antequam autem nostram mentem explicem, operæ pretium puto fuerit, paucis discussisse medicamen-

S 5 ta,

ra, quæ supra citatus *Hippolitus* à *Lapide* ægrotanti Germaniæ propinat. Ista enim etsi non pauci fuerint admirati; tamen semper nobis nescio quam male temperata visa fuerunt.

II. Primo igitur iste promulgat sex leges, quas ipsi *Rationes Status* vocari placuit, quæ observandæ sint in tali Reipubl. forma, qualem ipse Germaniæ affingit; in Aristocratia nimirum, ubi summa rerum est penes Optimates, simulacra potestatis Regiæ in Principe. Dicitur ergo I. studendum esse concordiæ, & à factionibus abstinendum. II. Ne diutius Imperatoria dignitas in eadem familia continetur, ne scilicet per diuturnam simulacrorum usurpationem solidum dominatum invadendi libido subeat. III. Licet in unum conferatur Principatus, cum potestate dirigendi & moderandi



derandi functionem singulorum  
ad commune bonum & Reipubl.  
unionem; Proceribus tamen cla-  
vum Reipubl. semper in manu  
retinendum, ac potestatem de  
summa rerum decernendi in Co-  
mitiis exercendam; quæ hanc ob  
causam frequenter habenda, sal-  
tem Senatum aliquem perpetu-  
um constituendum, qualis supe-  
rioris seculi initio erat Regimen-  
tum. IV. Ut simulacra duntaxat  
Majestatis Principi relinquantur;  
ipsa vero jura & potestas Reipubl.  
reservetur. V, Ne Ordinum Im-  
perii vita, fortuna ac fama solius  
Imperatoris arbitrio subjaceant.  
VI. Ne militia & loca munita  
ejusdem solius potestati commit-  
tantur. Multus deinde in eo est,  
ut ostendat, variis modis contra  
istas leges tam à Cæsare, quam à  
nonnullis Ordinum fuisse pecca-  
tum, non sine acerrima infecta-  
tione

tione domus Austriacæ & quorundam Electorum. Enimvero utut istæ leges omnino spernendæ non sint; cum tamen, Aristocratiam non esse Germaniam supra sit ostensum, solis hisce legibus salutem Germaniæ contineri frustra creditur.

III. Inde sex remedia idem præscribit curandis Germaniæ morbis. Primo loco commendat studium concordiæ, & generalem amnestiam, ac abolitionem omnium gravaminum, quæ odia invicem aluntur: ac ne ob Religionis diversitatem in partes discedatur, eamque ob causam publica salus negligatur. Hoc remedium declamationi Scholasticæ copiosum potest præbere argumentum; in usum autem Reip. Germanicæ tunc demum applicari poterit, quando omnes Germaniæ Procures sapere incipient,

&

& animi motus ad leges Philosophicas exacte attemperare. Deinde jubet extirpari domum Austriacam, & bona ejus in fiscum redigi. Hoc vero est, carnificem, non medicum, agere. Quasi vero excidium statim mereatur, cui opes mediocritatem excedentes contrigere. Sed pareamus tam duro decreto. Quis vero securim admovebit extirpandæ potentix, tanta terrarum spatia complexæ, & quam uni aut duobus non accrescere totius Europæ interest? Germaniæ procerum pars in eam domum affectu prona; multi extra odium; cæteri tantæ moli subvertendæ haut quidquam pares. Adsciscendi ergo socii, & quinam alii, quam Galli & Suedi? Nam hi, cum talia Hippolithus scriberet, omnibus modis hoc agebant; magno apud imperitos adplausu jactantes, abs se se libertatem Germaniæ

mania vindicari, per Austriacos  
 oppressam. At incivile fuerat,  
 tantum ab istis laborem gratis po-  
 stulare. Nec adparebat quaestor,  
 qui praedam tam religiose in fi-  
 scum redigeret. Quin potius au-  
 gurantur homines non absurdi,  
 siquidem conatibus hostium do-  
 mus Austriacae eventus responde-  
 at, fore, ut Ordines Imperii anti-  
 quam illam ranarum querimo-  
 niam instaurent, quae pro trabe ci-  
 coniam Regem erant sortitae. Post  
 sublatam domum Austriacam, ca-  
 pite tamen non vult destitutam  
 esse Germaniam. Jubet igitur, ali-  
 um eligi Imperatorem, cui ex lo-  
 cis suis communibus splendidum  
 virtutum satellitium circumpo-  
 nit; sed ut inani tantum titulo  
 fulgeat, & potestate regia destitu-  
 tus, directoris & magistratus vice  
 fungatur. At qui talis praeses aut  
 director usum potest habere in ali-  
 qua

qua civitate Aristocratica, ubi proceres in una urbe domicilium obtinent. Quod si nihil præterea potestatis ipsi foret commitendum, non video, quorsum omnino Imperatore Germania opus habitura sit, ubi ad puram Aristocratiam ea fuerit redacta. Quantum tamen potestati sui Cæsaris Hippolithus subtrahit, tantum redditibus ejusdem videtur velle adjicere. Esurire tantum Principem, turpe foret. Igitur in patrimonium Imperii destinantur ditiones Austriacorum; & ubi hæc forte non suffecerint, Electores jubentur restituere, quæ abs Carolo IV. ipsis donata aut confirmata. Atqui videtur humanæ indolem animæ ignorare, qui tantis opibus subnixum in tantillæ potestatis gyrum æquo animo redigi credit. Sed nec post exequias domus Austriacæ tam faciles

les erunt Electores, ut restituant, quæ per tria & amplius secula quiete possederunt. Præterquam enim, quod longe hebetiori sunt ingenio Principes, quam ut capere queant, quæ super restitutione bonorum minus recte partorum Confessionarii crepant; non deest Electoribus, quod cæteris Ordinibus reponant. Nam, credo, non paucis ad tenues satis casas foret redeundum, si de quibuslibet accessionibus tam superstitiosa ratio esset reddenda. Ergo æquissimum fuerit, ut quilibet, quæ diu possedit, deinceps quoq; retineat. Quarto loco monet Hippolithus, confidentiam mutuam inter Ordines restituendam, diffidentiam eradicandam. Id quod futurum, si gravamina utrinq; amica compositione è medio removeantur, quorum pleraque ex dissidio Religionis ortum habent. Atqui cum  
eadem

eadem in primo remedio fuerint comprehensa, quid opus erat, peculiarem inde pixidem implere? De constituendo Regimento, Comitibus ob gravia negotiorum convocandis; de tollendo Consilio Aulico; de alendo item exercitu perpetuo & constituendo ærario militari, cui alendo adhibendæ sint Annatæ, quid judicandum sit, quæ paulo post subjiciemus, indicabunt.

IV. Supererat, ut & nos myrothecia nostra explicaremus, num in istis deprehenderetur aliquid, quod febricitanti Germaniæ ad palatum foret. Verum merces ultroneas putere, certum est; ac sine dubio cordatiores non suaserint, aliorum sese morbis ultro offerre; cum salutaria etiam suadentibus medicis ac mercede conductis iracundi ægroti conviciorum affatim soleant ingerere. Quin  
T &

& ludibrium nasutioribus debent, qui in privata vita constituti ambitiose leges præscribere non dubitant iis, qui ad Reip. clavum sedent. Sed in proclivi est civilis prudentiæ peritis, cognito Reip. morbo, remedia perspicere. Ne tamen truncum sine videatur opusculum, paucula duntaxat subjecisse suffecerit. Judicaverim ergo, fundamenti loco supponendum, pravitatem status Germaniæ ita velut induruisse, ut sine everfione totius Reipubl. ad leges justæ Regni non possit reformari. Cum autem status iste quam proxime accedat ad systema aliquod plurium Rerumpubl. foederatarum, tutissime eidem servandæ adhiberi talia media, quæ à politicis ejusmodi sociis observanda præscribuntur; quos ante omnia non tam alienis acquirendis, quam tuendis propriis, invigilare oportet.



tet. Circa internam heic concordiam retinendam maximus labor. Ad hanc summe necessarium est, ut cuique sua jura maneant; ac nulli concedatur, ut imbecillio-rem possit opprimere; utque adeo inter dispares licet opes par sit omnium libertas atque securitas. Exoletæ prætensiones æterno silentio damnentur, & uri quisque possidet, ita deinceps retineat. Recentes lites arbitrio Ordinum, extra gratiam aut odium positorum, componantur. Horum sententiâ qui stare detrectaverit, à cæteris fuerit coërcendus. Quod si systemati Ordinum Principem sibi placeat adsciscere, magna præcautione opus est, ne dominatum iste possit affectare. Ei fini cum primis inservit, militem & loca munita ab ipsius arbitrio non dependere. Quin non legibus solummodo certis & accuratis est

circumscribendus; sed & perpetuum aliquod Consilium eidem circumponendum, quod Ordines repræsentet; cui res quotidianæ totam Rempubl. concernentes exequendæ committantur, super quibus prius ab universis Ordinibus fuit definitum. Ad idem referenda fuerint omnia, quæ exteris cum Rempubl. intercedunt, ubi prius examinentur, inde ad singulos Ordines referantur, ac demum generalis conclusio colligatur, Abs eodem denique arduis negotiis emergentibus conventus sociorum extra ordinem indicendi, quod ut citra magnos sumtus fieri, breviorique viâ, res expediri queant, certa ratio fuerit præscribenda. Enimvero ut tale Consilium sibi patiantur circumponi Austriaci, vix credibile videtur, potentia ipsorum ad civilem redigi modum adspernante, Neque tamen

tamen res Germanicæ tulerint, ut, quamdiu stirps mascula ejus domus superest, dignitas Cæsarea ad alium transferatur. Ergo exoranda crit ipsorum modestia, velint opibus partis contenti agere, dominatum in Ordines ne affectent. Ordinum autem crit, masculæ & conjunctis animis resistere, si quæ in ipsorum præjudicium tentantur. Cum primis cavendum, ne pauci quidam vel inter se, vel cum extraneis, fœdera incant, contra quodcunque Germaniæ membrum valitura. Quod si illa adversus alios tendant, prospiciendum, ne ista occasione Germania bello involvatur. In primis autem providendum, ne exteri sese negotiis Germaniæ immisceant, neve ullam amplius particulam eidem decerpant. Quin & obstandum, ne unam atque alteram vicinarum Regionum po-

tentior, & dilatandorum finium avidus hostis absorbeat, ex quibus in ipsam Germaniam serpere contagio posset. Si tale quid tentari adparuerit, mature defensio adornanda, quærendaque societas eorum, quorum itidem interest, ne certa Regna in nimiam potentiam insurgant. Cæterum quamdiu sua tantum defendere satis habet Germania, militum alere perpetuum, præsertim numerosum, non adeo necessarium fuerit; descriptio tamen mature facienda, quantum quisque mittere debeat, ubi opus fuerit. Quis autem modus sit, etiam pacis tempore sumptibus valde modicis militem alendi, qui statim, ubi res poposcerit, in exercitum coire possit, optime, ni fallor, ex vicina Suedia discere poterant Germani.

V. Enimvero isthæc omnia, & quæ alia salus Germaniæ requirit

rit, perspicere atq; in usum transferre facillimum fuerat, modo bonam mentem experirentur propitiam, qui ad clavum Reipubl. sedent. Sed cum plerique inter præcipuas causas distractæ in partes Germaniæ collocent Religionis diversitatem, puto, non alienum à libertate opusculi fuerit, paucis recitasse, quidnam super isto negotio abs cordatis quibusdam viris, me præsentem, disputatum fuerit. Nam neque illa rerum Theologicarum mihi est facultas, ut super talibus proprio Marte iudicium ferre queam: & minus puto piaculum fuerit, aliorum sententiam retulisse, quam propriam exponere; præsertim cum me Sanctissimæ Matris Ecclesiæ Catholicæ iudicio humillime subijciam. Cum ergo ipse Colonia Agrippinæ apud Reverendissimum atque Illustrissimum Nun-

cium Apostolicum, quem cum aliis quibusdam obsequii testandi causa inviseram, inter varios sermones subjecissem, me nondum satis capere causas, quare tanta per Germaniam dissidia Religio excitarit, cum in Belgio foederato, quo non ita pridem excurreram, tale quid non deprehendatur; ubi tamen credendi, & non credendi, quæcunque placuerit, summa sit licentia. Nam quæstui negotiisque suis ibi quemque intentum, de alterius Religione parum esse sollicitum. Hæc illustris Vir, qui multum temporis in Aulis consumserat, sed tunc in penitissimum sese otium abdiderat, petita à Nuncio venia: Quoniam, inquit, iste peregrinator mentionem iniecit rei, quæ diu cogitationes meas exercuit, quid demum mihi probabilissimum fuerit visum, jam exponam, postquam

quam & otium omnibus allube-  
 scit, & vix mea putem adprobatu-  
 rum me, nisi tam politis anima-  
 bus, quales vestras deprehendi.  
 Inde altius ingressus recensuit,  
 quam multis hæresibus ab initio  
 res Christiana fuerit distracta,  
 quarum pleræque successu tem-  
 poris ultro evanuerint. Sed vix  
 ullum dari schisma, quod gra-  
 vius Ecclesiam distraxetit, &  
 quod non privatos duntaxat ali-  
 quos, sed integra Regna, corripue-  
 rit, quam cui superiori seculo  
 pauci quidam in Germania Do-  
 ctiores occasionem dederunt.  
 Magna ingeniorum vi, sed &  
 truculentissimis odiis invicem  
 certatum, necdum apparere  
 spem componendi tam horrendi  
 dissidii. Abditas fatorum cau-  
 sas scrutari, nostrum jam non esse.  
 Quid tamen rerum humanarum  
 conditio rationis suggerat, inve-

stigare, magis ex decoro sui Ordinis fore.

VI. Apparet igitur, ait, duabus potissimum rebus homines vehementer irritari, contemptu, & interceptis utilitatibus. Neque de illo contemptu loquimur, quo alicujus existimatio & fama directe proculcatur, sed quem sibi cerebrossimus quisque ex dissensione alterius fingit. Hac enim labe ingenia humana ut plurimum laborant. Non modo contra contendere, sed & hoc ipsum, non consentire, odiosum est. Qui enim non consentit alicui, putatur eum tacite erroris accusare; qui in multis valde dissentit, pro stulto eundem habere videtur. Iste porro morbus quam maxime vexat homines umbraticos, in scholarum pulvere enutritos, & solitariis suis speculationibus vacantes. Horum hostis statim



tim capitalis est, qui pro oraculis habenda non putat, quæ ipsi sibi persuaferunt. Nec majori quondam ardore inter Romanos atque Poenos super imperio orbis certatum; quam inter literatos sæpe super syllabis aut minutiis aliis depugnatum vidimus. Par, si non acrior, intemperies agitat Sacerdotum nationem, (nam libertatem sibi stipulanti Nuncius placide annuerat,) quorum cum singuli sibi peculiariter Numen credant favere, si quis ab ipsorum placitis abeat, præter injuriam spretæ autoritatis, impietatis quoque arguitur, tanquam qui contemptu veritatis cœlestis, aut ex profana pertinacia, ne quid ab aliis videatur didicisse, manifestum licet errorem exuere dignetur. Et vero mirum est, eos, qui placidissimam Religionis Christianæ mansuetudinem aliis in-

inculcant, tam horridis scatentes affectibus gestare animos. Aut ostendat mihi aliquis, in quo hominum genere plus reperiatur ambitionis, avaritiæ, invidiæ, iracundiæ, contumaciæ, & ubi quilibet se suaque tanti facit, ut, qui diversa sentire ausus fuerit, continuo æternis flammis addicatur, ne Deo quidem tam severas sententias rescindendi facultate relicta. Cæterum quod ægre quis ferat, si sua commoda per alios intercipiantur, id à ratione non usque adeo abit.

VII. Enimvero ad penitus intelligendas dissidiorum causas considerandum quoque, qualis sit velut genius triplicis illius Religionis, cui publica libertas per Germaniam indulgetur. Equidem quam adposite quælibet istarum sua decreta ex sacris literis probet, nostrum non est investigare,

gare, quibus talia in usum privatæ duntaxat pietatis tractantur. Et absit, tantam sanctissimæ Matri Ecclesiæ malignitatem tribuere, ut exitiabilem errorem velit propinare nobis, qui tanto ipsam obsequio veneramur. Fas tamen est nobis, dispicere, quatenus dogmata Theologica, per quæ homines ad salutem æternam deducere Sacerdotes laborant, ad rationes nostras politicas quadrent. Neq; enim crediderim, Optimum Numen per cultum sui civilis vitæ tranquillitatem voluisse perturbare. Ut ergo ab illis initium faciam, qui à nostra Ecclesia Catholica secessionem fecerunt, sane in Lutheranorum Religione nihil licuit animadvertere, quod principiis doctrinæ civilis repugnaret. Potestas circa sacra Principibus asserta; opes Sacerdotum ad tenuitatem magno Reipubl. bono,

bono (quidquid vos torvum intueamini,) redactæ; plebi inculcatum, ut Magistratus tanquam DEI vicem in terris gerentes vereri meminissent; deniq; bonorum operum summa officio boni viri definita. Neque displicent inania quædam ceremoniarum, ad aliquem publici cultus adparatum relicta, divertendis simpliciorum animis, quorum captum nudæ pietatis meditatio fere superat. Jam mysteria Religionis uti non ad portentosæ superstitionis horrorem adornata; ita decorum videtur, abs humani subtilitate ingenii tantam impetrare sapientiâ & potentiam divinam, ut sublimius quiddam ab hac præstari posse credatur, quam quo isti penetrare concessum. Quin ipsa crassities, quam nonnulli exagitant, ad ingenuitatis opinionem conciliandam facit. Hinc uti nulla Religio  
de

de Principibus Germaniæ melius mereri poterat; ita in universum Monarchico statui vix ulla magis idonea videtur. Et vero, ni respectus cæterarum ditionum Carolum V. inhibuisset, magnæ simplicitatis argui mereretur Imperator Teutonicus, quod, initio à Principibus & urbibus nonnullis factò, occasionem istam ex bonis sacris locupletandi patrimonium Imperii neglexerit; Principibus haut difficulter ipsum in prædæ partem admissuris, & plebe in novos illos Doctores valde prona. Quod attinet Calvinianam Religionem, quam vocant, illa à priori parum abit, nisi quod omnes Catholici ritus reliquias cum pulvisculo voluit ejicere, atque recentia dogmata subtilius, quam à Lutherianis factum, elimare. Quorum utrumque parum ad plebis animos accommodum. Nam &  
ob.

obtorpescunt fere isti, universo cultu divino intra declamationem exiguumq; hymni fragmentum redacto. Et ubi virtus habetur, circa res sacras curiositatem exercere, distortissimo cuique ingenio plurima novandi suboritur prurigo, quam inexpugnabilis comitatur pertinacia propugnandi, quod opinionis semel arreptum fuit. Quin & ad ineptias à quibusdam itum est, & comam paulo ornatiorem aut prolixiorem nutrire, pro piaculo habitum. Cæterum illud prudentibus dudum observatum, genium ejus Religionis fere in libertatem democraticam inclinare. Nam plebe circa res sacras, censuramque morum semel ad suffragium admissa, iniquum videbatur, unum Principem de summa rerum civilium posse statuere. Isthæc porro novæ Religionis magnam Germaniæ partem

partem amplexæ, quare per mutua  
dissidia communium adversario-  
rum vires reddiderint validiores,  
nullam cordati aliam perspiciunt  
causam, præter illam, de qua mo-  
do dicebamus, Sacerdotum per-  
vicaciam in tuenda non tam do-  
ctrina, quam existimatione sua;  
cui plurimum decedere existi-  
mant, si planiora docentibus pau-  
lisper concedant. Nam de utili-  
tate aliqua inter ipsos non litiga-  
tur, cum æque utrorumque inter-  
sit, ne in Ecclesiæ Romanæ di-  
tionem redigantur. Ergo quia  
à Sacerdotibus impetrari non  
potest, ut suam obstinationem  
post commoda Reipubl. ducant,  
Principum fuerat, istud dissidium  
paulatim extinxisse, non quidem  
violenta per remedia, queis irri-  
tantur magis dissensiones, quam

sopiuntur, sed molliori via & velut per obliquum. Nam si Principes in adsciscendis ministris non amplius vocabula sectarum, sed animi atque ingenii dotes spectent, si pari modo utrique Religionum addicti cives habeantur, si Sacerdotibus interdicatorum controversias illas in concionibus agitare, & asperis nominibus alteram partem perstringere, si denique in Scholis publicis non ferantur Doctores, nisi viri moderati atque prudentes; non dubito, quin paucos intra annos illæ lites ultro sint expiraturæ. Verum male, credo, de sanctissima Ecclesia Romana meretur, qui sana consilia ista hominibus suggererit.

IIX. Enimvero alia prorsus indoles est Religionis nostræ Catholicæ, quam novarum istarum. Nam hæ quidem Sacerdotes volunt



lunt esse ministros Magistratus & populi, ut heic imbutæ salutaribus circa divina sententiis ac bonis moribus animæ ad æternam salutem post mortem deducantur. Catholicæ Religioni non tam curæ est, ut animi ad probitatem formenur, quam ut Sacerdotum opes, potentia & autoritas immensum gliſcat. Et sane dudum miratus sum ineptias nostrorum Sacerdotum, quod controversias, quæ sibi cum hæreticis, (ut ipsi vocant,) intercedunt, ex sacris literis decidendas susceperint; cum longe planior atque evidentior modus suppetat ad certitudinem demonstrationum Mathematicarum omnia definiendi. Stabilito enim atque admissio principio illo, quod innui, Religionis Catholicæ finem esse, ut Sacerdotum opes atque autoritas magnæ sint, vesani forent adversarii, si vel ver-

bulo sibi ultra censerent oppugnanda dogmata, circa quæ tanta vis chartarum hactenus frustra fuit consumpta. Exempli causa unum duntaxat atque alterum subjiciemus. Scripturis sacris tribuitur obscuritas, eisdemque legendis arcentur Laici; ut soli Sacerdotes earundem interpretandarum jus retineant, neque Laici ex iisdem quædam eruant, quæ non ex re Sacerdotum forent. Iisdem jubentur succenturiari Traditiones, ut, si quid forte in sacris literis omissum esset ad illum finem faciens, commode suppleri posset. Jam tota Religio tot ceremoniis adornata, ut earum splendore atque numero plebs obruta, & velut attonita, de solida pietate rimanda cogitationem suscipere nequeat. Peccatorum remissionem soli DEO relinquere, lucrosum non erat. Ergo illas potestas Sacerdotibus

tibus asserta ; queis hautquaquam placebat tam proficuo jure dissolute uti, nec generali confessione, & munusculo aliquo à liberalitate contentis dependente adquiescere. Exactissima enumeratio singulorum peccatorum requiritur, taxatione eorundem in Sacerdotis arbitrio posita. Heic, si dives est reus, paratissimum est lucrum, etiam ubi gratis peccata fuerunt remissa. Quis enim adversus tam benignum Patrem liberalitatis quid non exhibeat ? In pauperes securius licet auctoritatem exercere. Et quanti est, omnium hominum arcana nosse ? aut quis non revereatur pectoris sui arbitrum ? Missa porro nihil accommodatius ad lucrum atque auctoritatem Sacerdotum promovendum. Nam quis tam salutarem operam navanti præmium negare velit ? Aut quis non adoret ho-

mines tam venerabilem victimam  
 murmure suo producere valentes?  
 Laicis usum calicis recte ademtū,  
 mordicus est defendendum, ne in  
 ulla re Sacerdotes errasse videan-  
 tur. Nec frustra numerus Sacra-  
 mentorum auctus, ut eo frequen-  
 tius Sacerdotibus egerent homi-  
 nes. Et quantum lucri vel id so-  
 lum Tribunalibus Ecclesiasticis  
 adfert, quod ad illa omnes causæ  
 matrimoniales trahuntur, eo  
 duntaxat prætextu, quod matri-  
 monium sacramentum sit? Citra  
 hoc enim uxorati videbantur æq;  
 dextre naturam matrimonii posse  
 intelligere. Vis meritoria bonis o-  
 peribus adscripta, uti ambitiosam  
 hominum pietatem insigniter sti-  
 mulat; ita, dum eadem iis fere re-  
 bus definiuntur, quæ Sacerdotes  
 locupletant, cum reliquo Theo-  
 logiæ systemate optime quadrat.  
 Quin nec alio fine incessum ere-  
 diderim

viderim Purgatorium, quam ut  
 tributo possent onerari, quos  
 mors alias rebus humanis exeme-  
 rat. Sanctorum invocatio uti  
 splendorem Religionis non pa-  
 rum auget; ita auctoritatem Sacer-  
 dotum suspicere necessum est, qui  
 cogitant, istorum decreto divinæ  
 aulæ procures creari. Accedit,  
 quod, quo plures sunt, qui tem-  
 plis & aris coluntur, eo magis nu-  
 merum Sacerdotum atque emo-  
 lumenta gliscere necessum sit. Et  
 si quis penitus considerare velit,  
 quales ex recentioribus cum pri-  
 mis isti fastigio admoti sint, faci-  
 le deprehendet, Sacerdotes hic sui  
 commodi nequidquam fuisse ob-  
 litos. Plura addere apud callen-  
 tissimos putidum foret; & cui  
 accuratius ista scrutari vacaverit,  
 ad eum gustum cetera deprehen-  
 det. Ipsa porro Sacerdotum Resp.  
 quam artificiose compaginata,

quam presse omnia inter se connexa! ut vere dicere liceat, nulum ab ombe condito fuisse corpus tam bene dispositum, aut tam validis subnixum radicibus. Jam primo ad correctissimam instar Monarchiæ Resp. concinnata. Ipsi Principi Sacerdotum divinæ par autoritas circumdata. Dei Vicarius, errare nescius, ætheris Erebi-que claves citra provocationem aut intercessionem dispensans. Nam quod melioribus seculis credebatur, Regnorum omnium arbiter, Reges solo dejicere aut locare pollens, novi Doctores tanquam invidiosum nimis infamarunt. Et quia majestas istius Principatus sanctimonix potissimum opinione stat, per electionem idem defertur, ut, quia sapius Regia soboles degenerat, non nisi dignissimo & juveniles extra affectus constituto locus patefiat;

simul

simul ut magis in Ecclesiæ, quam  
 familiæ, bonum foret intentus.  
 Ob easdem rationes omnibus  
 ejus Reipubl. membris cœlibatus  
 indictus, ut ne privati respectus  
 alio curas averterent. Quanta  
 porro Ordinum multitudo, quan-  
 ta varietas ! ut eo plures forent,  
 qui Ecclesiæ rebus invigilarent, &  
 attrahendis Laicorum bonis ha-  
 mos jacerent. Neque vero ullus  
 Principum tam addictum civium  
 suorum experitur obsequium ; &  
 cum inter ipsos non desint emu-  
 lationes, eas tamen, ne in Reipubl.  
 detrimentum erumpant, sapien-  
 tissime novit temperare Pontifex.  
 Nam antiquos Ordines recentiori  
 Societati Jesu parum propitios esse  
 constat, quod per hanc illis non  
 parum existimationis decessisse  
 credatur. Postquam enim vete-  
 rum Monachorum simplex sancti-  
 monia lasciviam recentioris se-

culi parum videbatur frenare posse, maximo Ecclesiæ bono subiit sanctissima illa Societas, quæ labentes res felicissime restituit, suscepta juventutis informatione, & per confessionem simulque polita conversatione exploratis omnium hominum arcanis. Sic ut multi putent, pleraque ad Rempubl. sacram posse adplicari, quæ apud Jobum de Leviathane sensu mystico traduntur. Sine dubio autem optimam illam judicaveris Religionem, quæ & cultores suos maximis divitiis atq; honoribus cumulavit, & efficacissimis instructa est mediis ad con-  
dendas simul & in obsequio retinendas oviculas. Puto tamen, ex hisce adparere, stolido plane modo controversias Religionis hætenus inter Catholicos recentesque Doctores fuisse disceptatas. Nam nostri quidem hosce in hæretico-  
rum



rum numerum coniectos, igne ferroque delendos clamitarunt, injecta sinceræ reconciliationis desperatione. Inde non potuerunt non iidem acerrime salutem suam procurare; & postquam semel Laicos sinistra opinione de Catholicorum Sacerdotum sanctimonia imbuerant, facile erat, ostentatis horum bonis, istos sibi defensores comparare. At si ab initio mens non læva fuisset, non deerant media deliniendi Laicos, diversas partes amplexos: & citius in gratiam cum Pontifice Maximo erat rediturus fraterculus Saxo, oblato pingui aliquo beneficio, quam petitus fulmine, cuius vis tam longo itinere & per coeli asperitatem intepuerat. Ex adverso mirari subit recentium Doctorum simplicitatem, quod suadere nostratibus non erubescant, relicta sua conditione & cju-

ejuratis tantis opibus ad ipsorum  
 partes transire, ut ibi vile vulgus  
 sint, cum fame acriter luctaturi.  
 Nam ut populum obtentu liber-  
 tatis, ac Principes illecebra lucri,  
 ad sese invitarent, majoris rationis  
 erat. Etsi, postquam semel primus  
 ille impetus deferbuit, & nostri  
 post improvisam cladem copias  
 suas curatius instruxere, satis adpa-  
 ruit, melius rerum suarum sategis-  
 se nostros, quam alteros illos.  
 Nam, quantum memini, presenti  
 seculo nemo Principum amplius  
 ad istos transiit; nonnullos tamen  
 intra sinum suum Ecclesia Catho-  
 lica recepit. Plura parantem ad-  
 dere Nuncius interpellavit; & sa-  
 tis, inquit, peritiam tuam in re-  
 bus Theologis nobis adproba-  
 sti; nec auditores defuturi essent,  
 si publice talia docere institueres.  
 Etsi fateor, eadem non adeo ad ca-  
 ptum novitiorum esse: nec tibi  
 fas

s fuerit, (me respiciebat,) intra  
 orulam admitti in mysteria, abs  
 uorum cognitione tot millia  
 ersutissimorum hominum ma-  
 na sollicitudine plebem arcere la-  
 orant.

IX. Isthæc præsentē Nuncio  
 Apostolico sat libere prolata, nec  
 ine candoris laude, animum mihi  
 addiderunt, ut deinceps apertioris  
 peñtoris hominibus aurem ac-  
 commodare minus trepidarem.  
 Nec multo post in aliquem incidi  
 virum, patriæ suæ rerum peritissi-  
 mum, sed qui à nova Religione  
 non magnopere videretur abhor-  
 rere. Eo curatius venia mihi pe-  
 tenda est talia referenti, ne quis ista  
 omnia abs me probari putet. Ille  
 igitur, mentione nuperi sermonis  
 à me injecta, paulo altius exorsus,  
 quod in Republ. bene constituta  
 omnino deceat certas esse perso-  
 nas, cultui divino publice exer-  
 cendo

cendo vacantes, quos honeste sustentari necessarium sit; sed & conveniens esse, ædes sacras publice exstrui, quarum decor externam quandam majestatem Religioni conciliet, ad plebem devotione accedendam non inutilem. Sed neque illud quenkumque cordatum, inquit, negaturum arbitror, quæcunque personæ ad cultum Religionis nihil conferunt, sacras jure vocari non posse; & quæ ad tales alendos insumuntur bona, sanctimoniam nihil habere. In Germania porro tum liberalitate Imperatorum ac Principum, tum devotione privatorum tantis opibus cumulatus fuit Sacerdotum ordo, ut saltem dimidia, si non major, pars Germaniæ ad ipsos spectaverit, inaudito apud omnes gentes exemplo. Ad istorum autem bonorum fructus devorandos immensa vis otiosorum homi-

hominum sese adplicuit. Id quod neque Theologiæ neque decretis civilis prudentiæ satis congruit. Divinæ literæ jubent Sacerdotes honeste ali, neque obturari osibus tritulantibus. Neque Sacerdotum nomen attribuunt illis, qui nullam Ministerii sacri partem attingunt. Quin & eadem neque personas neque bona sacra eximunt ab inspectione summæ potestatis civilis, quo minus ab eadem ad salutem Reipubl. debeant temperari. Nimiam autem molem bonorum sacrorum non esse ex usu Reipubl. satis perspexerunt Veneti vestri, qui eorundem incrementis obicem posuere, nequidquam ringente Pontifice. Scilicet in tabem velut attenuari civitates necessum est, ubi tantas divitias ad sese trahunt homines, aliud extra Remp. caput agnoscentes, & ab oneribus publicis exem-

tos

tos sese divino iure ferentes. Equi-  
 dem de numero Episcoporum  
 non habet Germania quod quera-  
 tur. Quin longe angustior ille est,  
 quam pro latitudine regionis, si  
 munus sacrum ipsis obire place-  
 ret. Sed quo tantæ ipsorum opes?  
 Dicis, esse eosdem simul Princi-  
 pes Imperii, & partem capeffere  
 de cura Reipubl. Ergo abstineant  
 sacro nomine Episcoporum, quod  
 officium ipsos obire non sinit se-  
 cularium negotiorum moles; &  
 nihil aliud velint audire, quam  
 quod sunt. Nam puto, nihil detri-  
 menti capiet Religio Christiana,  
 si vel maxime Episcoporum ali-  
 quis Germaniæ per annum unam  
 vel alteram missam non celebra-  
 verit, superbo stipatus satellitio,  
 & primis Christianæ Religionis  
 disseminatoribus paupertatem su-  
 am exprobrans. Sic gaudeat sane  
 Moguntinus sua ditione, ut possit  
 susti-

sustinere dignationem Cancellarii Germaniæ. At cur sancta ipsi Sedes sit attribuenda, cum alii Principes, queis æque resp. cordi est, vulgari sint contenti, causa non adparet. Jam de Canonicis quid dicam lignis, ex quibus dolantur Episcopi? Eorum opera quod in rebus sacris nihil sit, ipsi non erubescunt profiteri, dum irregulares sese Canonicos ferunt, & parendo gutturi Vicariorum opera templorum fornices clamore laceffunt. Ex his qui nullam partem negotiorum profanorum attingunt, inutilia terræ pondera sunt, ventri atq; inguini servientes. Qui profana tractant, cur sacri audiunt, aut cur sacris bonis abutuntur? Jam quid de immensis opibus monasteriorum dicam, & de infinitis examinibus rasorum, quibus illa obsidentur? Equidem dari collegia, in quibus juvenus Ecclesiæ ac Reip. formetur, omnino expediebat.

diebat. Neque abnuerim, eadem  
 posse inservire hominibus ad pro-  
 fundas duntaxat speculationes  
 idoneis; ex quorum ingeniis qui  
 Reip. provenire poterant fructus,  
 per vitæ civilis turbulentiam in-  
 tercipiuntur. Ast ubi hisce de tran-  
 quillo secessu fuit prospectū, neq;  
 ipsi teneritatem ingenti in pœnā  
 sibi datam possunt queri, & sæpe  
 largo cum fœnore reponunt,  
 quod in ipsos à Rep. fuerit impen-  
 sum. Utrumque tamen genus so-  
 briis impensis optime alitur; exu-  
 berans pinguedo vigorem & in-  
 dustriam velut oblimat. De cætero  
 nulla apparet ratio, quare despera-  
 ti homines, aut qui tædio labo-  
 rum cucullo deformes incedere  
 amant, absurdis boatibus templa  
 impleturi, aut frigidissimo affectu  
 repetitas preculas Deo ad globu-  
 los annumeraturi publice saginari  
 debeant. Illud pro mole bonorum  
 sacrorum quidam palmarium du-  
 cunt



cunt argumentum, quod per ista  
 consularur illustribus & nobilibus  
 familiis. Dum enim ad beneficia  
 Ecclesiastica promoventur, qui  
 familiam videbantur gravaturi, ad-  
 coq; divisio patrimonii prohibe-  
 tur, opes splendorq; familiarum  
 conservari melius potest; quin &  
 augeri, ad dignitates amplissimas  
 proveâis, queis alias domi cum  
 paupertate fuerat luctandum. Et  
 fateor, vel per solam hanc ratio-  
 nem illustrium favorem familia-  
 rum sibi pignerari potest Ecclesia  
 Romana. Enimvero uti familia-  
 rum nobilium splendorem servari  
 forsegregium fuerit; ita sine du-  
 bio illi, abs quibus bona sacra sunt  
 profecti, de isthoc per eadem pro-  
 curando ne per somnium quidem  
 cogitarunt; nec in eo fini sacri  
 quidquam aut saluti animarum  
 profuturum possumus deprehen-  
 dere. Quin si postgenitis honestus  
 est animus, suppetunt bello ac  
 pace media, quibus & rem & fa-

mam possint quærere. Sin neque  
 domi neque militiæ ulli sint usui,  
 nosse debebant, invidendū nimis  
 ignaviæ præmium esse, victum pu-  
 blice velut in prytaneo accipere.  
 Quod si reposuerint, saltem hoc  
 modo impediri, ne gliscens ni-  
 mium numerus nobilium ob  
 paupertatem demum despectui  
 habeatur; respondemus, si digna  
 nomine suo germinet nobilitas,  
 multitudinem ipsorum ordini rei-  
 que publicæ nihil obesse; cum vir-  
 tuti nunquam statio aut præmi-  
 um sint defutura. Quod si metu-  
 ant, ne ipsi, quos tulit ætas paren-  
 tum pejor avis, dent progeniem  
 vitiosiore, recte quidem, dum  
 matrimonio abstinent, orbem  
 ignavis fucis opplere parcunt. Sed  
 & extra sacros ordines licet foemi-  
 nis abstinerere. Aut si citra scorta  
 libidinem retundere non datur,  
 nescio quam miserandum vide-  
 tur, bonos istos antiquos, dum  
 Reip. aut heredibus suis aliquid  
 sub.

subtrahendo animæ se suæ consulturos crediderunt, atratis admissariis pabulum suggessisse.

X. Quæ cum ita sint, facile putato causam suam Deo cordatisque omnibus adprobabunt Principes Protestantes, quod, cum reliquas summi imperii partes in ditionibus suis exercerent, curam quoque sacrorum sibi vindicaverint; saltem qui id temperamentum observarunt, ut, quæ antea fere ad lardum generandum insumebantur, deinceps cederent in usum eorum, qui re ipsa Ecclesiæ operam aliquam navant, aut juventutem pietati bonisque literis formant; quæ supererant Reip. destinatis. Quod si istos Cæsar cæterique Principes Catholici fuissent imitati, magnus morborum fomes ex corpore Germaniæ simul expurgabatur. Neque magnopere poterat indignari sanctissimus Pater, nisi aperte se Patronum vitiorum ostendere vellet. Et nulla necessi-

ras subigebat fidem Catholicam  
 ejurare, utut Sacerdotes eorumq;  
 bona paulo pressius ad bonum  
 Reip forent reformati. Nam &  
 antiqui Christiani, paupertatem  
 adhuc sociam pietatis habentes, &  
 antequam de privilegiis sedis Ro-  
 manæ innotuisset, in fide cum ea-  
 dem Ecclesia Romana conspira-  
 bant. Maxima difficultas nonnul-  
 lis circa Episcopatus adhuc super-  
 stites visa fuit, quos neque Cæsari  
 neque Principibus aliis accrescere  
 rationes Reip. Germanicæ ferunt.  
 Verum quid morbidus Germaniæ  
 status patiatur, facile adparet, quæ  
 omnis mutatio magnis concute-  
 re motibus potest. Ergo mancant  
 sane isti Episcopi, & tam opimis  
 ditionibus fruantur; dum modo  
 meminerint, se easdem Germaniæ  
 debere, & se Germaniæ Principes  
 esse; quibusq; adeo Germania ma-  
 gis quam Roma sit amanda. Sed  
 & eorum, quæ semel perierunt, &  
 desiderium bona fide exuant, ne,  
 dum

dum ista recuperare nituntur, fors  
 præsentia quoq; simul amittant;  
 saltem turbis patriam involvere  
 amplius parcant. Equidem superi-  
 ori sæculo non adeo difficile vide-  
 tur fuisse, Episcopatus in aliam re-  
 formare faciem, ni Colonienſis  
 Electoris conatus incassum ceci-  
 diſſent, aut ſi alios quoq; Episco-  
 pos ſimilia tentandi lubido ſubiif-  
 ſet. Et ſane, excuſſa ſemel Sedis  
 Romanæ reverentia, licebat Epi-  
 ſcopatus illos in Principatus here-  
 ditarios convertere, transcriptis  
 itidem in Capitulares præbendis.  
 Aut, ſi hoc diſplicebat, per electi-  
 onem deinceps quoq; dignitates  
 iſtæ conferri poterant. Neq; enim  
 adeo obtuſo ſunt ingenio Prote-  
 ſtantes, ut bona iſta non in eoſdem  
 queant uſus impendere, quibus à  
 Catholicis deſtinantur. Et quieti  
 Germaniæ expediebat, novæ iſti  
 Religioni univerſos nomen de-  
 diſſe, quam per diverſitatem fidei  
 in partes diſtrahi. Iſtud autem igna-

vum pecus Monachos & prave solertes Jesu Sodales si qua posset expurgare Germania, callidissimos simul exploratores abs sese amoliretur, & quæ isti tuburcinantur bona, vel sola sufficerent alendo exercitui, qui vicinis omnibus esset formidabilis. Talia dum differrentem audio, jamdudum fortunis Ecclesiæ Catholicæ per Germaniam metuere subibat; ni succurrisset, frustra privatos & speciosa consilia fingere, & magnos animos sumere intra parietum suorum umbracula, quamdiu bona sua ignorant illi, quos ad clavum Reip. nascendi sors, opes magis præter meritum quam sapientiam largiri prona, admovit. Ist hæc super Imperio Germanico inter peregrinandum mihi observata visum fuit commentari, quæ professione candoris apud cordatos si minus laudem, saltem excusationem merebuntur.

FINIS.

ULRICI OBRECHTI

*In*

SEVERINI DE MONZAMBANO

*De*

STATU IMPERII GERMANICI

LIBRUM,

*EXERCITATIONUM*

*ACADEMICARUM*

*Specimen.*

1002850 1215119

1002850 1215119

1002850 1215119

1002850 1215119

1002850 1215119

1002850 1215119



AD CAP. I.

De

Origine Imperij  
Germanici.

§. I.



Illic nomine Imperij Germanici propriè utuntur, illi originem ejus repetunt ab Ottone M. Imperatore: neque ratione tamen destituuntur, qui altius adscendunt, & antecedentem quoque Originum Germanicarum periodum sub Francis adjungant: ob multiplicem utriusque Imperii connectionem. Quæ longius remota sunt, parum quidem pertinent ad præsentem statum, notitiam tamen eorum non esse infructuosam, ostendit Covingius in præfatione Taciti Germania præfixa.

Fines antiquæ Germaniæ & situm, à Veteribus multi tradiderunt; quorum interpretationi diligenter incubuere, quos Tom. I. Rerum Germanicarum, Schærdius edidit.

Extant

Extant & *Beati Rhenani, Christophori Coleri,* aliorumque luculentæ Commentationes: inprimis autem totum hunc locum opere laboriosissimo excoluit *Philippus Cluverius;* ut inexploratum in hoc argumento vix quicquam supersit, quod quidem idoneis Scriptorum testimoniis aut probabili conjectura possit ad liquidum deduci. quo magis institutum *Severini* mireris, cur hic sibi quicquam sumpserit innovandum: loco, si uspiam, minimè necessario. nam *Germania* utique *Magna quondam ad Orientem* non *Danubio*, sed confinio gentium *Sarmaticarum;* *Rheno* autem ad occasum finiebatur, *Fennos* verò cæterasque gentes dextrum *Suevici maris* latus habitantes, *Sarmatis* plerique *Veterum;* nec *Tacitus* Germanis adseveranter accenset. *Cluverius* tamen lingua *Finnorum* imperitos pronuntiat, qui *Germanicam* negant: sed & mores illis eosdem, quos tribuit *Tacitus*, postea quoque probat ab aliis adscriptos: quanquam hodiernis *Lappo-* nibus magis congruant: ad quos pridem *Jodocus Willichius* maluit referre. Ex *Jornande* denique, *Cassiodoro*, *Eginhardo*, qui post *Tacitum*, *Æstiorum* meminerunt, erui nihil potest, quo vel *Tacitus* parum distinetè circa illas gentes tradidisse, vel errasse illi convincantur, qui *Borussos*, *Pomeranos*, *Livonos* hodie finibus *Æstiorum* consedisse docent: in quibus *Estensis provincia* nomen ad hæc usque

que tempora inde durâsse, etiam *Brietius* observat *Parallel. Geogr. Tom. II. part. I. lib. 4. cap. 2.*

## Ad §. II.

Quæ de *Statu Germaniæ Veteris* in summam hic consignantur, benè se habent: firmatque amplius *Conring. de Civ. Imp. §. 14. & seqq.* Operæ tamen pretium fuerit, ex *Cluverio* distinctius modum regiminis repetere, *G. A. I. 37.* qualis in singulis gentibus Germanicis obtinuit: neque enim eadem libertatis ubique ratio, vel Regum æque adstricta potestas fuit. Digna quoque notatu exhibet *Grotius Batav. Antiq. cap. 2.*

## Ad §. III. & IV.

*Bodini* & aliorum quorundam commenta de *Francorum Origine* refutare, pene *Meth. Hist. stor. c. 9.* superfluum est; postquam Doctissimi quique Gallorum ea sponte abjecere. *Hadrianus Praefat. ad Gest. Ver. Franc.* *Valesius* antiquas Francorum gentes enumerat, *Attuarios, Bructeros, Chamavos, Salios, Frisios, Căucos, Amsivarios, Cat- tos;* eisque fines assignat ab Oriente *Toringiam & Saxoniam;* ab Occidente *Rhenum & Gallias;* à Septentrione *Oceanum Germanicum,* à Meridie *Alamanniam & Sueviam.* hacque regione etiam à plerisque aliis collocantur: quorum ingentem catalogum exhibent *Notæ ad monumenta Pa- derbor-*

*derbornensia pag. 84. Hanibaldi vel Trithemi*  
 potius, aliorumque fabulæ, de Francis  
 Trojâ, vel ex Mæoticis paludibus, vel Pan-  
 noniâ denique profectis, exploduntur pas-  
 sim: quibus tamen aliquid subesse verita-  
 tis, haud abs re *Gottfriedus Wendelinus* asseruit  
 in *Solo Natali Legum Salicarum cap. 1.*

### *Ad §. V.*

Quo loco *Rhenam transgressi* sint, pri-  
 mumque confederint *Franci*, quando *Gal-*  
*A. C. 475. lias*, ut *Sigebertus Gemblacensis* loquitur, non  
 tantum ut eas haberent direptioni, quod antea  
 sæpè fecerant, à Romanis subinde repulsi;  
 sed ut sibi essent perpetuæ habitationi, inceserunt,  
 non est adeò expeditum: sicut apparebit,  
 si quis *Chisletij in Anastas. Childerici cap. 1. p. 28. 6.*  
 & *Wendelini in Natal. Sol. LL. Salic. cap. 14.*  
*tum Hadriani Valesii Gest. Vet. Franc. lib. 3. pag.*  
*129. & seqq.* eruditas disputationes inter se,  
 & cum iis quæ vulgo traduntur, conten-  
 dat. Add. *Monum. Paderborn. pag. 156.*

Quod verò de ista migratione, ita hic  
 & in sequentibus disseritur, ac si desertis pe-  
 nitus vel amissis pristinis sedibus, *Franci*, id quod  
*trans Rhenum* postea regno Francico adscriptum  
 est, subacta demum maxima Galliarum parte, ar-  
 mu receperint, eoq; accessorij duntaxat loco, nec  
 sub *Francia* vocabulo usq; ad *Caroli M.* posteros  
 tenuissent, ex conjectura desumptum est;  
 cui vera rerum Francicarum fides haud pa-  
 rum

rum refragatur. liquidem constat, Trans-  
 Rhenaſas illas regiones, ex quibus Fran-  
 ciam Veterem compoſitam diximus, præ-  
 cipuâ ſui parte, inde à primis initiis, pro  
 regni Francici portione, haud minus quam  
 Cistrhenaſas, ſemper habitas fuiſſe, nec  
 alio jure aut nomine cenſeri unquam con-  
 ſueviſſe, niſi quatenus ſpecialibus pago-  
 rum appellationibus diſtinguebantur: do-  
 nec ſub ultimis ex Merovæa ſtirpe Regibus,  
 illi populi, qui exteriores partes incole-  
 bant, ſe in libertatem adſerere ſunt conati.  
 Quin & Regibus propriis, è Merovingis  
 paruerunt; donec Chlodovæus I. ſublatis  
 quaquaverſum adgnatis ſuis, univerſam  
 ſibi Franciam ſolus vindicavit. De hujus  
 ſucceſſoribus minus dubii ſupereſt. ſub  
 quibus Auſtraliæ regno comprehenſæ,  
 eandem cum illo conditionem æſtimatio-  
 nemque obtinuerunt. Inde *Sidonio, Salpi-  
 rio, Gregorio Turonenſi, Aimoino*, aliis que pri-  
 mariis in hoc argumento Scriptoribus,  
 Thuringos & Saxones *Francorum finitimos*,  
 Angrivarios verò, Bruſteros, Cattoſ, ipſo-  
 rum Francorum nomine promiſcuè deſi-  
 gnari, perpetuo quodam obſervationis te-  
 nore colligere licet. Nobis actum agere  
 propoſitum non eſt: Videatur *II. dr. Valeſ.  
 Geſt. Vet. Franc. lib. IV. pag. 179. 189. lib. V. pag.  
 219. & ſeq. 236. 240. lib. VI. pag. 306. lib. VIII.  
 pag. 435. 473.* unde inter alia etiam appare-  
 bit,

bit, non ex sui demum ævi stylo *Poëtam*  
*Anonymum Reineccij* esse locutum, quando ad  
 A. C. DCCLXXIV. scripsit:

*Saxones sibi contiguos invadere fines*  
*Ausi, Frantorum pagum, qui dicitur Hassi.*

*Bajovaria* quoque, antea pridem, quam *Tassilonem*, qui fiduciario jure administrandam à *Pipino* acceperat, *Carolus M.* Ducatu privaret, sub ditione Francorum fuit.

*Prolog LL.* Nam & *Theodoricus Clodovæi I. filius*  
*Bajuvuar.* *Bajoariis*, tanquam populo sub potestate sua

*Ann. Me-* constituto, leges jam præscripsit; & con-  
*tenf. A. C.* temtu Merovingorum postremorum re-  
 688. belles, *Pipinus*, *Caroli Martelli Pater*, cre-

bris expeditionibus ad obsequium reduxit; denique *Carolomannus* & *Pipinus Minor* cruentissimo ad *Licum* prælio fractis, moxque totius gentis excidio intentato territis, omnem recuperandæ imperium libertatis spem ademere. Unde & *Eginhardus* à provinciis, quibus *Carolus M.* acceptum à Majoribus Francorum Regnum auxit, *Bajoariam* disertè distinguit. Neque *Carolus Tassilonem*, ut hostem bello victum; sed tanquam subditum, læsæ Majestatis judicio condemnatum, coercuit.

### *Ad §. VI.*

De Patria *Caroli M.* quæ vulgò controvertantur, videri potest apud *Linnaum* in  
 Notiz.

*Notit. Regn. Franc. lib. I. cap. 2. & utroq; Additionum Tomo ad J. P. 1, 5, 5.* Nobis pro instituti ratione pauca annotasse suffecerit.

I. Discrepantiam Scriptorum, qui *Thuringiam*, quique *Ingelhemium* natale Caroli solum tradunt, ita conciliat *Chiflerius*, ut ibi conceptum Carolum, hic natum contendat, *Vindic. Hispan. c. 9. p. 86.* II. Tameſi *Francos in Gallia conſeſſiſſe in conſeſſo ſit*; ſi tamen de nomine contentio oriatur, Gallos utique nemo dixerit, quamdiu patrium vivendi loquendique uſum retinuerunt: à quo denotari diſcernique nationes obtinuit, quacunque regione terrarumque tractu conſideant: cui de ſe potius ipſæ conciliant nomen: ut totius Cis-rhenanæ Germaniæ exemplo eſt manifeſtum. Diverſa penitus ratio eſt, quando aliqui ſingillatim emigrantes in alterius populi dirione ſedem fortunarum conſtituant: cujus quippe non in leges duntaxat, ſed ritus atque inſtituta tranſeunt: ut aliâ patriâ liberi eorum cenſeri non poſſint. III. Neque ſolo *nativitatis loco* nituntur, qui Carolum Germanis accenſent. In quo confluunt multa, quæ ſeorſim etiam ad ferendum de nationum ac gentium diſtinctione judicium adhibentur. Recentiora tempora illuſtre ſpecimen habuerunt in electione Caroli V. cui non obſuit, patrem habuiſſe Hispaniæ Regem, quanquam Imperii leges alium



quam Germanum prohiberent ad Imperatorium fastigium evehi. IV. De partibus Germaniæ Transrhenanæ ad regnum Francorum pertinentibus, ex *annotatis ad preced.* §. potest judicium ferri: è quibus illæ, quæ de Francia veteri supererant, etiam antequam Caroli posteriori regnum divisissent, vix alio nomine quam *Francia Orientalis*, aut *Antiqua*, cum Cisrhenanis Austrasiæ provinciis notatæ in vetustioribus monumentis reperiuntur. In quibus & illud frequentissimum est, ut *Franci Orientales* ab *Alemannis*, *Bajoariis*, *Turingis*, nomine isthoc absolutè usurpato distinguantur. Universam autem *Germaniam Transrhenanam*, *Orientelem Franciam* nominare, illis Scriptoribus usitatus est, qui post Ottonum tempora floruerunt. vid. *Otto Frising. Chron. VI, II.* V. Qui à lingua Caroli argumentantur, non id dicunt: *Carolus potuisse nosse linguam Teutonicam*, sed, *linguam Teutonicam, Caroli linguam vernaculam & patriam fuisse*: quod *Eginhardus* disertè testatur. Cæterum cinnus ille linguarum in Gallia, paucissima de sermone Francico admixta habuit: quæ postea demum videntur accessisse: cum Romana lingua in Gallia pridem, antequam Franci in ea consedissent, perinde ut in cæteris provinciis Romanis, ipsaque etiam Italia, à Gothis aliisque gentibus Barbaris fuisset corrupta. Quæ quidem



dem plebem in Aquitania, aliisque provinciis Galliae, usam, etiam post tempora Caroli M. apparet ex *foedere Argentoratensi* Ludovici Germanici & Caroli Calvi fratrum; quo *Ludovicum*, ut scil. ab exercitu Caroli intelligeretur, *ipsosq. Caroli subditos Romano*, scilicet Provinciali sermone *usos* scribit *Nithardus*. Sed alia planè lingua fuit, quam antiquissimi rerum Francicarum Scriptores *rusticam* vocant; non quod eà rustici uterentur: sed quod incondita esset, nec ad regulas Grammaticae constructionis exacta: verbis de cætero constabat merè Latinis: perinde ut carmina rustica: hoc est, neglectis metri legibus concinnata. Differentiam faciliè deprehender, qui specimina utriusque linguae contulerit apud *Andream & Franciscum du Chesne* Corpor. Scripsor. Franc. passim: in primis Tom. 2. p. 382. ubi foedus, quod memoravi, extat, eruditis *Freheri* notis illustratum: Tom. 1. p. 370. ubi ex vita *S. Faronis* hæc habentur: ex victoria *Chlotarii* carmen publicum iuxta rusticitatem, per omnium pene volabat ora ita canentium, faminaq. choros inde plaudendo componebant:

De Chlotario est canere Rege Francorum,  
 Qui ivit pugnare in gentem Saxonum.  
 Quam graviter provenisset nussis Saxonum,  
 Si non fuisset inclitus Faro de gente Burgundio-  
 num.

mox subjicitur; Hoc enim rustico carmine placuit

cuit ostendere, quantum ab omnibus celeberrimus habebatur. Addatur memorabilis descriptio sermonis rustici ex Gregorio Turonensi à Bignonio producta in præfat. ad Marculsi formulas. VI. Distinctio inter originem stirpis, & patriam, in suo genere optima est: Sed si quis in Germanico solo conceptus natusque, originem suam referat ad gentem, non ortu duntaxat, sed institutis adhuc dum moribusque Germanicam; non puto solum hunc respectum esse prædominaturum, quod gens illa sedem regni in Gallico solo constituerit.

### *Ad §. VII. & VIII.*

Sub Carolina stirpe successivum fuisse regnum Francorum, rectè hic asseritur: contra Hottomannum, qui in Franco-Gallia sua cap. 9. diversum docuit. Sed irrefragabilia sunt in hanc rem Veterum testimonia. In carmine antiquo, quod ex Libro Evangeliorum A.C. 788. scripto produxit Andr. du Chesne appellatur Carolus M.

Tom. 2.  
p. 186.

*Laude triumphator, dudum super æthera notus,  
Jure Patrum solio feliciter inditus hæres.*

& in coronatione Caroli Calvi ita præfatur apud eundem Adventius Episcopus Metensis: quia videmus hunc regni hujus heredem esse legitimum, cui nos spontè commisimus, Dominum videlicet præsentem Regem ac Principem nostrum  
Karolum

Karolum, ut nobis præsint & prosint; videtur nobis, ut signo certissimo demonstremus, quia illum à Deo electum, & nobis datum Principem credimus.

Quosdam ultro sub imperium Caroli concessisse, Avarorum præcipuè & Frisiorum exemplo clarum est. De illis memorat Regino & plerique Annales Francorum ad An. Chr. DCCCXCVI. Thudonem cum magna parte Avarorum ad Regem venisse, seque & populum suum & patriam Regi tradidisse. De his refertur in vita S. Ludgeri: Orientalis Frisia quinq; pa-  
 gos, cum una insula, qua dicitur Bant, Franco-  
 rum Regno se subdidisse.

ap. Franc.  
du Chesn.  
Tom 3. p.  
381.

Saxonum libertatem sub Carolo M. adstruit & explicat Conring. de Urb. Germ. th. 63. Ejus insigne hoc quoque specimen fuit, quod Saxonici generis Comites illis præpositi, ut Annales Francorum à Chesneo patre editi testan-  
 tur. Jus tamen conventuum publicorum insti-  
 tuendorum, nisi ex autoritate Missorum Regio-  
 rum iis ademptum, & ne quis aliter quam in suo ministerio placita & justitias faceret, sacerdotibus considerandum datum est, in Capitulatione de partibus Saxonie, quam ex Bibliotheca Vaticana Lucas Holstenius & Monumentorum Paderbornensium Editor publicaverunt.

A. C. 782.  
Tom. 2.  
p. 22.

### Ad §. IX.

Regni Lothariani terminos, & quâ vicissitudine illud cum Germania coaluerit, explicat Conring. de Fin. Imp. 1, 6. Carolinum

Y 3

vero

verò sanguinem in stirpe masculina pridem  
*cap. 3.* extinctum, afferenti in *Vindiciis Hispan.* Chi-  
 fletio, concedit acerrimus ejus Antagonista  
*Blondellus in Assert. Geneal. Franc. p. 217.* per  
 feminas autem in plures Illustres familias  
 ad nostra usque tempora propagatum, li-  
 dem demonstrant.

### *Ad §. X. XI. XII. XIII.*

Cum de modo quæritur, quo titulum  
 Romani Imperii primum Germania nacta  
 sit; vetustiora illa persequi, vel passim in-  
 culcata huc repetere, ab instituto nostro  
 alienius est. Cum præsertim quid vel jure  
*armorum*, vel *acclamatione populi Romani*, vel  
 denique *inauguratione Papali* Carolo M.  
 quæsitum sit, post prolixas *Illyrici, Bellarmi-  
 ni, Junj, Arnisæi* aliorumque concertationes,  
 satis jam sit ad liquidum deductum. Præ-  
 cipua difficultas in eo superesse videtur,  
*quid alteruter horum titulorum valere adversus*  
*Græcos Imperatores potuerit, antequam illis bel-*  
*lum cum Carolo vel pactio intercessisset?* Quan-  
 quam enim Leoni Isauro quidem ob causas  
 hic memoratas anathema intentasset Gre-  
 gorius Pontifex: Et id quidem maximâ  
 quoque Græcorum parte approbante, ut  
 ex *Zonara* potest intelligi: non tamen se  
 vel populum Romanum Græcorum Impe-  
 rio in universum subtrahere ausus est.  
 Quin consilium Romanorum, alium sibi  
 Impe-

Imperatorem eligere molientium, palam reprobavit, *Anastasio in Vita ejus*, & exinde *de Regn. Ital. III. p. 63.* Sigonio teste, neque voluntati eorum de Imperio Leoni abrogando est assensus. Majore licentia usi sunt Gregorii Successores, affectato palam Urbis dominatu. Sed non defuerunt postea, qui valdè infirmum Caroli jus pronunciarent, quod Pontificiâ usurpatione niteretur. *Gervasius* certè *Tilberienfis*, *Marescallus Regni Arelatensis*, in *Otiis Imperialibus*, quæ in Bibliotheca *Wolffenbütelana MSC.* extare *Conring.* tradit, *Addit. ad Not. ad Lampad.* quæque *tertio Francicorum Scriptorum Tomo Chesneus* Filius edidit, sub *Ottone IV.* scribere non dubitavit: *Pontificem non debuisse usurpare dominationem à Constantinopolitanis Imperatoribus acceptam, ut alij conferret Augusti appellationem.* Et, subjicit, nisi os videret in cælum ponere, constanter dicerem, aut Imperium Romanum non posse cujusvis Imperatoris largitione exuere, aut si potuit jus Imperij in Pontificem mutare, non potuit in donatoris præjudicium donatarius Augusti nomen, quod ipse non habuit, alij conferre. Ex titulis autem qui prætexuntur, nullus haud dubiè efficacior est, quam qui à defectione desumitur. Et Stephanum quidem Pontificem, inopia & desperatione auxilii à Constantinopolitano Imperatore, ad Francorum Regem confugisse, narrat *Anastasius Bibliothecarius* in *vita ejus*: de Leone autem ab inimicis pessimè habito scribit *Constantinus Manasses*: Y 4 O

Ο' ὃ σὺ μάνας ἐο γράφῃ τῷ αὐτῷ τῇ βασιλίδι  
 Ἐπικυρίαν πετυχέν ἐν τῷ τῆς ἱκετεύσας,  
 Ὡς ἐγὼ πάντῃ μάλιστα πεχόμενος καὶ  
 πεισάτων.)

Καὶ γράφειν πὲ λεγόμενον ὁππότε εἰς ὕδωρ,  
 Καὶ πάντῃ χόθεν ἀπεγνῆς, πρὸς φέρει τῷ κα-  
 ρέλλω.

Vertit Meursius: Tum ille re totâ mox Constanti-  
 nopolî nunciata, openi sibi ferri postulat: ubi fru-  
 stra se omnia moliri & agere animadvertit, & in  
 aqua (ceu proverbio dicitur) literas exarare: re  
 ab omni parte desperata, ad Carolum confugit.  
 Eadem refert Monachus SanGallensis: addit-  
 que, responsum Pontifici fuisse: Ille Papa  
 Regnum habet per se, & nostro præstantius; ipse  
 se per seipsum vindicet de adversariis suis. Et  
 quanquam Eginhardus alique ex eo notent,  
 titulum Romani Imperatoris invito Caro-  
 lo esse collatum: ex eodem tamen constat,  
 cum primùm illum suscepisset, animosè sa-  
 tis, contra quam hic asseritur, jus suum ex-  
 ercuisse, neque expectasse, donec id sibi  
 transactione confessioneque Constantino-  
 politanorum Imperatorum firmaretur. De  
 vocabulo certè demum A. C. 812. remisisse  
 litem Græci videntur: quo Legatos Mi-  
 chaëlis Carolum, Imperatorem & βασιλέα no-  
 minasse, peculiariter notant Annales Fran-  
 corum: nihilo tamen secius prioribus sta-  
 tim annis Imperatorium titulum diplo-  
 matibus Eum præscripsisse, plura exempla  
 decla-

rant. Duo eximia exhibentur in monumentis Paderbornensibus p. 325. An autem summi Imperij vim habuerit defensio, cujus legibus comprehendebatur, ne quicquam sine auctoritate Imperatoris susciperet Sedes Romana, quod ad summam rerum faceret, non sine contradictione dubitatur: ista enim defensio, tametsi non aliam quam fœderis inaequalis rationem habuisset; illi utique fœderum generi accensenda foret, quæ, ut Grotius distinguit, de J. B. II, cum summi Imperii imminutione sunt 15. 7. conjuncta: in his autem Patrono imperium accedere, quod clienti decedit, ex se est manifestum. Et verò non Carolum duntaxat Franci, sed Germanis Ottonem I. plenum jus summi Imperij acquisivisse, per singulas Majestatis partes, de quibus hic tam abruptè negatur, demonstrat, & ad hæc usq; tempora illud subsequutis Pontificum molitionibus interverti eripiq; nequivisse ostendit Conringius de Imperio Germanorum Romano: atque per singulorum Imperatorum exempla illustrat in Vindiciis Anti-Blondellianis Bœclerus. Qui & alibi abundè docuerunt, non aliter sedem Romanam Pontificum arbitrio relictam, quam quomodo alii cuivis utile dominium habenti, bona feudalia vel emphyteuticaria permittuntur: nec omisâ coronatione Romanâ, de jure quicquam intercidisse. Nam quomodo intelligi porrò debeat, quando in Imperatoria Capitulatione defensio sedis Romana

Conring. de  
Fin. Imp.  
c. 20. & 21.  
Bœcl. in No-  
tit. Imp. lib.  
2. c. 2. p. 17.



*Cæsari recens electo injungitur, seposita cavillatione declarat Linnaeus ad Capitul. Caroli V. pag. 133. & seq.*

### *Ad §. XIV.*

*Imperium hodiernum in locum veteris illius Romani Imperij surrogatum esse, vel illud in hoc de J. B. I., 23. continuari, contra quosdam apud Albericum de J. B. & Gentilem & Grotium; ut & Germaniam Romæ P. II., 9. ult. subjectam, contra vulgaria Doctorum placita, rectè negatur: sed distincta coronatio & inauguratio plerumque regna atque imperia non reipsâ distincta, sed diverso duntaxat jure ac titulo acquisita notat. observatque Æneas Sylvius in Historia Friderici III. regni quoq; Arclatensis nomine olim peculiarem coronam suscipi consuevisse. idemq; putat futurum, si quod ulterius Regni dominium ad Imperatorem devolveretur. Sicut autem & alias infrequens non est, ut diversa regna uni capiti subjecta in unius tamen Reipublicæ Imperiive corpus non connectantur: ita, cum Teutonicæ Nationi subjectum sit, qualecunque hodiè Romanum Imperium superest; à contradictione facilè liberabitur formula, qua vel Imperium Romanum vel Imperium Romanorum Teutonicæ Nationis nominatur. vid. Bæcl. in Vindic. Anti-Blondell. Notit. S. R. Imp. subjectis p. 247. & seq.*

*Ad*



*Ad §. XV.*

*Pericula & incommoda, quæ ex titulo Imperij Romani in Germaniam redundasse, notatur, primum evanescere; obsoletâ non minus excommunicatione Pontificiâ, quam Romanis expeditionibus. Sunt & alia, quæ observavit Conring. de Imp. Germ. Rom. cap. 12. Neque tamen quenquam existimo Germaniæ nostræ consulturum, ut incomparabilis fastigii majestatem abjiciat, quam ex actis superiorum temporum constat, maximos quosque Principes, ejusdem detrimenti periculo, libentissimè fuisse redempturos.*

## AD CAP. II.

De

*Membris, ex quibus  
jam Imperium Germanicum  
componitur.*

§. I.

**Q**uomodo ex tenore disciplinæ, quam liber iste proficitur, intelligi explicarique debeat, quando Imperium Germanicum, tanquam corpus quoddam validissimum, ex Statibus ut primariis membris dicitur componi, suo loco inferius noscetur.

Vincu-

Vinculum sanè, quo cum *capite* suo in unum corpus *componuntur* hæc *primaria membra*, ex ipsa Imperii Germanici constitutione statui aliud nō potest, quam participatio & consortium summæ potestatis civilis, ab Imperatore & Ordinibus, tanquam in una Republica, communiter exercendæ. Quod ex ipsa quoque, quæ hīc proponitur, *Statuum descriptione*, ita deducit Paurmeisterus, ut demonstret: ipsam formam, quā proprie definiuntur, quāq; à communitate reliquorum Imperij Procerum dividuntur *Status*, consistere in sola & ἀρχῆς πολιτικῆς κοινωνίᾳ, id est, *sessura & electionis sententiæ actuali communicatione*. Unde & Lampadius suam illam descriptionem Statuum concinnavit: quod sint singulorum territoriorum domini, qui una cum Casare imperandi potestatem habent. quam quidem Imperij nostri usibus maxime commodam esse Conringius judicat: Qui & alibi non dubitavit pronuntiare: Hoc jus suffragiorum usq; aded verorum Ordinum ac Statuum proprium esse, ut essentialiam eorum unice constituat: ut verò talis aliquis *Matricula aut Albo Ordinum Imperij sit insertus*, utq; collectiones Imperij in publicum ararium, pro rata, proximè solvat, id per accidens tantum fieri. Frustra ex adverso contra Schüzium, verioris sententiæ assertorem, pertendente Linaeo: *Votum & sessionem in Comitibus accidens esse & Status*, & quidem tale, quod adesse vel abesse possit, salvâ Status essentiali: solam autem *matricula* inscri-

de jurisd.  
Imp. Rom.  
lib.1. cap.8.  
§.3. & 4.

de Republ.  
Rom. Ger-  
man. part.  
3. cap.3. §.1.

Annot. ad  
d. loc.  
De Civib.  
Imp. §.6.  
& seqq.

Coll. Jur.  
Publ. vol.1.  
disp.6. sh.2.  
I. P. 1, 7, 86.  
& seqq. &  
Addit  
tem, utroq.

inscriptionem, veram Status Imperij notam sup-  
 peditare. qui tamen ipse alias, parum qui-  
 dem ad hæc congruenter, se non diffiteri scri- *Addit. rom.*  
 bit, veram & genuinam Status qualitatem esse *2. ad l. P.*  
 jus sessionis & voti in Comitibus, & contra Carp- *1, 7, 91.*  
 zovium hoc solo argumento probat, Sabau- *Addit. rom.*  
 dum & Arcemburgium esse Imperij Status proprie *2. ad l. P. 1.*  
 ita dictos, quia in Comitibus eorum & sessionem re- *7, 61. 1b. 19.*  
 nent. quod in dissertatione de Matricula Impe-  
 rij jam observavit Ericus Mauritius: in qua  
 luculentum quoque specimen exhibetur,  
 quantum intersit, an de conditione & qualitate  
 Statuum Imperij in Republicâ, Politicum judi-  
 cium, quod hic unice spectatur; an, quod ad  
 JCorum officium pertinet, in contentione  
 forensi, judicialis probatio requiratur: quæ duo  
 Limæus manifesta confusione permiscuerat.  
 Certè, quin singula communicatæ cum Or-  
 dinibus majestatis jura, isthoc sessionis in co-  
 mitibus & suffragij jure contineantur, eò minus  
 dubii superest, quo clarius & distinctius  
 Tabulis Pacis Westphalica sancitur: ut gaude- *Art. VIII.*  
 ant Status Imperij sine contradictione, jura suffra-  
 gij in omnibus deliberationibus super negotiis Im-  
 perij, præsertim ubi leges ferendæ vel interpretan-  
 dæ, bellum decernendum, tributa indicenda, dele-  
 ctus aut hospitales militum instituendæ, nova  
 munimenta intra Statuum ditiones extruendæ  
 nomine publico, veterave firmanda præsidis, nec  
 non ubi pax aut fœdera faciendæ, aliave ejusmodi  
 negotia peragendæ fuerint, nihil horum aut quic-  
 quam

quicquam simile fiat vel admittatur, nisi de comitali liberoq; omnium Imperij Statuum suffragio & consensu. Hujus autem suffragii vim & efficaciam satis insuper declarat appellatio *Voti decisivi*, qua ab alio quocunque *assensus* & *consilij* genere ibidem distinguitur.

Illos quod attinet, qui ab aliis eximuntur, si quidem, ut hinc supponitur, illorum jus, quo immediatos sese Status ferunt, alij potentiores Status in dubium duntaxat vocent, & jam ipso tamen actu personam eorum referant in Comitibus, conditionem quoque illorum tantisper in suspenso esse manifestum est: ut in eos interim nomen Statuum non nisi ἐν πάσῃ,

de Jurisd.

Imp. Rom.

1, 8, 4.

sicut in re simili philosophatur Paurmeisterus, ratione τὸ ἀνωμαλὸν congruere intelligatur. Aliud de his dicendum, qui jus suffragii ferendi, ab aliis in dubium quidem

& controversiam vocatum, ipsi tamen adhuc in Comitibus exercent. In quibus ob-

de Civ.

Imp. th. 3.

tinere inprimis existimo illud *Conringij*: Eum, qui fruatur suffragij dicendi facultate, sive jure sive injuria; reapse esse in Statuum sive Ordinum censu: sicut è contra, qui illa caret, sive jure sive injuriâ; non sit actu civis. Unde judicari de illorum quoque statu potest, qui verè exempti, hoc est, qui decreto comitiorum, vel judiciali sententia, in jus Statuum aliorum transcripti sunt. de quibus vid. Vietor. de caus. Exempt. conclus. 38.

Observatio circa Principes, emendatione quadam & supplemento indiget. Nam I. diversitas ista in numero suffragiorum Comitialium, ad domos Principales, non nisi ratione illorum suffragiorum pertinet, quæ familiæ alicui, vel lineæ, communiter ac pro indiviso competunt; in aliis autem quam plurimis refertur ad ipsorum Statuum personam. Unde usui styli publici plurimum adversantia loqueretur, si quis varia illa suffragia, quæ superioribus Comitibus Archidux Austriæ Leopoldus Wilhelmus tulit, domui Austriacæ competiisse, vel etiamnum ratione Archiepiscopatus Magdeburgensis ad Augustum Saxonie Ducem spectans, domui Saxonice competere diceret. Sicut in universum ex Ecclesiasticis quoque Statibus non pauci, nullo domuum respectu, neque conjunctorum tantum plurium Episcopatum, sed aliarum etiam ditionum ratione, plurium sibi suffragiorum jus vindicare, notum est.

Nec vero II. de numero votorum in Comitibus, velut ex regula, definiri potest: domui alicui Principali in Comitibus certum suffragiorum numerum competere. Siquidem numerum istum variè immutari pridem obtinuit, prout in domibus Principalibus crescit aut minuitur numerus ditionum, quarum domini juris dicendæ sententiæ in Comitibus, compotes fuere: & id quidem eo usque

vid. Lampad. de Rep. Rom. German. p. 3. c. 5. § 16. Annot. ad Lampad. p. 3. c. 5. § 25.

usque seposito collegiorum & Ordinum diversorum discrimine, ut Electores inter Principes; Ecclesiasticos Status, inter seculares; Principes inter Comites & Barones, jus istud suffragii dicendi exercere, usitatissimum sit. Non in omnibus quidem nec semper id observatum, declarant exempla hujus quoque seculi: postquam tamen seculo superiore, nonnulli, interque eos, ut *Conringius* arbitratur, primi Palatini, initium huic mori præbuisent, ut, qui Status alterius ditionem esset consecutus, singulatim etiam jus sententiæ illius loco dicendæ acciperet; illis quidem, quibus intellectus juris sui vel cura erat, integrum semper fuisse judicatum est, sequi hæc exempla: reliquis, qui hoc ipsum neglexerant, præclusâ longi temporis præscriptione ad idem audendum via atque opportunitate. quam tamen in tempore rursus aliquos arripuisse, illustria itidem exempla demonstrant. vid. *Lampad. de Rep. Rom. German. part. 3. cap. 5. §. 16.* & *Conringianam annotationem ad hunc locum.* Add. *Bertram. de Comit. th. 43.* Sicut autem ad retinendum quidem numerum suffragiorum in Comitibus, hætenus valuit hoc institutum: ita III. eidem augendo plurimum confert, quod in illis familiis, in quibus primogenituræ ratio non habetur, si inter successores ditio dividatur, & divisio approbetur à Cæsare,





quæ postea adornata sunt, supplementa comonstravit. U sui, quem in suppeditandis argumentis, ad tractandas definiendasque *de exemptione, modoq; collectarum*, controversias, hodie habere putatur matricula, ne locus quidem tùm fuit, cum *antiquissimi* illi, qui feruntur indices Comitiorum consignarentur. Neq; tamen quamdiu integra Cæsarium potestas viguit, arbitrario confluxu eorum, *qui se aliquod in Republica momentum opibus aut prudentia facere putabant*, comitia constitisse credent, qui *antiquissimorum* illorum conventuum, *publicis Imperij negotiis tractandis destinatorum*, historiam in oculis habent. Ab eo verò tempore, quo jus Statuum in Comitiiis, ipsaque adeò Comitia in hodiernam formam transiere; sicut exempla quidem adeo rara non sunt eorum, *qui per potentiores à Comitiiis exclusi feruntur*: ita *tenuiores* videntur autoritate convocationis Cæsareæ impediti, quo minus *emanendi* licentiam sibi *ultra* sumerent: maxime postquam invaluit, ut singuli Status peculiaribus literis seorsim compellarentur. Unde mutationum, quæ hac parte contigerunt, causa fortasse rectius assignari queat, quod ipsa Statuum vocatio ad Comitia, etiam nostro adhuc seculo non est secundum certam aliquam & constantem normam peracta: variis subinde momentis, & interdum erroribus intercurrentibus, ne  
ad



ad definitum liquidumque numerum perveniretur. Vid. *Conring. de Civ. Imp. th. 44. 47. 48. 50.*

### *Ad §. III.*

*Austriaca familia splendore originis & antiquitate nulli Germanicarum secunda est. Siquidem majores Rudolphi Habsburgici jam circa initium seculi post Christum natum septimi, summa in occidentali Francia, Patriciatus & Majoratus domus dignatione præfulserunt. Quin & mature admodum, & quidem necdum elapso seculo illo, ipsum Alemanniæ ducatum tenuere: qui tum, ut Bruschius interpretatur, in monasterio Germanico p. 93. Alfaciam, Sueviam, & Germaniam superiorem comprehendebat. Et seriem utique stirpis à Richomere Patricio, adeoque ab A. C. 600. post Vignierium & Chisletium, in Stemmas Austriacæ deducit etiam Blondellus in Tabula Gentis Erchinoaldine Præfationi Apologetica ad Assertionem Genealogiæ Francicæ insertâ. De Alemanniæ vero ducatu extat in Fragmento historico, quod Alberto Argentinenfi præfigitur, quodque Tomo I. Scriptorum Francicorum etiam produxit Andreas du Chesne testimonium: Leudesius cum Major domus esset, duxerat uxorem de prosapia S. Sigismundi Regis Burgundiæ, genuitq; ex ea Athicum seu Adalricum, qui Patre adhuc superssente, uxorem duxerat Bersvindam nomine, filiam sororis S. Leodegarii, sororem videlicet Regi-*

na. Ob hanc causam consanguinitatis, à præ-  
 to Rege, ducatum Germania adeptus est, habuitq;  
 sedem in Villa Regia Ebenheim, & in castro quod  
 Hohenburg nominatur. Hujus autem Adal-  
 rici posterì, Habsburgici Comites, fœcun-  
 ditate gentis & multiplici hæreditatis di-  
 visione, ut in Originibus Habsburgicis demon-  
 strat Pontus Heuterus, ad nomen finesque an-  
 gustiores sunt redacti: communi cum  
 multis potentissimis familiis fato: quibus  
 tamen hinc de prosapia generisque digni-  
 tate nihil decessisse judicatur. Electionem  
 Rudolphi in Romanorum Regem quod attinet,  
 cujuscunque suffragatione illa peracta sit,  
 in confesso est, Germaniam nostram ab im-  
 minenti ruinâ, veluti ex machina per eam  
 esse servatam. Neque autem Rudolpho  
 præter Moguntini Electoris commendationem,  
 reliquorum Principum, qui præ aliis au-  
 thoritate præcipua pollebant, studia, vel  
 prævalidos competitores defuisse, demonstrat  
 Hist. Aust. Gerardus de Roo, & confirmant veterum mo-  
 numentorum testimonia. è quibus duo hic  
 adduxisse sufficiat. Chronica Australis à  
 Frebero edita, ad A.C. 1273. Comes Rudolphus de  
 Habsburg electus est in Regem Romanorum, apud  
 Franckfurt, auxilio Ludovici Comitis Palatini.  
 Siffridus Presbyter A.C. 1274. Gregorius X.  
 electionem Regis Rudolphi confirmavit, reprobatis  
 nuntiis Regis Hispania & Regis Bohemia. Ipse  
 namq; Rex Bohemia, Odoacrus, solennes nuntios

*Et multam pecuniam & munera ad Curiam Domini Papæ Gregorij transmiserat, eò quod ipse ad Imperium aspiraret. Cæterum inter Principes, qui filias sibi Rudolphi in uxores stipulati sunt, non fuit Burggravius Noribergicus Fridericus, consobrinus quippe Rudolphi, sed Otto Brandenburgensis Marchio: ut ex Alberto Chron. A. C. 1273.*

Cæterum Austriam cum annexis provinciis, Ottocaro usurpatori, maxima virtute ademptam, & Imperio vindicatam, contulit Rudolphus filio Alberto, tanquam marito Elisabethæ Tirolensis, veræ & legitimæ illarum ditionum hæredis. Tempore enim electionis Regis (verba sunt Alberti Argentinenfis) iverat Albertus ad Comitem Chron. A. C. 1273. Tirolis, ad recipiendam Elisabethæ filiam suam. Et intelligens Comes electionem Regis, Alberto filiam illico copulavit. Erat autem ipsa Elisabeth soror quondam Chunradini ex matre, quæ defuncto Chunrado Rege, recepit Comitem Tirolis. Vacaverunt autem Imperio à tempore occisionis Chunradini, ducatus Austriae, Stiriae & Carinthiae. Add. Gerard. de Roo Histor. Austr. lib. II. Pont. Heut. Orig. Habsb. cap. 4. & 15.

Archiducis titulum non Habsburgicos demum sibi adposuisse: sed à Friderico II. Imperatore, Austriae ducibus ex Babebergensi familia, quos & Reges facere destinaverat, jam tributum esse, docent Wolffgan- Petr. de Vi-  
gus Lazius in Rebus Viennensibus lib. 3. pag. 91. neu Epist.  
VI, 26.

*Cuspinianus in Friderico II. Heuterus in Originibus Habsburgicis cap. 21.* Primum certè locum ad latus dexterum Imperij in curiis publicis, iidem Babebergenses Austriæ Duces dudum sibi ante Habsburgicos vindicaverunt, ex privilegio Friderici Barbarossa, quod

*Tom. I. pag. 282. Add. Rationale Constit. p. 81. Limn. I. P. V. 2, 30. de Terr. Stat. part. 2. cap. 3. Sect. 3.* *Cuspinianus in Austria, Goldastus in Statutis & Rescriptis Imper. tum in Constitutionibus, alii- que passim publicavere. Protritam denique illam Hippolyti à Lapide calumniam, de terrore belli Turcici ad emungendos pecunia Germanos effictò, præsentissima non solum utique ditiorum Austriacarum, sed totius Germaniæ pericula, cordatorum Virorum iudiciis nunquam hætenus extenuata pridem confutaverunt.*

### Ad §. IV.

In privilegiis domus Austriacæ, nescio an præ reliquorum Statuum juribus eximii quicquam, & quod ad concitandum livorem valere queat, agniturus sit, qui sparsis per hunc libellum, de libertate Ordinum & Statu Imperij Germanici, hypothesibus præbuerit assensum. Et sunt sanè pleraque, quæ hic recensentur, capita, ita comparata, ut in maximam suam injuriam interpretantur sint Status cæteri, præcipuè Electores, si quis immunitates illorum & jura territorialia, terminis angustioribus includere moliretur. Qualiacunque autem isthæc sint,

sint, invidiâ tamen alienâ, iniquè onerantur Imperatores Habsburgici : qui nihil aliud diplomatibus suis, quam repetiere privilegia ducatus Austriæ, integris centum annis prius ab aliis Imperatoribus annexa, ac novis subinde tabulis roborata, quam is in Habsburgicorum jus ac ditionem concederet : quod *Diploma Friderici I.* ante laudatû, tum *Friderici II.* & *Henrici* Tabulæ apud *Cuspinianum* luce meridiana clarius ostendunt. *pag. 27. &*

Inprimis autem *Fridericus I.* in exordio sui diplomatis profitetur : *Se Marchionatum Austria commutasse in Ducatum, eumq; cum subscriptis juribus, Privilegiis & gratiis liberalitate Casarea contulisse Henrico Patri suo, Prænobili sue uxori Theodora & liberis eorundem : ne prædicti Patri sui Henrici, qui ad litem de ducatu Baviariæ, inter ipsum & Henricum Ducem Saxonie sopiendam, resignaverat ducatum Baviariæ, quem tenebat, honor & gloria in eo facto aliquatenus minueretur.* Deinde jubet Ducem Austria immunem esse à quibusvis servitiis, sive Sacro Romano Imperio, sive cuiquam alteri præstandis ; nisi ea de sui arbitrio faceret libertate : eo excepto duntaxat, quod Imperio servire teneretur in Ungariam, duodecim viris armatis per mensem unum, sub expensis propriis, in ejus rei evidentiam, ut Princeps Imperii dinosceretur. Porro constituit, illum pro conducendis feudis requirere, seu accedere Imperium non debere, jextra metas Austria : verum in terra

32.

*Conf. Annal. Bavar. Adelxreuteri part. I. lib. 21.*

Austria sibi debere sua feuda conferri per Imperium & locari. Ducem etiam Austria non tenere aliquam curiam accedere edictam per Imperium: Imperium quoque nullum feudum habere debere Austria in ducatu: Præterea quicquid Dux Austria in terris suis fecerit, vel statuerit, hoc Imperatorem modis seu viis quibuscunque, non debere in aliud, quoquo modo imposterum commutare. Si Dux Austria sine hærede filio decederet, eundem ducatum ad Seniores filiam devolvi. Si quis in dicto Ducatu residens, fecerit contra Ducem Austria; esse dicto Duci in rebus & corpore sine gratia condemnatum: Ducem Austria Principali amictum veste, superimposito Ducali pileo, circumdato serro pinnato, baculum habentem in manibus, equo insidentem, & insuper more aliorum Principum Imperij, conducere ab Imperio feuda sua debere. Ducem Austria donandi & deputandi terras suas, cuicunque voluerit, habere debere potestatem liberam, si sine hæredibus liberis decederet, nec in hoc per Imperium debere aliquammodo impediri.

Denique Carolum V. Status Imperij in Comitibus Augustanis Anno 1548. non sine acriter contentione, quippe reluctantem, eò perduxerunt, ut Belgium suam partem Imperij declararet, & ejus nomine in contributionibus Imperij communibus, tantum quantum duo, vel si periculum à Turca immineret, quantum tres Electores, persolaturum se polliceretur. quod ipsa Transactionis ejus verba indicant, quibus proficitur Imperator: inter cetera S. R. I.

nego-

apud Chi-  
stium in  
Asia

negotia, significata sibi fuisse scriptoq, exhibita à Vindicata Principibus Electoribus, atq, communibus Stati-  
 bus, ea, quæ à Consiliariis Circularum, circa nego-  
 rium moderationis taxæ in Comitibus Wormatiensibus discussa actaq, fuissent: atq, ex rationibus  
 fusius atq, diductius ibi explicatis supplicasse di-  
 ctos Status, ut dictum circulum Burgundicum sub-  
 sidiis & contributionibus S. R. Imp. dari solitis in  
 suo statu tanquam membrum dicti Imperij relin-  
 queret. Sed contra, minime se potuisse assentiri  
 iis, quæ per communes Status proposita fuissent: ac  
 potius curasse illis claram dari informationem,  
 nunquam ex parte Belgicarum Provinciarum aut  
 Burgundiæ datas ullas contributiones. Nibilo-  
 minus tamen illis significasse, ad fovendum cum  
 iis amicitia bonæq, vicinitatis commercium, con-  
 tentum se fore, ut dicta provincia sub uno circulo  
 comprehenderentur, aliquamq, pecunia summam  
 contribuerent &c. Addito insuper (quod ad  
 iudicium de exactoribus Tributi Turcici feren-  
 dum pertinebit) ut in casu, quo provincia  
 ista deesset dictæ contributionis solutioni; respon-  
 derent in Camera Imperiali, ibiq, contra eos, sicut  
 contra alios Status S. R. I. procederetur, ad cogen-  
 dum, ut solverent, quod deberent. Ad hæc de-  
 monstrat Conringius: omnes illas Belgicas  
 provincias, quæ in patrimonium Hispaniæ  
 Regum pervenere, pridem cum Burgun-  
 dos adhuc Principes acciperent, in obse-  
 quio Imperii jam fuisse: & quamvis hi po-  
 tentia sua freti, Imperii jura multum deli-

cap. 10. Con-  
 ringium de  
 finibus Im-  
 perij lib. 2.

cap. 28. Li-  
 minum

Addit. ad  
 I. P. V. 2.

Tom. 2 pag.  
 346.

de Fin. Imp.  
 cap. 28. pag.  
 748.



baverint; à Cæsaribus tamen & Imperii Ordinibus nihil juris illis fuisse remissum: quin imo in modum aliorum Principum ad comitia illos vocavisse, & Carolum Audacem turbantem res Imperii non dubitavisse proscribere. Sed & ex Austriacis Principibus Maximilianum, usq; adeo jam agnovisse Imperii jura, ut studiose id egerit, ut omnes illæ provinciæ uno Burgundici circuli titulo, in corpus Imperii cooptarentur. Unde ab ipsis Statibus Imperii Transactio illa & *magnifica pollicitatio* Caroli, nimis ac insidiosæ liberalitatis adeo suspecta non est habita, ut illam haud raro, tanquam juribus Imperio in Belgicas Provincias antea competentibus adversam, impugnaverint. quod ex *Wehnero* itidem *Conringius* admonet. Jam tum vero spes Philippi ad Imperium adspirantis excluserat Frater Caroli, Ferdinandus, pridem creatus Rex Romanorum. Cæsarem utique, quando cum Ordinibus de Belgicis provinciis transigebat, dimotum jam fuisse à consilio transferendi in Philippum Romanorum Regni, apparet ex *Ponti Heuteri Rer. Austriac. lib. 12. c. 15.* ubi memorat: *Mariam Cæsaris sororem, ab eo instructam, in principio statim Comitiorum Augustanorum, in quibus postea hæc transactio celebrata est, diligenter cum Fratre Ferdinando egisse, ut renuntiata dignitate Regis Rom. eam in Philippum*

d. loc. pag.  
772.



transferri permetteret: Regem autem Ferdinandum, negotio recte perpenſo, ſorori Maria reſpondiſſe: Philippum, Hiſpania ac tot aliis ingentibus aliquando regnis imperaturum, addito Germanico Imperio magis obrui ac peſſum dari, quam juvari honorariq;: proinde modum cupiditati ejus Caſar ſtatueret, niſi Philippum tantam mole oppreſſum ſuccumbere, univerſamq; Habſburgicam Auſtriacamq; familiam intempeſtiva ambitione evertere cuperet. Caſarem, fraternis rationibus recte examinatis, filijq; ſui conditione penitus perſpecti, probe Fratrem judicaſſe, cenſuiſſe; negotiumq; aut in univerſum, aut in aliud tempus rejeciſſe. Neque tandem is rerum aut temporum ſtatus tum erat, ut de Germanorum auxiliis, tuendo adverſus Gallia Regem Belgio, Carolus magnopere vel confidere poſſet, vel ſollicitus eſſe deberet.

### *Ad §. V.*

Familiam Comitum Palatinorum Rheni & Ducum Bavaria, in Lineam Rudolphinam & Wilhelminam univerſe dividi, jam uſu vulgatum eſt; ſed Inſtrumentum pacis, quod auctoritatem potiſſimum his vocabulis conciliavit, nomine Wilhelminæ Lineæ ſolam Wilhelmi V. proſapiam complectitur, quando Electoralem dignitatem & Palatinatum ſuperiorem ad Rudolphinam Lineam, deficientibus ex Wilhelmina maſculis, redire jubet.

art. 4.

Quod

vid. Sprenger. Jurisprud. Publ.  
p. 379.

A. C. 1351.  
p. 119.

Quod admonere fortasse tanti non erat, nisi Wilhelminæ Lineæ originem aliqui à Wilhelmo Hollandiæ Comite, Ludovici Imperatoris Filio, deducerent. Quem tamen satis constat, ne liberos quidem ullos sibi superstites reliquisse. Is enim est, de quo Scriptor coævus *Johannes de Beka* in *Chronico Ultrajectino* annotat: *Iste Wilhelmus cepit in uxorem Filiam Ducis Lancastria Johannam, pulchram Dominam, & bonam valde, de qua genuit Filios & Filias; sed mortui sunt infanti atate.*

Inter *ditiones Bavaricas*, verbo facienda est mentio *Landgraviatus Leuchtenbergici*: cujus nomine peculiare votum competit Bavaricæ Familiæ. quomodo ad Bavaros pervenerit, memorat *Sprengerus* in *Lucerna Imperij* p. 318. ubi tamen *Georgium Ludovicum, Alberti Bavari Socerum*, non debuisse ultimum *Landgravium Leuchtenbergensem* nominari, tum res ipsa, tum id maxime arguit, quod adhuc in Comitibus *Ratisponensibus* Anni 1641. ejus ex *Wilhelmo Filio* Nepos, *Maximilianus Adamus*, tanquam *Lândgravius Leuchtenbergenfis* sententiam dixit.

Inter *Palatinos Lineæ Rudolphinæ*, ut hic enumerantur, suffragio in senatu Principum potiuntur *Neoburgicus, Bipontinus, Lâutereccensis*. Nam *Simmerense* votum, non ita pridem cum *ditione, Electori* cessit: cui  
jam

jam antea etiam *Lauterense* competiit; sopitâ per transactionem controversiâ, quæ de isto Ducatu inter Electorem, & Comitem Palatinum Simmerensem in Comitibus Anni 1653. agitata fuerat. videatur R. Imp. 1654. §. 187. *Uber das und nachdem.*

De conditione *Sultzbacensis* consulatur *Sprengerus* in *Lucerna Imperij* cap. 1. p. 76.

De votis *Sueciæ* Regi concessis, scil. *Bremensi*, *Verdensi*, & *Pomerano*, disponitur in *Instr. P. art. 10. §. quarto* ratione supradictarum omnium ditionum &c.

### *Ad §. VI.*

Quid ex Regionibus hîc recensitis, quibusvè legibus ac partibus, ad *Duces Saxoniz* ex *Albertina Linea* pertineat, disci potest ex *Testamento Electoris Johannis Georgij*, quod is anno hujus seculi 52. condidit. è quo ad perficiendam notitiam membrorum Imperii, prout ejus constitutio in universalibus Comitibus aliisque Conventibus publicis spectatur, hæc potissimum dispositio notabilis est: *was wir auch unser dreyer Söhne / Herrn Augusti, Herrn Christiani und Herrn Mauritiij halben / so wol deren Fürstl. Unterhalts und Landes portion wegen verändert / das wollen wir dergestalt / daß die Besuchung und die Beschiedung der Reichs Craiß*  
*Proba-*

Probation- und Valuation-Tagen nur allein von dem Chur-Prinzen geschehen solle/ verstanden haben.

De administratione vero Archiepiscopat-  
*arz. 11. §. 5. militar.* *tus Magdeburgensis, plenior, quam hinc innuitur, provisio est Instrumenti Patris, ut, si quando eundem morte aut successione in Electoratu, vel quacunque alia concessione presentis Administratoris Domini Augusti Ducis Saxonie (qui hoc nomine interim votum obtinet in Comitibus) vacare contigerit, iste Archiepiscopus Domino Electori Brandenburgico tradatur & conferatur in Feudum perpetuum &c.*

*p. 307. & seq.*  
*de quo v. Limn. de J. P. l. 4. c. 8. n. 173. & seq.*

Comitatus Hennebergicus jam olim anno millesimo trecentesimo decimo ab Henrico VII. Principali dignitate insignitus est; Diplomate, quod inter *opuscula Historica Meibomius* publicavit. quanquam autem dictio quidem ex pacto successorio ad Saxonie Duces devoluta, varie divisa sit, delatis ad Episcopum insuper Würzburgensem, ut & Landgravium Casselanum feudis utrinque dependentibus, sententia tamen Comitialis hucusque universæ domui Saxonice communis mansit: quod in *subscriptione recentissimi quoque Recessus* docet formula: des gesampften Chur und Fürstl. Hauses Saren/ wegen der gefürsteten Graffschafft Henneberg.

In Ducatu Coburgico & Altenburgico mutatio contigit anno hujus seculi septuagesimo

ſimo ſecundo: quo poſtremus ex Alten-  
 burgica ſtirpe Princeps Fridericus Wilhel-  
 mus ſatis conceſſit, ſucceſſorem naſtus Du-  
 cem Gothanum: cui hac ratione ad ſuffragium  
 Gothanum acceſſit Coburgicum & Altenburgi-  
 cum. ita tamen, ut ipſe conſortio voti Iſena-  
 cenſis, quod ad id tempus Domui Go-  
 thanæ & Wimarienſi commune fuerat, de-  
 cederet. Verba Tranſactionis, qua inter  
 iſtas Lineas de Succeſſione Altenburgica  
 lis compoſita eſt, huc ſpectantia ſunt:  
 zum dritten/ nachdem auch biß anhero  
 wir allerſeits auff Reichs- und Crantz  
 Tügen/ wegen des Fürſtenthums Eys-  
 ſenach/ deſſen Aempter wir Herzog  
 Ernſt in hiebevorigen Lands- Thei-  
 lungen zur Helffte erlangt/ ein Fürſt-  
 lich *Votum* miteinander zu commun ge-  
 führt/ nunmehr aber uns Herzog Er-  
 ſten mit dem Fürſtenthum Altenburg  
 und Coburg zwey *vota*, und zugleich die  
 bißher Altenburgiſchen theils gehabte  
 Stelle unter denen *ordinari* Reichs-  
 Deputirten zukommet; So wollen wir  
 uns hingegen unſerer Vattern *Ed. Ed.*  
*Ed.* und dero Nachkommen zum beſten  
 ſolches halben Eysenachiſchen *Voti* be-  
 geben haben/ alſo/ daß ihre *Ed. Ed. Ed.*  
 ſolches ſampt oder ſonders/ wie ſie ſich  
 deſſen vergleichen möchten / alleine  
 und ohne fernere Unſere *Concurrenz* füh-  
 ren

ren mögen; Womit wir die drey Beebrüdere wol zufrieden / und hingegen von den obigen Voris des Altenburgischen und Coburgischen Fürstenthums / auff Reiches Crayß und Depurations-Lägen gänzlich absehen.

De Origine Voti *Wimariensis* vid. *Bertram. de Comitibus membr. 3. th. 41.* esse vero istud inter præcipua exempla Votorum inter Fratres, inter quos regio divisa non est, communium, alibi jam est annotatum. conf. *Limneus Addit. Tom. 1. ad libr. 1. cap. 8. n. 96. in fine.* adde *Mylerum de Principibus & Statibus Imperij part. 1. c. 23. §. 3.*

### Ad §. VII.

*Brandenburgica Familia* quando in Senatu Principum, quave occasione voto *Culmbacensi & Onolsbacensi* aucta sit, indicat item *Bertramus de Comitibus d.l.*

art. 11.

Electori, Pace *Osnabrugensi*, datum est Jus suffragii *Halberstadiensis, Pomeranici, & Mindensis.* De voto *Caminensi* videatur *Spreng. in Lucerna Imp. p. 77.* *Borussiam extra Imperium Romanum* jam collocari ostendit etiam *Conringius de Finibus Imperij cap. 29. pag. 821.* præscriptionis tamen titulus, qui vulgò jaëtatur, satis solidè convellitur per ea, quæ tradit *Bæclerus ad Grot. de J. B. & P. l. 2. c. 4. n. 14.*

Et

Et est illa quidem, Pace Welaviensi, anno hujus seculi quinquagesimo septimo concessa Electori & descendentibus ejusdem masculis, Jure supremi dominij, cum summa atq; absoluta potestate absq; omnibus antea præstitis oneribus, solutoq; feudali nexu, regenda; ita tamen, ut deficientibus masculis ex Electorali Linea, Aghati Culmbacensis & Onolsbacensis Lineæ in spem successionis, sub Feudi tamen lege admittantur. Præcesserat autem jam olim gravis disceptatio de successione istarum Linearum in Prussiam Ducalem: cujus potiora Acta collegit *Limnaus Addit. Tom. I. ad lib. V. cap. 7.* p. 785.  
n. 28.

### Ad §. VIII.

Ducatus Brunsvicensis interea obitu D. Augusti Principem mutavit.

Pollebat autem Domus Brunsvico-Luneburgica jam olim quadruplici suffragio; à quo cum postea ad duo duntaxat vota decidisset; consilio *Jacobi Lampadij* factum autumat *Conringius*, ut prior votorum numerus restitueretur. Sunt autem illa, *Wolffenbuttelsense seu Brunsvicenses, Cellenses, Grubenhagensense, & Hanoveranum seu Calenbergicum.* ad Lampad. part. 3. cap. 5.

De Episcopatu Osnabrugensi statuitur Instr. P. art. 13.

*Mechelburgensibus Ducibus, Lineæ Sverinensis, ad suffragium, quod antea hujus Ducatus* art. 12.



tus nomine ferebant, datus est *Instrumento Pacis* Episcopatus Sverinensis & Razenburgensis cum duplici Principis Titulo & Voto.

*Linea Gustroviensis* seorsim peculiari suffragio gaudet.

Nomine *Ducatus Wurtembergici* unicum primogenito Votum competit.

*Annal.*

*Suev. l. 6.*

*part. 3. c. 11.*

*Comitatus Mumpelgardensis*, quem ad Duces Wurtembergicos matrimonio pervenisse docet *Crusius*, ultimis demum Comitibus in Classe Principum certo liquidoque suffragii & sessionis Jure potitus est. controversiam prolixè describit *Linnaeus Addit. Tom. 1. ad l. 1. c. 4. p. 408.* addatur *p. 492.*

*art. 15.*

*Hassia Landgravij* cum superiori seculo quatuor suffragiis usi essent, postea duobus contenti fuerunt, donec Pace novissima *Lineæ Casselanæ* insuper *Abbatia Hirschfeldensis* cum titulo & voto Principis cessit.

In *Familia Badensi* præter suffragium cuique *lineæ* seorsim competens, à *Linea Durlacensi* fertur *Hochbergense*.

*Holsatiae* verò Duces ultra *Gottorpiense*, *Gluckstadiensi* quoque voto fruuntur.

*Ducatum Slesvicensem* quæ dependere à *Germania* statuunt, sequuntur *Matriculam Anno 21. seculi superioris concinnatam*. Cujus autoritas cur admitti hac in re nequeat, ostendit *Conringius de Finibus Imp. c. 15. p. 221. & seqq.*

*Ad*



*Ad §. IX.*

*Sabaudia Ducēs, ipsam quoque Sabaudiam* ab Imperio Germanico, Feudi Jure tenere, pridem jam contra Italorum quorundam Jctorum asserta demonstravit *Bodinus*, valde alias ampliandis Imperii finibus parcus Scriptor. neque ipsi Sabaudia *Duces* hactenus ab Imperio rationes suas adeo *separatas habuere*, quin subinde se *Sacri Imperij Principes*, itemque Germanicos Principes in publicis monumentis profiterentur, qui suas Majorumque suorum ditiones Imperatorum Germanicorum liberalitati acceptas referrent. v. *Littera Caroli Emanuelis Ducis Sabaudia* apud *Arumæum de Comitibus* c. 4. n. 118. add. *Conring. de Finib. Imp.* c. 25. *Arniseus de Jure Majest.* l. 2. c. 2. n. 4. *Carpzov. de L. R.* c. 7. sect. 7. *Limn. addit. Tom. I.* ad l. 5. c. 14. n. 2.

*Lotharingia Ducēs* nomine Marchionatus Numenii duntaxat in Comitibus Sessionem obtinere, colligunt vulgò ex Recessuum quorundam subscriptione, & quod inter postremos sententiam dicunt. in *Tabulis* autem *Investiturae*, quarum Exemplum publicavit *Chiffletius*, nominantur Feuda Imperii Marchionatus Pontis Montensis, Comitatus de *Blanchenberg/ Bellisheim & Claremontis*, Marchionatus *Hattonis Castri &c.* Ipsum verò *Lotharingia Ducatum* etiam per

*Transactionem Noribergensem*, cui potissimum Libertas ejus inniti putatur, Juribus tamen Imperii neutiquam solutum esse, rationibus haud facile subvertendis videntur idem *Chiffletius* & *Conringius* ostendisse. Ille in *Commentario Lothariensi*, cap. 9. Hic de *Finibus Imperij* c. 27. add. *Arumæus de Comitibus*, c. 4. n. 122.

Criminatio Ferdinandi II. haud dubiè gravi pondere, eò, quo destinatur, pro-cumberet, si Ferdinandus vel omnes, qui hîc enumerantur, in ordinem Principum extulisset, vel illos, quos dignitate Principali auxit, Principum Senatui obtrudere molitus esset. Neque sane *Hippolitus à La-pide* aculeos hac parte Domui Austriacæ intentatos ultra porrexit. quod si pro lubitu, scribit ille, quoscunq; in subsellia Principum ad-sciscere aut admittere Imperatori largiremur, posset is omnes fiduciarios suos, Clientes, ac jurata mancipia Principes Imperij facere, senatui Principum obtrudere; ac cum in Comitibus vota non ponderentur, sed numerentur, multitudine eorum votorum reliquos Principes veluti obruere, aut certè eorundem auctoritatem labefactare; adeoq; concludendi potestatem per hos, qui ab ipsius ore toti dependent, obliq; ac per indirectum ad se trahere. At enim Principes *Nassovij*, *Averspergius*, & *Piccolomini*, à Ferdinando III. demum in hunc gradum evecti sunt; è cæteris verò, qui titu-

*Ne Rat. Stat.*  
*part. 1. c. 13.*  
*sect. 1. n. 22.*

titulum duntaxat & dignationem Principum à Ferdinando II. acceperant, *Hohenzol-* *vid. R. I.*  
*leranus, Eggenbergius & Lobkovvicius, in Con-* *1641. §. 97.*  
*ventu Ordinum. Ratisponensi anni 1641. & 98.*  
 adeoque itidem sub Ferdinando III. *Re-* *vid. R. I.*  
*liqui in Comitibus anni 1654. Sessionem de-* *1654. §. 196.*  
 mum & Votum obtinuerunt. Unde &  
*Hippolitus à Lapide, cum tentatæ hac arte li-* *part. 2. c. 7.*  
*bertatis invidiam conquiritis anxie exem-* *sect. 8. n. 5.*  
 plis Austriacis Imperatoribus inurere con-  
 tenderet, aliud tamen, quod proferret, non  
 habuit, quàm *Arenbergium, cum anno 1582.*  
*ut Legatus Domus Burgundicæ Comitibus adesset,*  
*sequentibus Comitibus proprio nomine Principum*  
*Classi & Ordini insertum; tum & Ducem Trans-*  
*sylvaniæ ac Wayvvodam Moldaviæ & Wallachiæ*  
*ab Austriacis non modo Principes Imperij factos,*  
*sed & votum & sessionem in comitibus consecutos*  
*fuisse.* At *Arenbergium* quidem jam tum  
 in Comitibus Anni 1576. sessionem in Colle-  
 gio Principum, nec solius Cæsaris auctori-  
 tate, sed communi Statuum consensu ob-  
 tinuisse, testantur illorum *Comitiorum Acta*  
*die ultimo Julij & seqq.* neque is *Recessui*  
 anni 1582. tantum ut Legatus Domus Bur-  
 gundicæ, verum proprio quoque nomine  
 inter Principes, seorsim subscripsit. Trans-  
 sylvaniæ verò Ducem, & Wayvvodam  
 Walachiæ, ac Moldaviæ, privato collo-  
 quio apud *Goldastum* largius dignitatem  
 suam

*de R. S. & E. L. i. class.* suam interpretatos, fas fuerit, cum *Reinkin-*  
*46. 1. 7. 34.* gio aliisque in eorum Principum censum  
*ad cap. 3. 9. 5.* referre, qui nonnunquam Principes Imperij, &  
 tamen Status Imperij non sunt, adeoque Voto & ses-  
 sione in Comitibus careant. De Jure creandi  
 Principes inferius agetur. Ut vero vix  
 sperare potuit Ferdinandus, consiliis pa-  
 randæ dominationis multum adjumenti  
 allaturum, si quatuor aut quinque suffra-  
 giis partes suas in Collegio Principum fir-  
 masset; ita vix est, ut antiquæ familiæ di-  
 gnitatem suam non existiment aliter con-  
 stitutam, quam si Cæsari privilegiorum,  
 Dignitatumque concedendarum facultas  
 intervertatur. nam id quidem, quod reci-  
 piendis in numerum Statuum & ad votum  
 ac sessionem Comitalem admittendis his  
 Principibus in publica Comitiorum luce,  
 Ordinibus adnitentibus vel suffragantibus  
 gestum est, soli Imperatori imputare haud  
 dubie nulla sana ratio patitur. quod enim  
*apud Spei-* in Comitibus anni 1641. quidam ex Statibus  
*del. in spe-* monuerunt, considerandum esse vetustioribus  
*culo voce* Familiis, cum totis octuaginta retro annis vix uni  
*Sicst ad-* sessio & votum in Senatu Principum datum sit, si  
*de Limn.* jam plures uno conventu admitterentur, fieri pos-  
*add. Tom. 2.* se, ut ab isthoc exemplo Principes recentiores ali-  
*p. 120.* quando in parem cum antiquioribus numerum ex-  
 crescerent; id, contra quos, quæve contem-  
 platione prolatum sit, nemini potest ob-  
 scu-

scurum esse. nam in universum quidem leges Imperii multò aliter constat de multiplicatione votorum in Comitibus philosophari. v. R. I. de A. 1570. §. Nach dem auch. 163.

### Ad §. X.

*Episcopos in Comitibus Imperij aliisq; actibus, priori præ Secularibus loco potiri, jam sub primis Francorum Imperatoribus obtinuerat. Exempla collegit Lehmannus in Chronico Spirensi. Nempe nec seculare tum sublimiori lib. 2. c. 15. Ducum Principumve dignatione, hæreditario Jure potiri mos erat: & ad Episcopatus non alii facile provehebantur, quam ex illustri stemmate orti. De conjunctione Imperij civilis cum Sacerdotio suffecerit hinc adscribere Carpozovij judicium. qui cum quaestionis passim varieque agitatae statum ita formasset: Annon Episcopi male politicam Jurisdictionem exerceant ac proinde duplicem personam Principis & Episcopi falso representent? subjicit: dicam liberè quid sentiam. Etsi vetustis diebus in Imperio nostro Ecclesiasticis personis absq; dubio non competierit politica potestas; nec, cum initia Ecclesie adhuc fuere tenuia, quicquam agrorum vel prædiorum ipsi donatum vel ab eâ acceptum legamus: Attamen cum tempore hodierno Ecclesiastici jam à principio foundationis suarum Ecclesiarum, vel à tanto dierum spatio, de cujus*

*De Leg.  
Reg. c. 3. §. 9.  
n. 25. &  
seqq.*

contrario non extat amplius memoriâ, una cum potestate Spirituali & Ecclesiastica obtinuerint, & adhuc legitime obtineant Ducatus, Comitatus, Baronias, cum Jurisdictione temporali; sane praesumptuosum fuerit, disputatione Scholasticâ, qua nec dari nec adimi possunt dominia, iis terminos antiqua dignitatis pervertere. Quomodo aliâs hæc tota res ad tranquillitatem usumque Imperii vel attemperari vel declarari idonee queat, ostendit Conringius de Constitutione Episcoporum Germaniæ, tb.95.

### Ad §. XI.

De conjunctione plurium Episcopatumum egregia est ejusdem Conringij annotatio de Constit. Episc. Germ. tb.79. & 90.95. ubi citata ex Cranzio testimonia satis ostendunt, non esse rem hodierni inventi. Et sanctionibus quidem Ecclesiasticis refragari, jam

*ad Nommo-*  
*can. Phot.* olim nitebatur probare Theodorus Balsamon  
*Tit. 1. cap.* ex Interpretatione Canonis XV. Conci-  
*20.* lii VII. sive Nicæni II. constituentis, nequis  
in duabus Ecclesiis unius Urbis Clericus fiat:

*v. l. 36. &* Photius autem præmiserat ex lib.1. Cod. Tit.3.  
*l. 40. §. 1. C. Constit. 35. & 39.* neq. in duabus Civitatibus Epi-  
*do Episc. &* scopum; neq. duorum Monasteriorum Presulem  
*Cler.* eundem esse posse. Sed & in vita Gregorij Pon-

*v. dist. 89.* tificis scribit Johannes Diaconus: illum omni-  
*ca l.* no cenuisse, singula Ecclesiastici Juris officia sin-  
gulis quibuscq. personis singularim committi debe-

re. Ne de Conciliū Lateranensis II. Decre-  
to jam dicam; quo generaliter statuitur:  
ut quicunq; receperit aliquod beneficium, curam  
animarum habens annexam, si prius tale benefi-  
cium obtinebat, eo sit ipso Jure privatus; & si  
forte illud retinere contenderit, etiam alio spolie-  
tur. Neque tamen adeo rigidè semper  
observatæ sunt hæ sanctiones, quin subin-  
de illas dispensatione laxarent, qui consti-  
tuendorum Episcoporum arbitrium sibi  
vendicabant. Exempla quædam anno-  
tavit dicto loco ipse Photius, & in Canonicis De-  
cretis occurrunt passim alia. jamque sub  
Urbano V. pontifice Joannes de Lignano, haud  
incelebris in Academia Bononiensi Juris  
Pontificii interpretes, cum notasset, impossibi-  
le de Jure communis rigore, quem intitulari in  
pluribus titulis Ecclesiasticis, scribere non dubi-  
tavit: ad jura in contrarium allegata non est re-  
spondendum: quia nullum jus invenio, quod hoc  
dicat dispositivè. sed bene invenio jura narrantia  
plurales: sed hoc evenire potest: quare tota die  
dispensatur; & expedit dispensare propter utili-  
tatem vel necessitatem Ecclesiarum. In Ger-  
mania nostra, sub Joanne XXII. Berchtol-  
dus, tradente Alberto Argentinesi, diu Spiren-  
sem & Argentinesem Episcopatus tenuit, Spiren-  
sem Gubernatorem se scribens. unde fortassis  
originem traxit, quod postea invaluisse do-  
cet Cranzius, uti qui duarum Ecclesiarum gu-  
bernaculis præficeretur; alteram teneret in titu-

c. dudum.  
54. X. de  
Elect.

vid. caus.  
XVI. q. i. c.  
48. & seq.  
de plurali-  
tate benefi-  
cior. Eccle-  
siasticor.  
n. 16.

in vita  
Berchtold.

Metrop.  
XI, 15.



lum, alteram in commendam. Sed & antea sub initium seculi XIII. Rudolphum Guirgensem elaborasse, ut super duos haberet dominium principatus, Abbatiam scil. San Gallensem & Episcopatum Curientem, reperio annotatum in casibus monasterij S. Galli. ubi tamen adjicitur: oportuit tamen cum obtinere Abbatiam dispensatoriè. Antiquissimis vero temporibus totam hanc rem non tam juris & legis certæ, quam consilii ac utilitatis quadam ratione fuisse administratam, haud difficulter inde queat colligi, quod de Carolo M. San Gallensis ex ævo Caroli Crassi Monachus memoriæ prodit: providentissimus Carolus, nulli Comitum, nisi his, qui in consinio vel Termino Barbarorum constituti erant, plus quam unum Comitatum aliquando concessit: Nulli Episcoporum Abbatiam vel Ecclesias ad Jus Regium pertinentes, nisi ex certissimis causis, unquam permisit. Cumq; à Consiliariis suis sive à familiaribus interrogaretur, cur ita faceret, respondit: Cum illo fisco, vel curte illa in Abbatia vel Ecclesia, tam bonum vel meliorem vasallum, quam ille Comes est vel Episcopus, fidelem mihi acquirero vel facio. Ex certis autem causis quibusdam plurima tribuit. Exempla recentiora collegit Laurentius Ohmnius de Jure Episcopali th. 13. lit. c. Add. Arum. de Jur. publ. Vol. 3. disc. 9. th. 35. Besold. Thes. pract. voc. Bischoff.

de Re Gest.  
Carol. M.  
lib. 1. cap.  
14.



*Prelatis inferioribus jam olim duo suffragia adscripserunt Author des außführlichen Berichts/ wie es auff den Reichs-Tagen pfleget gehalten zu werden. cap. 7. Lehmannus in Chronico Spirensi lib. 7. cap. 124. Arumæus de Comitibus cap. 7. n. 89. Bertramius de Comitibus membr. 5. th. 70. postea tamen aliquandiu unico duntaxat usi sunt. estque ad hoc tempus accommodata Pauc-de Juris-  
meisteri & Webneri observatio. Alterum dict. Imp.  
reperiere in Comitibus anni 1640. sequenti- Rom. II, 2,  
bus autem demum compotes ejus sunt fa- 25.  
Eti. Vid. Limn. Addit. Tom. II. pag. 354. Auth. Obs. Pract.  
der Grundf. sic. part. 2. c. 5. voc. Reichstag.*

### Ad §. XII.

*Comites & Barones anno superioris seculi LIX triplici adhuc suffragio potiti sunt. inde omisso Franconico, usque ad annum hujus seculi XLI. duo tantum tulere. Denique Comitibus novissimis accessit quartum, Westphalicum. Vid. Limn. Addit. Tom. I. & II. ad lib. 9. cap. I. n. 143. Autor der Grundf. loc. cit.*

### Ad §. XIII.

*Decrementa Urbium, quæ hic signantur, ad Anseaticas rectius retuleris; quatenus fœderis ejus potentia è gradu, in quo*  
ante

ante unum atq; alterum seculum steterat, notabilibus intervallis decessit. nam de Imperialibus, quæ hic enumerantur, ejusmodi observationem adstruere vix liceat. quarum status, postquam adversus minas cujusque generis, obscuras pariter ac non obscuras, Pace Imperij aliisque Legibus fundamentalibus munitus est firmatusque; suo quodam jure, ac solidiori etiam conjectura ominari possunt, fore, ut in augures aliquando recidant tam sæva vaticinia. Neque sane hucusque quidem Germaniæ nostræ conditio eo recidit, ut securitas cujusque à validioris duntaxat arbitrio suspensa sit: vel de Republica tanquam in Cyclo-pum patria, sententiam dicere, aut adornare judicium conveniat. Suspicionem de receptione *Bremæ* in numerum liberarum Urbium, satis diluunt acta cum Episcopo. *Brunsvigæ* hodiernum statum describit Transactio novissima. De *Magdeburgo* quoque judicandum ex pacto anni 1666. nam sequiora suspicari fortasse aliorum non fuerit, quàm qui digerere nondum satis possunt, cur Saxones *Erfurdiam*, in qua sibi ultra protectionem nihil juris asseruerunt, non suam potius fieri maluerint. etenim inter cordatores dudum explosa ratio est, quæ solo rorore jus, vel utilitate metitur.

vid. Assert.  
libert. Bræ.

apud Gassel. in Europæ cap. 32.  
p. 1114.

Ad

*Ad §. XIV.*

Uti vocari ad Comitiam, commodi incommodivè; oneris & favoris rationem habet: ita vicissim quod *Nobiles immediati* non vocantur, utriusque generis æstimationem apud Scriptores subire videas. Favorem copiose præ cæteris explicat *Hippolitus von Treispach*/ vero nomine *Philippus Knipschild*/ de *Statu & sessione immediata Nobilitatis* quæst. 4. n. 331. & seqq. adversam interpretationem tuetur *Bertramius de Comitibus membr. III. th. 39.*

Dictoria ex paucorum moribus in universum Ordinem jactata, retunduntur cæterorum meritis. quorum interventu vel pensantur vel redimuntur flagitia dissentaneam generi nominive vitam sectantium.

Adversus motus aut pericula à potentioribus intentata subinde Nobilitati præsidia idonea, Imperatorum provisu disposita adornataque fuisse, demonstrat itidem *Hippolitus à Treisbach. quæst. 4. n. 345. & 348.*

*Ad §. XV.*

Cum initio seculi superioris primum instituerentur sex Circuli, deinde augerentur anno 1512. ut decem fierent; non videtur id usquequaque adeo rigide spectatum,

tum, ut omnia Imperii membra hac distributione comprehenderentur. postea certe non est huic curæ invigilatum. Unde si quis urgere velit hoc argumentum: *Non est hac aut illa provincia in Circulum relata; Ergo fœdere magis Germania innectitur, quam in eandem cum ipsa Civitatem coaluit: illi respondendum inprimis fuerit de Comitatu Montisbelgardensi aliisque provinciis, quæ hucusque non sunt certo circulo adscriptæ, membra tamen Imperii non minus ac cæteræ indubitato habentur. Vid. Linn. Addit. Tom. I. p. 40. & 41. & Tom. II. p. 101. Cæterum Bohemiam neq; in aliquem ex decem circulis relata esse, neq; peculiarem circulum constituere, asserenti contra Goldastum Arumæo facile accedimus. At quod Regnum Bohemiæ, Regi æque ac cæteris Imperii Principibus sua territoria, sub lege homagii, confertur in feudum, inde talis haut dubie Bohemiæ status resultat, qui pro Regno fœdere duntaxat Germania innexo illam haberi non patitur. Cum præsertim Rex Bohemiæ à cæterorum Statuum sorte, non sit nisi peculiaribus privilegiis segregatus; & præterea ex ratione muneris Electorii, annexæve dignationis Archipincernæ, ad præstanda sive adstringatur, sive admitatur, quæ fœderati Principis officium haud parum egrediuntur.*

*Anim. de  
Com. II. 41.*

Utilitatem Circulorum agnoverunt etiam exteri. vid. *Thuan. lib. II. prop. init.* *v.R.I. 1555.*  
 Est autem ista divisio talibus ab initio cau- *s. in fall.*  
 tionibus, præsertim quoad rei militaris ad- *62. & seqq.*  
 ministrationem adgubernata, quæ non fa-  
 cile sinebant circulos pro arbitrio suo, da-  
 mna periculave sejungere; Imperii quip-  
 pe nihilominus jurisque communione co-  
 pulatos. *Distraçtio* itaque quæ hîc signatur,  
 propiores, nec obscuras habet causas. Nisi  
 quatenus omni in Republica, utut alias  
 utilissimæ partitioni, distraçtionis quæ-  
 dam semina insunt, ut Ordines aut collegia  
 distincta subinde contrariis utilita-  
 tibus vel æmulatione  
 collidantur.



